





LES  
ANTIQUITEZ  
DE LA VILLE DE  
MARSEILLE,

Par NIVLES RAYMOND de Solier,  
*Jurifconsulte.*

Où il est traité de l'ancienne Republique  
des Marseillois : Et des choses plus  
remarquables de leur Estat.

*Translatées de Latin en François, par CHARLES  
ANNIBAL FABROT, Aduocat au  
Parlement de Prouence.*




A LYON,

Et se vendent A MARSEILLE,  
par ANTHOINE DE BUSSI.

---

M. DC. XXXII.





A MESSIEURS,

MESSIEURS LES VIGVIER  
CONSVLS, GOVVERNEURS,  
PROTECTEURS, ET DEFEN-  
seurs des priuileges, franchises  
& libertez de la ville de  
Marseille.



MESSIEURS,

*Feu mon Pere s'estant retiré a l'escart du trouble qui trauailloit la France aux dernieres annees, pour charmer en partie la douleur qu'il receuoit des afflictions de sa patrie, se deuoiua entierement à l'estude, & voulut que la posterité sceut qu'il auoit vescu. Et que la Prouence sa tant douce patrie, comme luy ayant donné naissance le retirast encores du tombeau, si bien qu'il escriuit l'histoire entiere de ce pays en langage Latin, pour n'enuier aux nations lointaines la cognoissance de tant de belles choses qui s'y rencontrent. Mais si feu mon Pere a peu par tant de veilles atteindre à quelque gloire, le seul obiect de ses Estudes, il faut que la posterité auouë qu'elle doit de remerciemens infinis à celui qui a tant de fois preserué cest œuure de la perte qui le menaçoit : c'est feu Monsieur de Montfuron Conseiller du Roy en sa Cour des Comptes, aides & finances de ce pays, du merite duquel tout ce qu'on*

pourroit dire seroit beaucoup au dessous de subiet. Car pendant que sa maison & la nostre estoient exposées à l'insolence de la guerre, laquelle comme vn torrent rauageoit & emportoit tout sans resistance, il eust tousiours cest orphelin entre ses bras, apres la mort de son auteur, & le conserva le cherissant à l'esgal de sa vie: Car de moy, mon Pere m'auoit laissé en vn âge si tendre, qu'à peine eusse-ie peu tirer du feu ce mien frere germain: C'est donc luy, qui a donné vne nouvelle naissance à ceste histoire, qui en est le second Pere, & dont la memoire en doit recueillir autāt de loüange que ce labeur viura en la bouche des hommes. Or entre plusieurs belles pieces que i'espere donner quelque iour au public, i'ay faict parler François ceste ci pour vous la presenter, Messieurs, c'est l'histoire de la ville de Marseille, où vous verrez les deuanciers desquels vous auez pris naissance, les accroissements de ceste puissante ville, l'estonnement & l'effroy de ses voisins, comme elle se soustint long tēps contre les plus fortes secousses de la fortune: & en fin, comme elle qui auoit faict la Loy à tout ce qui estoit à l'entour, la receut d'un plus grand: heureuse toutes fois en l'Eclipse de sa puissance, pour s'estre à la fin venüe reioindre à la chaine de la monarchie Françoisë, dōt elle fut iadis l'un des premiers anneaux, cōme elle est auiourd'huy l'un des plus riches fleurons de sa Courōne. Receuez donc le pourtraict de vos Peres, & soyeZ-en les protecteurs contre enuie, comme il defend leur memoire de l'iniure du temps & de l'oubly.

Vostre tres-humb. & obeïss. Seruit. HECTOR de SOLIER.

LES





LES ANTIQVITEZ  
DE LA VILLE DE MARSEILLE,  
Par N. IVLE REYMOND de Solier,  
Jurisconsulte. Où il est traicté, De  
l'ancienne Republique des Marseil-  
lois, Et des choses plus remarquables  
de leur Estat.

CHAP. I.

DES COMMIVIENS, ET DE LA  
*situation de la Ville de Marseille,*  
*selon Iules Cesar.*



N TRE les diuers peuples qui se  
trouuent compris sous le nom ge-  
neral des Saliens, & dans leur res-  
sort, (qui estoient les Commouiens,  
Anatiliens, Anatiques, & autres ; ) Les Com-  
mouiens ( ainsi que nous aprenons des Geo-  
graphes ) estoient ceux, qui auoient pour limi-  
tes la mer Mediterranée du costé du Midy,  
l'estang des Anatiques & Anatiliens, vers le  
couchant, la riuiera Cœnus au Septentrion,  
par les Camatulliques ou Theoniens, du cô-  
té de l'Orient. Et par ce que c'est d'eux qu'il  
nous faut traicter en ce discours, nous com-

## 6 ANTIQVITEZ DE MARSEILLE.


mencerōs par la Ville de Marseille, qui estoit leur Republique. Et fut depuis sous l'Empire Romain la Metropolitaine de cetté Prouince, dont le nom s'est rendu celebre jusques dans les nations plus reculées, par la gloire de ses hauts faits & conquestes. C'estoit donques dans la Provence, où (comme dit Stephanus Autheur Grec) dans la Ligurie voisine de la Gaule Celtique que fut située ladite Ville de Marseille, Colonie des Phocenses, la terreur de l'Europe (ou bien, s'il s'en faut rapporter à Polybe.) aux racines des Alpes. Des trois côtez elle estoit batüe de la mer, à ce qu'en dit Iules Cesar, au second Livre de la guerre ciuile; le quatriéme quartier estoit, par où l'on y venoit par terre, du côté de l'Orient & Septentrion. Il y auoit du temps de Iules Cesar vne forteresse que la nature du lieu, joint la profondeur du fossé, auoit rendu comme inexpugnable. Maintenant il n'y a pas de Citadelle dans la Ville: mais en reuenche, elle se trouue fortifiée d'une bonne garnison, d'un fort rempart par des hautes murailles, mesmemēt du côté de la porte d'Aix; si bien que deux Charles, l'un du sang Royal de Bourbon, & l'autre Empereur cinquiéme de ce nom, n'oserent jamais entreprendre de l'assiéger. Or par ce que les figures des vieilles & nouvelles Tables de Ptolomée ne se rapportent point à ce que Cesar a si naïfvement



ment descrit touchant l'affiete de cette Ville, il nous en faudra cy - après représenter la figure, où l'on pourra par mesme moyen reconnoitre la description que Strabon en a faite, beaucoup plus gentilement que les autres. Quant au Port, en la naissance de cette Cité si renommée, il fut nommé Halycidon par Pomponius Mela, en quelque endroit de son Liure, & Eustathius Lacydon. Aujourd'huy retenant le premier nom, on le nomme *Haren*, mot tiré des Salines, que les Grecs appellent *Halicydes*, comme l'enseigne Hermolaus de l'autorité de Strabon. Antoninus l'appelle *Carner*, ou *Carum*: car les nauires venoient aborder & mouïller l'anchre vers cette partie de Ville, laquelle estoit tournée vers le Septentrion, & la nommoit - on la *Porte Gallica*, ou Gauloise, retenant aujourd'huy presque le mesme nom, *Porta Galegna*. Ce Port regardoit l'occident, & le midy, en lieu fort batu des vents ordinairement, & où l'onde estoit perpetuellement agitée: tellement que les Marseillois peu après la fondation de leur Ville, à celle fin que les Nauires fussent à l'abry de l'orage, & qu'ils peussent mieux pourvoir à la seureté de leurs negoces, ils s'adviserent de changer leur Havre, en la Palu nommée *Pontona*, qu'ils auoiēt nettoyée pour cet effect, & l'appellerent *Ponton*, sans aucunement en alterer le nom, quoy que par succes-

sion de temps on ayt appellé de ce nom vn seul coin du Port où sont les cloaques & sentines de la Ville, (à l'entretien & nettoiyemēt desquelles sont condamnés les malfaiteurs, qui ont merité vne peine moindre que la gallere, qui a succédé au supplice des Minieres ou Metal ) ou plustost ces Barques avec lesquelles on vuide les immondices du Port, & de la Ville, ont retenu ce nom là. Quoy que dans Apulée & Paulus le Iurifconsulte, *Pontones* soyent les barques desquelles on se sert en lieu de ponts, pour le traject des Rivières. Mais dans Iules Cesar *Pontones* sont les Nauires Gauloises qu'il appelle encores *Oneraires*, comme ne servants qu'au charriage des Marchandises, & non en la guerre. C'est pourquoy ces Barqueroles desquelles on se sert aujourd'huy pour jetter hors les ordures du port pourroiet bien auoir emprunté leur nom, ou du lieu, ou des anciens nauires, qui estoient ainsi nommez. Du côté de Midy la Ville panche vers le port: du côté de l'Occident est l'emboucheure d'iceluy: referré entre deux rochers, qui rendent le passage fort estroit, & qui toute fois se trouue retressi par trois piles, par où l'on téd des chaines pour la garde & seurété de la Ville, & des vaisseaux: & autant de largeur & distance y a-il entre ces piles de l'vne à l'autre, qu'il en faut pour le passage de deux galleres qui abordent

LES ANTIQVITEZ DE LA 9  
abordent ensemble à pleines rames. Pour les  
autres lieux forts de la Ville, nous en parle-  
rons lors qu'il faudra venir aux mœurs &  
coustumes des Marseillois. De la figure du  
Port nous en discourrons aussi quand il sera  
question de parler de la transmigration, &  
peregrination des Phocenses. Comme aussi  
de sa forteresse inexpugnable, au Chapi-  
tre 38. La Ville estoit bien plus grande qu'el-  
le ne monstre à présent: comme nous faisons  
voir en passant, parlant du Medecin Crinas.




DV NOM DES MARSEILLOIS,  
& de l'Etymologie du mot de  
Marseille.

## CHAP. II.

**Q**VANT au Nom & Etymologie de  
Marseille, Stephanus en escrit cecy  
après Timæus; Qu'un Pilote nauigant, &  
voyant un Pescheur, luy auroit crié, de lier  
son cable à un pilier: or μάσαι parmy les Æo-  
liens signifie lier, de sorte que μασσαλία, ou  
Marseille, auroit tiré son nom du mot αλιεύς  
ou pescheur, & du verbe μῆσαι à quoy semble  
s'accorder Eusthatius aux Commentaires  
qu'il a fait sur les livres du monde de Denis



Alexandrin. Comme aussi l'Interprete de Thucydide, qui veut que le mot de Marseille soit né de ce que comme la flotte des Phocenses abordoit à ceste plage vn pescheur leur cria, *μαῖσαι, μαῖσαι*, qui vaut autant à dire que atache atache, ce que les Phocenses prenant à bon augure, auroient prins port en cet endroit là, & y auroient basti leur Ville, qui l'auroient nommée *μασσαλία*, depuis Marseille. Il y en a pourtant qui rapportent ce Mot *μασσαλία*, au Fondateur de cette Ville - là, homme Celte, ou Gaulois de nation, qui portoit ce nom, comme il sera dit cy - après.



DE L'ORIGINE DES MARSEILLOIS,  
& des Fondateurs de la Ville.

C H A P. I I I.



OVER l'origine des Marseillois, les anciens auteurs n'en sont pas bien d'accord. Car quelques - vns ont estimé qu'ils estoient yssus des Phocenses sortis de la Phocide, qui est vne petite partie de Bœoece, en la Grece, voisins du golfe Crysfæus, fort celebre, pour l'oracle Delphique, & les montagnes d'Helicon, & de Parnasse; à quoy semble s'accorder Pline, au Livre 3.

Chap.

Chap. 4. où il nomme Marseille la Colonie des Phocenses, pour en faire difference, comme il semble, des Phocenses Asiatiques; & le Poëte Lucain dit le mesme, au Livre 5.

*---famâ veteres laudantur Athenæ,  
Massiliaque suæ donantur libera Phocis.*

On louë la Ville d'Athenes d'un commun bruit de sa fidelité, & la liberté est ottroyée à la Phocide, en consideration de Marseille. Et en un autre endroit, il les appelle Phocaenses;

*Phocais in dubiis ausa est seruare Iuuentus  
Non Græcâ leuitate fidem.*

La leuuesse Phocienne, en l'incertitude mesmes des affaires, contre la legereté reprochée à toute la nation Grecque, ne laissa pas d'estre soigneuse de garder sa foy.

Mais quant aux Escriptuains Grecs, ils tiennent que les Marseillois sont sortis de la Phocide Ionienne, qui est vne partie de l'Asie mineure, & colonie des Atheniens, suiuant l'opinion de Ptolomée; & de cet advis sont Athenée, au Livre 13. Chap. 13. Isocrates en son Archidamus, qui veut que Marseille ayt esté bastie par les Asiatiques, partie sous les auspices de Diane d'Ephese. Les Phocenses, dit-il, fuyans la Tyrannie de leur Roy, ont basti la Ville de Marseille. Quant à Athenée, il en dit au Livre 13. après Aristote, ce qui s'ensuit; Aristote au Livre qu'il a fait de la Republique des Marseillois, en parle ainsi;


Ces

Ces Phocéens qui sont en cette partie de l'Ionie estans fort addonnés au trafic & marchandises, bâtirent Marseille. Agathias Auteur Grec aussi au premier Livre de la guerre des Gots, & Stephanus appellent cette Ville, Colonie des Ioniens. De mesme Herodote fait la Phocide d'où les Phocéens, qui sont comme les Peres des Marseillois, sont yssus d'une Ville d'Ionie. Entre les Latins ceux-cy les ont suivis, Justin Livre 43. suivant l'Histoire de Trogus, Pompeius, Tite - Live, Livre 5. 26. & 34. de son Histoire, & Ammian Marcellin au Livre 15. où il dit, que certain peuple de la Phocide Asiatique fuyant la cruauté d'Harpalus Lieutenant du Roy Cyrus, seroit venu aborder par mer en Italie, & que partie d'iceluy y auroit bâti la Cité Velia en Lucanie, l'autre la Ville de Marseille au pays Viennois; ce qu'il semble avoir emprunté du 10. Livre des nuits Attiques d'Aule Gelle. Solin aussi est de ce mesme advis. Mais ceux qui suivant l'opinion de Lucain & Pline, rapportent l'origine des Marseillois aux Phocéens de l'Europe, ont esté trompés par la ressemblance & proximité des Noms. Or la Phocide de l'Ionie a esté appelée par Stephanus *Φοκαία*, dont le denominatif seroit *Φοκαεύς*, selon Herodote, & *Φοκαεύς*, en Latin *Phocaensis*, mais beaucoup mieux *Phocatenis*, au témoignage d'Hermolaus Barbarus: Et Phocea fut ainsi nommé,



nommé, au rapport de Strabon, de ce que ce grand nombre de veaux marins estoient apparus sur le riuage à ceux qui se trouuerent à la fondation de cette Ville - là : car on appelle vn veau Marin du nom de Phoca, dont les Latins mesmes ont vsé. Or la Phocaïde a en longueur geographique, selon l'observation de Ptolomeus, 57. degrés, & 15. scrupules ; en largeur 38. degrés, & 50. scrupules Le scrupule contient cēt pieds en quarré. Aujourd'huy elle est nommée *Foglia vecchia*, & cette region est comme nous auons dit des appartenances de l'Asie mineure, qu'on nōme aujourd'huy Natolie, ou Anatolie. Et cette Cité jadis si florissante, pour auoir mesprisé le service de Dieu, est à bon droit tombée entre les mains des Ottomans. De ces Phocaciens est tiré ce Prouerbe, *Phocaentium execratio*, L'execration des Phocaiens, duquel nous parlerons incontinent, & non pas des Phocenses, desquels ce Proverbe est venu, *Phocensium, siue Phocidenſiū desperatio*, Le desespoir des Phocenses, ou Phocides, duquel est parlé aux adages d'Erasme. Il y eût aussi vne certaine autre Ville nommée Phocée en Micalé, qui est vne region de la Carie, de laquelle il n'est besoin de discourir en ce lieu. Au reste, Bellon Livre 3. Ch 22. des Observations Turquesques, qu'il a escrites en François, raporte le nom de Druydes aux Philosophes Phocenses, d'où certaines person

personnes auroient esté appellées *Deuïs*, qui en Turquie sont reputés pour justes, & Religieux. Mais pour moy, ie n'ay jamais leu, que ce mor de Druydes ait esté pratiqué, qu'en la Gaule Celtique.



DY TEMPS, ET CAUSE DE LA  
*Transmigration des Phocenses du  
Pays d'Ionie.*

CHAP. I V.



**V** motif de la transmigration des Phocenses hors de leur Pays d'Ionie, & du temps qu'elle fut executée, les anciens Autheurs ne s'en accordent pas, & chacun dit son advis : car Agathias dit, que ces Phocenses furent chassés de leur Pays par les Medes, au temps que Darius fils d'Aridas. pes commandoit aux Perses. Mais Trogue Pompée, ou Justin qui a fait son abregé, escrit que ce ne fut par force qu'ils abandonnerēt leurs demeures, ne pour redouter les Medes, mais que la jeunesse des Phocenses, de leur propre gré voulut quitter l'Asie, cōme nous dirons cy - après. Et mesmes Athenée au Livre 13. dit, que ce ne fut pas la force qui leur fit passer la Mer, mais le desir du trafic &

LES ANTIQVITEZ DE LA 15  
marchandise, comme il a esté dit au precedēt  
Chapitre. Ceux qui ont augmenté le Calepin  
escriuent, que Marseille fut bastie 3350. ans  
après la creation du monde, 613. ans auant  
l'advenement de Iesus - Christ, en la quaran-  
te - deuxiēme Olympiade, sous Astyages Roy  
des Medes: & toutefois cette année là se rap-  
porteroit plûtoſt au deuxiēme an de la qua-  
rante & vniēne Olympiade, au dixneuſiēme  
du regne de Cyaxares, qui fut vint - deux ans  
auant Aſtyages, auquel temps Ezechiel com-  
mença à prophetiser en Babylone. Tarqui-  
nius Priscus cinquiēme Roy des Romains  
commença de regner, la quatriēme année  
après la transmigration de Babylone, 38. ans  
après la fondation de Rome. Mais Solin &  
Eustathius escriuent qu'elle a esté bastie en  
la 45. Olympiade, dont la premiere année fut  
l'an de la creation du monde 3365. ou selon  
le conte d'Eusebius, 4601. D'autres ont escrit  
que les Phocenses auoient quitté leur Pays  
natal, par la tyrannie du Gouverneur, Cyrus  
tenant l'Empire des Perses. Solin dit, qu'ils  
fuyoient l'insupportable domination de De-  
nis le Tyran. Mais quant à moy, i'estimerois  
estre le plus seur, de s'arrester à l'opinion d'I-  
socrate, dont l'auctorité est bien de plus grād  
poids, que celle de ceux qui ont esté allegués  
ey-dessus, lequel escrit que ces Phocenses fu-  
rent chassés par ce Roy Xerxes, qu'il appelle  
ordinai



ordinairement le grand Roy, sans le nommer de son nom. Nous le suivrions donc plutôt que pas vn des autres, si nous n'estimions suivant la supputation de Funccius le Chronographe, qui est sans doute la plus exacte de toutes les autres, que les Phocenses vindrent aborder en ce Pays, le 2. de la 46. Olympiade, le 14. de la transmigration des Babylonien, l'an 32. du Regne du grand Nebucadnesar, quatrième de ce nō. Le 39. de Cyaxares Roy des Medes : le 21. du Regne de Tarquinius Priscus, cinquième Roy des Romains, deuant celuy d'Astyages deux ans : trente - six ans auant le Regne de Cyrus : cent neuf ans auant le tēps du Roy Xerxes : l'an du monde 3370. auant la naissance du Fils de Dieu 593. ans. & 158. de la fondation de Rome : que si vous adjoutez 593. avec 1577. qui est le temps auquel i'ay escrit cecy, vous trouuerez, que depuis l'advenement des Phocenses sont passés 2170. ans. Le mesme Eusebius dit, que Marseille est plus ancienne que Milan, d'un peu moins que de huit ans : ce qui se pourra verifier aussi par vn passage de Tite-Liue, que ie rapporteray cy - après. Eutropius raconte, qu'en ce temps - là le Poëte Arion fut porté sur le dos de son dauphin, au bord de Tenare. Environ ce temps - là Ierusalem fut ruinée de fonds en comble, par le Tyran Chaldeen. Sedecie perd son Royaume, & la veüe. Daniel

est

est fait captif avec ses compagnons. Ezechiel le Prophete est reconneu. Ce mesme siecle vit naistre Rome, & deschoir Ierusalem. En ce temps là aussi viuoit Thales, l'un des sept Sages, qui auoit grande familiarité avec Solon. Et deslors, l'Empire des Romains, la secte des Pythagoriens, & Ioniens, la gloire du nom Gaulois sous le Roy Bellovesus, le nom, & la memoire des Marseillois commencerent à se rendre plus illustres à la posterité.



DE L'EXECRATION, OV IMPRE-  
*cation des Phocenses, fondateurs de la Ville de*  
*Marseille. Et du Proverbe tiré d'eux,*  
 Phocensium execratio.

## CHAP. V.

**L**Es Phocenses de l'Ionie, ou soit qu'ils fussent trop inquietés par les continuelles guerres & invasions des Perses, ou qu'ils fussent fort adonnés à la marchandise, ayans d'un commun consentement laissé leur Patrie, s'obligerent en leur voyage à certaines grandes imprecations & execrations, en cas que jamais aucun desir les touchast de retourner en leur Pays. Herodote au premier Livre le recite ainsi.

Or comme ils eurent fait cela (dit-il) ils dévouèrent le reste de leur flotte à des grandes maledictions. D'abondant, ils jetterent en mer vne grosse piece de fer, & jurerent de jamais ne retourner en la Phocide, que cette piece de fer ne revint sur l'eau, & ne flottast par dessus. Or ladite execration se terminoit, à ce qu'il leur fust loisible de retourner dont ils estoient partis, mais non avant que ce fer & les pierres vinssent à nager sur la superficie de l'eau; comme s'ils eussent voulu dire, ne retourner jamais en nostre pays. Ce qui leur réussit heureusement: car ces maledictions ainsi faites, ayans neantmoins expérimenté diverses fortunes, enfin ils furent portés vers ce côté icy des Gaules, où ils y bâtirent cette florissante Ville, comme il sera cy-après dit. De là donc est venu le Proverbe, Φωκίων ἄρα, c'est à dire, *La malediction des Phocenses*, quand on veut parler d'un grand & inviolable serment. Car anciennement, aux traittez d'accord, on ne se contentoit pas des simples promesses, de toucher dans la main, & faire des sacrifices, mais on y apportoit aussi des maledictions, & execrations contre celuy qui auoit faussé sa promesse; ce qu'on peut remarquer de ces vers du Poëte Euripide, in *Iphigenia Aulidensi*,

ὄραυς συνάψαι δεξιᾶς συμβαλεῖν  
μνηστῆρας ὁλλήλοισι χ' ἐμπύρων



σπεινδὰς καθεῖναι καθαρὰταί τὰδε.

*Que ses amants corruaux jurent ensemble, & s'entretouchent dans la main, qu'ils facent des sacrifices aux dieux immortels, qu'ils s'astreignent à toute sorte d'imprecations & maledictions, & qu'ils y obligent leurs propres testés, sous des grandes execrations.*

Il se trouue encor vn exemple de semblables execrations dans Æschines en l'oraison contre Ctesiphon. Il y a ainsi (dit - il) dans l'execration, si quelqu'un vient s'en departir, soit Ville & Communauté, soit vn particulier ou nation quelconque, qu'il soit dévoué à Apollon, Diane, Latone, & à Minerve la Prevoiante, adjoûtant: l'imprecation est telle: *Que la terre ne porte point de fruits pour eux, que leurs femmes ne fassent point d'enfants qui portent l'image de leurs peres, mais qu'elles n'enfantent que des monstres, & des prodiges.* Il y en a vn pareil exemple dans Tite - Liue, lib. 38. de ses annales. C'est à cette Histoire des Phocenses que fait allusion Horace, en l'Epode qui commence par ces Vers, *Forte quid expediat*, jusques au Vers, *Velut profugit.*



## DE LA VENVE DES PHOCENSES.

*De l'estat & condition de la Ville de Marseille,  
& de ce qu' Aristote a escrit touchant  
leur Republique.*

## C H A P. V I.

**V**Oyons maintenant ce que dit Iustin de l'arrivée des Phocéens. Au temps du Roy Tarquinius, la jeunesse Phocienne estant partie d'Asie, venant aborder à l'emboucheure du Tybre qui s'appelle Ostie, fit alliance avec les Romains : de là continuant sa navigation jusques aux plus reculées contrées des Gaules, elle bâtit la Ville de Marseille, entre les Liguriens, & les fieres nations des Gaulois, où ils firent des actes memorables, soit qu'ils fussent assaillis & provoqués, soit qu'eux-mesmes voulussent tirer raison de leur agression. Les Phocenses auoient peu de terre, & si sterile, qu'ils estoient contraints de s'exercer sur la mer à pescher, & negotier, & quelquesfois à commettre des volleries & pirateries. Car cela n'emportoit alors aucune note d'infamie, & par ce moyen gaignoient leur vie. De sorte qu'ayans resolu de penetrer jusqu'au dernier bord de l'Ocean, se trouuans

trouuans au goulphe Gaulois , à l'emboucheure du Rhône, ils furent si épris de l'amenité & beauté du lieu , que retournans chez eux, & racontans ce qu'ils y auoient veu, grãd nombre d'autres furēt induits d'y venir avec eux. Les chefs & conducteurs de la flotte estoient Furius & Peranus, lesquels s'adresserent incontinent à Senanus, Roy des Segoregiens , recherchans de faire confederation avec luy, pour le desir qu'ils auoient de bâtir leur Ville sur les frontieres de son Estat. Ce jour là ( par cas fortuit ) le Roy estoit occupé aux nopces de sa fille nommée Giptis, laquelle , selon la coûtume du pays devoit choisir entre tous ceux de la compagnie celuy qu'elle voudroit à mari. Le Roy auoit invité tous ses subjets , ensemble ces estrangers comme ses hostes: & la fille estant amenée aux nopces pour faire son choix , après que son Pere luy eust commandé qu'elle donnast de l'eau à celuy qu'elle voudroit, elle laissa tous ceux du Pays, & jettant les yeux sur les Grecs, donna de l'eau à Peranus , lequel par ce moyen estant devenu gendre du Roy, obtint de luy le lieu qu'il auoit choisi pour fonder vne Ville. Marseille doncque fut bâtie près de là où le Rhône entre en la Mer , en vn golphe qui s'avance fort dans la terre , où la mer fait vn certain angle. Il faut cependant remarquer, qu'il y en a quelques Livres manuscrits, *Sena-*



22 LES ANTIQVITEZ DE LA  
*num Sogobrionum regem*, & au lieu de *Furius, Simos*. Au reste, Athenée au Chapitre 13. du Livre 13. des Dipnosophistes, citant Aristote, n'appelle pas le conducteur des Marseillois *Peranus*, mais bien *Euxenus*; & le Roy des Segoregiens *Nanus*, non pas *Senanus*. Et quant à la fille du Roy, il ne la nomme pas aussi *Gyptis*, mais avant son mariage, *Peta*; & après, *Aristoxena*. Je veux inferer icy les paroles d'Athenée. Le mesme, dit-il, escrit Aristote en la Republique des Marseillois, en ces termes: Les Phocenses Ioniens adonnez au trafic & marchandise, ont bâti Marseille. Euxenus, vn d'entr'eux se trouuant par cas fortuit chez Nanus Roy de cette contrée, lequel faisoit les nopces de sa fille; ledit Euxenus y fut convié: la ceremonie qu'on observoit aux mariages estoit telle: Il falloit que la fille entraist en la salle du banquet, & qu'elle presentast à celui des coriuaux, dont elle feroit élection, vne coupe par elle-mesme remplie de vin: Celuy-là estoit le mari, auquel elle auroit présenté cette coupe. La fille doncques entrée, soit que se fust par hazard ou autrement, la presenta à Euxenus. Elle s'apelloit Peta: cela estant ainsi succédé, & le pere l'en ayant estimé digne, comme si s'estoit la volonté de quelque Dieu, Euxenus la print à femme, la retira chez soy, & en changeant le nom qu'elle auoit, l'appella Aristoxena. Il y a vne sorte  
de

de personnes à Marseille qu'on appelle encor aujourd'huy Protydes, par ce que Protys estoit fils d'Euxenus, & d'Aristoxena. Iusques icy c'est ce qu'en dit Athenée, lequel n'estant pas d'accord avec Iustin en ce qui est du sujet de cette navigation, & des noms des Chefs de l'entreprise. Je douterois certainement, lequel des deux ie devrois suyvre, n'estoit qu'Aristote, qui est beaucoup plus ancien, est de beaucoup plus grande autorité, me semble preferable. Chacun toutefois en pourra croire ce que bon luy semblera. Je diray neantmoins en passant, que ce que recite Iustin au commencement de ce Chapitre, n'est pas sans absurdité, en ce qu'il escrit que les Phocenses, qui auoient bien osé passer jusques aux plus éloignées parties de l'Ocean, estoient enfin abordez en ces mers, d'autant qu'en faisant leur nauigation depuis le fonds du Leuant jusques au détroit de Gilbatar, qui separe la mer mediterrannée d'auec l'Oceane: il faudroit qu'ils eussent passé par ce goulfe Gaulois, & qu'ils eussent par après rebroussé chemin, pour reuenir dudit détroit, jusques au mesme goulfe, qui seroit vn chemin de plus de vnze cents milles. D'abondant, en ce qu'il dit, que les Phocenses retournés chez eux firent relation de ce qu'ils auoient veu: car si cela estoit, ils auroient bresché le serment si solemnel qu'ils auoient fait, de ne re-

24 LES ANTIQVITEZ DE LA  
uoir jamais leur pays. Toutefois il se pourroit  
faire qu'ils eussent envoyé quelques vns pour  
y attirer ceux qui estoient demeurez. Nous  
pourrons doncques apprendre du passage  
d'Athenée cy - dessus allegué , quelles ont  
esté anciennement les coustumes pratiquées  
en ce pays, au fait des mariages. Nous dirons  
encor en passant, qu'Aristote auoit compris  
en vingt - huit Livres l'Estat & Republique  
des Marseillois, Æginetes, Deliens, Colopho-  
niens, Crotoniates, Naxiens, Methoniens,  
Leucadiens, Opontiens, de Megare, Sybari-  
tes, Trœzeniens, Acarnaniens, & autres Cités  
qui se sont perduës par l'injure du temps &  
des hommes, comme a remarqué Iohannes  
Philoponus, en la vie d'Aristote.



DESCRIPTION DE LA VILLE DE  
*Marseille, prinse de Strabon.*

CHAP. VII.

**R**Euenant donc à nostre propos,  
Strabon rapporte le commence-  
ment si soudain de cette Ville, à  
la faveur & providence speciale  
des Dieux, ou plutôt, Idoles, suivant l'a-  
veuglement de ce siecle là.

Mar



Marseille, dit-il, a esté bâtie par les Phocenses, & située en pays montueux. Il y a vn Port au bas de la montagne en forme de theatre, qui tourne du côté de midi : elle est ceinte de fort belles murailles, tant la Ville, que la montagne; ce qui est d'un fort beau circuit. Au dongeon il y a vn Temple appelé *Ephesium*, & vn autre dédié à Apollon de Delphes. Cestuy-cy a le mesme nom que celuy qui est en Ionie. Mais l'*Ephesium* est consacré à Diane d'Ephese : car on dit, que les Phocenses voulans faire voile, pour quitter leur pays, le chef de cette flotte dit, qu'il falloit suivre en cette entreprinse l'advis de Diane d'Ephese; de sorte, qu'estans arrivez en Ephese, ils s'informerent comment ils pourroient executer les commandemens de la Deesse. Lors s'apparust en songe la Deesse à Aristarcha, vne des plus celebres matrones, & des plus honorées de la Ville, & luy commanda qu'elle emportast certaine Statue, & s'en allast avec les Phocenses; ce qu'elle fit : & enfin, cette Colonie estant établie, on dit, que le Temple fut bâti; & que dès lors Aristarcha fut fort honorée, & esleüe Prestresse; & que peu après les autres Colonies eurent en grande veneration la Deesse, & que la Statue d'icelle estoit revestüe de la mesme façon, que celle de la Ville metropole. Tels ont esté les fondateurs de Marseille,

26 LES ANTIQVITEZ DE LA  
laquelle ayant la faveur des Dieux , a bien  
aussi accompagné le bonheur de cette fortune,  
du lustre d'une singuliere justice , tempe-  
rance, force, & bõne discipline. C'est ce qu'en  
escriit Strabon. Quant à ce qu'il dit de la figu-  
re du Port, à guise d'un theatre , il se trouue  
confirmé par Eustathius, sur Dionysius: Mar-  
seille , dit-il , a aussi un Port & havre , où les  
navires se peuvent fort commodément tour-  
ner : & les Marseillois ont encor un autre  
tres-beau Port appelé *Lacydon*. En ce qui est  
des Temples dont parle aussi Strabon, ils sont  
encor aujourd'huy presque en leur entier, &  
n'a-on fait que changer le nom : car celuy  
de Diane est maintenant appelé *La maiour*,  
& selon l'opinion d'aucuns, celuy d'Apollon  
est aujourd'huy *S. Sauveur*, comme aussi quel-  
ques vns ont voulu dire , que le Temple qui  
estoit jadis de Pallas , est l'Eglise appelée *Les*  
*Accoules* , & que l'image de cette Deesse s'y  
estoit veüe encores quelque part , bien que  
d'autres ayent creu, que ce n'estoit qu'un ter-  
me. Au reste, ceux principalement qui ont  
veu l'embouscheure du Rhosne peuvent  
clairement juger , par la narration de Iustin,  
que comme les Phocenses furent arriüés au  
bord des Segoregiens, ils ne descendirent pas  
aussi-tost au lieu où Marseille fut après par  
eux bâtie, ou, comme nous dirons cy-après,  
rebâtie ; mais qu'ils jetterent l'anchre vers  
Sego

Segoregium , n'estans pas encores bien resolu où ils se devoient entierement arrêter. Dont ce lieu fut appellé *Phoec*, lequel n'est pas beaucoup éloigné d'une grande ruine, qu'on void au fonds de l'eau quand la mer est calme , qui monstre y auoir eu quelque grosse Ville , qui s'est perdue & noyée dans la mer, comme nous dirons en son lieu. Et peut-estre que ç'a esté la ville metropolitaine des Segoregiens , bien que quelques vns ayent voulu dire , que Segoregium est une ville de la Ligurie Transalpine , laquelle s'appelle *Sabbatia*, & aujourd'huy *Savone*. Les autres pensent que ç'a esté la ville d'Arles , jaçoit qu'ils n'apportent rien de son ancienneté , & comme elle a changé de nom. Et bien que Justin escriue, que Marseille est en l'embouscheure du Rhosne , ores qu'elle en soit distante de quarante milles , si est-ce que cela n'est pas capable de nous faire changer d'advis : car c'est la coûtume des Historiens , de denoter les choses dont ils parlent par les lieux les plus signalez, bien qu'ils soient un peu éloignez ; estimant que l'esclaircissement qu'ils en peuuent emprunter se perdrait dans l'obscurité d'un lieu moins renommé.





L'OPINION DE QUELQUES  
autres touchant le fondateur de Marseille,  
& Etymologie de son nom.

CHAP. VIII.

**J**Usques icy nous auons touché les opinions de ceux qui rapportent la fondation de Marseille aux Phocenses. Mais nous ne voulons pas dissimuler, qu'il y a des personnages d'autorité qui ont voulu dire, qu'avant les Phocenses vinssent jamais en ce pays, Marseille auoit desia prins ce nom là d'un certain marchand Celte, ou Gaulois, appelé Massalias, lesquels neantmoins se sont fort abusez, en prenant pour fondement de leur opinion un lieu de Plutarque, qui est corrompu, ou qu'ils ont eux-mesmes mal interpreté. Voicy ce qu'en escrit Plutarque en la vie de Solon. En ce temps là (comme dit Hesiodé) il n'y auoit estat quelconque qui fust reprochable, ni art ou mestier, qui mist difference entre les hommes. On estimoit que la marchandise seruoit beaucoup pour acquerir l'amitié des Princes, & des nations barbares : c'est aussi par le moyen de la marchandise, que les hommes se sont dressez


sez & façonnez à plusieurs & importantes affaires ; tellement qu'il y a eu des marchands qui autresfois ont esté fondateurs de grosses Villes , comme fut celuy qui premierement fonda Marseille , ayant acquis vne grande veneration parmi les Celtes Gaulois , habitans le long de la riviere du Rhosne. Ce qui n'est pas suffisant pour renverser l'opinion de Timæus. touchant l'origine du nom de Marseille , que nous auons cy - deuant rapportée ; d'où s'ensuit , que ceux - là se sont grandement trompez , qui ont estimé que Marseille ayt prins ce nom là de Massalias , premier fondateur d'icelle, selon leur opinion , & non pas du Pescheur & chable attaché : car dans les Livres de Plutarque les plus authentiques & approuuez , ce mot de *μασσαλίας* est au genitif ou second cas, comme s'il y auoit *κτισῆς*, c'est à dire, fondateur de Marseille ; ce qui est remarqué par Iean Serranus Interprete de Platon, & par André Pena, Conseiller du Roy en ce Parlement , personnes des plus doctes de ce siecle, & des plus versez aux sciences, & particulieremēt aux lettres Grecques : car autre- mēt Plutarque eût escrit , *ὁ μασσαλίας τῆς μασσαλίας κτισῆς*, c'est à dire , *Massalias fondateur de Marseille* : ce qu'on ne trouuera point dās au- cū ancien Livre. Or Plutarque laisāt le nom du fondateur, dit , qu'il a esté fort honoré.

le Grec porte ce mot ἀγαθηὲς par α, & non ἀγαθηὴς, qu'on pourroit dire estre le nom du fondateur, quelconque ait-il esté; ce que Plutarque tres-grand Autheur n'eust pas ignoré. D'abondant, il n'est fait aucune mention de ce Massalias Celte dans aucun des anciens Auteurs, soient Grecs ou Latins, qui ont escrit de l'Origine & Republique des Marseillois, au moins de ceux que ie puis auoir leu; mais seulement des conducteurs de la flotte Phocienne, c'est à sçauoir, de Furius & Peranus, dans Iustin. Et en premier lieu Strabon, qui est plus ancien que Plutarque, & qui est des plus exacts Historiens Grecs, n'eust pas obmis le nom du fondateur, là où principalement l'occasion le requeroit d'avantage. Si bien le fondateur de Marseille a esté en grand honneur parmi les Celtes, si ne faut-il pas pourtant conclurre, qu'il aye esté luy-mesme Celte. Enfin, les Phocenses, comme nous auons prouué cy-dessus, de l'autorité de plusieurs, ont esté du tout adonnez au negoce, & principalement par l'autorité d'Athenée, qui escrit après Aristote, que les Marcháds d'Ionie ont fondé Marseille. Au reste, il faut icy remarquer, que Cælius Rhodiginus reprend mal à propos l'Interprete Latin de Plutarque, Lapis Florentin, en ce qu'il traduit πρωτος, *primus*, ou premier, au lieu qu'il deust traduire Protys. Com.



me si Plutarque n'avoit pas voulu dire, que Massalias eust esté le premier fondateur, ains que Massalias Prothis fonda la Ville: car ie ne vois point de raison dans Cœlius, pour dire que Prothys ait esté l'un des Chefs des Phocenses. Et ne se peut son opinion soutenir, parce qui a esté cy - deuant rapporté d'Athenée: car il y a dans Athenée *πρωτις*, ou *Protys*, & non pas *πρωτος*, ou *premier*; & ne dit pas qu'il fust chef de la flotte: mais il le fait fils d'Euxenus, & d'Aristoxena, comme il a esté dit au ch. 6. D'avantage, Cœlius deuoit bien prendre garde à la coustume des Grecs, qui se contentent d'exprimer le nom propre, ou le surnom, lequel bon leur semble. Quelqu'un qui a esté de la mesme opinion que Cœlius, si d'avanture ce n'est luy - mesme, a mis dans Justin Peranus avec vne estoille en la marge du Livre, *Protis*. Jaques Amiot qui a fort exactement traduit Plutarque en François, a suyui la vraye interpretation Latine, sans auoir esgard à ce qu'en auoit escrit Cœlius. Quelques vns ont eu opinion que Marseille auoit esté premierement bâtie au temps de Solon, & qu'après elle fût ruinée, & en mesme temps rebâtie par les Phocenses: mais ils n'escriuent rien des premiers fondateurs d'icelle. Pendant que nous escriuions ces choses cy, quelques esprits curieux me voulurent demander d'où est - ce que les Phocenses auoiēt eu des femmes,

32 LES ANTIQVITEZ DE LA  
mes autant qu'il en falloit pour peupler si  
soudainement la Ville d'hommes. Sur quoy  
nous pourrons dire vray-semblablement,  
que les Phocenses auoient emmenez quand  
& eux leurs femmes & enfans , puis qu'ils  
s'estoient deliberez de ne retourner jamais  
en leur pays; & qu'Aristoxena vint accompa-  
gnée de quelques femmes Ephesiennes : &  
qu'estans arrivez ils firent alliance avec les  
Gaulois circonvoisins. Si d'avanture nous  
n'aimons mieux dire , qu'ils firent à l'exem-  
ple des anciens Romains , lesquels selon qu'en  
a escrit Tite - Liue au Livre premier, (qui est  
vn vieil conseil des fondateurs des Villes )  
ayant frauduleusement convié les Sabines  
aux jeux de Neptune Cheualier (qu'ils appel-  
loient *Consualia*) ravirent leurs filles pour peup-  
ler d'hommes leur Ville commencée. Mais  
on ne lit rien de semblable des Phocenses.



QUE LYON N'A PAS ESTE' BASTI  
par les Phocenses. Et de l'Academie de Lyon,  
ou jeux qui se faisoient deuant le  
Temple, & Autel dedié à  
l'honneur d'Auguste.

## CHAP. IX.

**Q**uelques hommes doctes ont escrit,  
que les Phocenses passerent plus outre

en la Gaule , & qu'ils fonderent la Ville de Lyon en l'Isle Gauloise , assistez de ceux du pays , qui estoient les Ergosiannes & Sebustians, qui est aujourd'huy la Bresse. Toutefois c'est vne opinion receüe de toute ancienne-  
 ré, que Lyon a esté bâti par Lugdus, treizième Roy des Celtes ou Gaulois , deux cents vint-deux ans avant Paris , & huit cents quatre vint trois avant Rome. Quelques vns ont erré mettant cinq cents , au lieu de huit cents : leur erreur a prins fondement de ce que plusieurs Philosophes, comme ils estiment , lors que les Atheniens, & les Candiots quitterent leur pays pour auoir tué le fils de Minos Roy de Crete, ou Candie, vindrent à Marseille, & delà monterent par le Rhône à l'Isle Gauloise, qui est entre le Rhône, & la riuere de Saone, où ils dresserent vne tres-fameuse Academie, ou école de bien dire , appelée *Athenaeum* , laquelle a esté fleurissante en toutes sortes de disciplines , jusques à l'Empereur Neron. Ceux qui ont esté de cette opinion, comme Symphorianus Campius , estiment aussi que par succession de temps l'Academie devint vn gros bourg , de village ; qui a esté fort long temps appelé *Athanacum* , qui est aujourd'huy vn Monastere appelé *Æsnay* : d'autres veulent dire que Lyon n'a pas esté fondé par les Phocenses , mais bien par les Rhodiens, qui arriuerent avec les Phocenses



en ce pays : car cherchans quelque lieu pour leur habitation, ils firent election de cette Isle Gauloise, laquelle ils appellerent de leur nom Rhodia, dont le Rhône auroit depuis prins son nom, comme nous dirons aussi au Livre 6. Chap. 48. Quant à ceux qui le rapportent aux Atheniens, ils ajoutent beaucoup de choses touchant ce celebre Autel de Lyon, qui estoit sans doute d'une merueilleuse grandeur, où Caligula (selon qu'en a escrit Suetone en sa vie, chap. 20.) institua des jeux & disputes celebres pour l'eloquence Grecque & Latine, & ordonna que les vaincus baille- roient des prix à ceux qui seroient jugez auoir mieux declamé, & leur feroient enco- res des panegyriques. Et quant à ceux qui se- roient jugez n'auoir rien fait qui valût, ils estoient condamnez à effacer leurs escrits avec vne éponge, ou bien avec la langue, s'ils n'aimoient mieux souffrir des verges, ou estre plongez dans la riuere proche de ce lieu-là, dont le Poëte Iuuenal en la Satyre premiere auroit prins sujet de dire,

*Palleat vt nudis presit qui calcibus anguem*

*Aut Lugdunensem Rhetor dicturus ad aram.*

Qu'il pallisse de crainte, comme feroit vn qui auroit foulé inopinément vn serpent sous ses pieds, ou comme vn Orateur allant de- clamer deuant l'Autel de Lyon, consacré à l'honneur d'Auguste.

Anthoine du Pinet escrivain François, en ses Portraits des Villes, a grandement erré, en ce qu'il escrit que Iules Cesar fût le premier Auteur de cest exercice pour les langues. Mais cette Academie n'a point prins son nom des Atheniens, ains du mot Grec *Αθηναιον* qui signifie le lieu auquel les Poëtes Grecs portoient leurs poësies, & les recitoient, comme les Poëtes Latins au Temple d'Apollon, & des Muses ; & les Latins après emprunterent ce mot là, ainsi que dans saint Hierôme il est prins pour vn auditoire. Strabon escrit, qu'en cet Autel estoit gravé le nom de soixante Provinces, & qu'en chacune d'icelles y auoit vne Statüe, & qu'il y fût encore après eslevé vn autre grand Autel, lequel Florus, qui a fait l'abregé de Tite - Liue, au Livre cent trente - septième, dit auoir esté dedié à Cesar, & *C. Iulius, Vercondare Dubius* Autunois ou Bourguignon fût créé Prestre. Or que Lyon n'ayt pas esté vne Colonie des Rhodiens, nous le ferons voir clairement au Livre cinquième, Chapitre quarante - huitième.



DES VILLES FONDEES EN  
*Espagne par les Phocenses, ou Marseillois,*  
*& des meurs & ordonnances*  
*d'icelles.*

CHAP. X.

**L**Es Phocenses n'ont pas seulement bâti Marseille, & les autres Villes de nostre côte de Provence, dont nous parlerons cy-après : mais iceux, ou les Marseillois, peu de temps après envoyerent en Espagne des Colonies : car ils fonderent en la côte d'Espagne la ville d'Emporia, dont parle Mela : & de ce il y en a mention dans Tite-Liue, au Livre trente-quatrième de ses Annales, en ces mots. Là deslors il y auoit à Emporia deux Villes separées de murailles, l'une de l'autre ; l'une estoit occupée par les Grecs venus de la Phocide, dont sont yssus les Marseillois, l'autre estoit tenue par les Espagnols : mais la ville Grecque s'estendoit dans la mer, & contenoit toute la longueur de la muraille, excepté quatre cents pas. Les Espagnols plus retirez de la mer auoient l'enceinte de leur muraille de trois mille pas. La troisième sorte d'habitans y a esté introduite  
par



par l'Empereur Iules Cesar, après auoit vaincu les fils de Pompée. Ils sont maintenant tous meslez en vn seul corps, les Espagnols ayans esté premierement receus au droit de Bourgeoisie Romaine, & finalement les Grecs aussi; & peu après il dit, que les habitants de cette Ville auoient des Loix & Statuts semblables à ceux des Marseillois. Quelqu'un; dit-il, se pourroit esbahir qui maintinst ces gens exposez d'une part à descouuert du côté de la mer, & d'autre côté mis à la merci des Espagnols, dont la nation est fort courageuse & belliqueuse, si la bonne discipline les maintenoit en leur foiblesse: discipline qui s'entretient bien parmi ceux qui se trouuent voisins de leurs aduersaires plus puissans qu'eux. Le côté de la muraille visant vers les champs estoit fortifié, & n'y auoit qu'une porte pour ce quartier-là, qui estoit ordinairement gardée par quelqu'un des Magistrats la nuit. Le tiers des Citoyens faisoit le guet sur les murailles, & ce non seulement, pour ce que c'estoit la coûtume, ou pource que la loy le commandoit: mais ils s'y portoient avec autant de soin, que si l'ennemi eust esté près des portes. Ils ne receuoient dans la Ville aucun Espagnol, voire ne sortoient-ils pas eux-mêmes hors d'icelle sans grande cause. L'issue estoit ouuerte pour tous du côté de la mer: mais par la porte tournée vers la ville Espagnolle

jamais ils ne sortoient sinon en grande compagnie, comme d'environ le tiers de la Ville, & ceux volontiers qui auoient fait le guet sur les murailles la nuit précédente. La cause qui les induisoit à sortir, estoit, que les Espagnols non entendus au fait de la marine, trafiquoient avec eux, & vouloient acheter les marchandises estrangeres qui leur arriuoient sur leurs nauires, & mettre en vente les fruits & denrées qu'ils recueilloient de leurs champs: le besoin qu'auoient les vns des autres faisoit que la Ville Espagnolle estoit ouverte aux Grecs: ce qui les maintenoit encores plus en seureté, estoit la protection & alliance des Romains, laquelle ils entretenoient avec autant & plus de fidelité que faisoient les Marseillois, comme n'estans pas si puissans qu'eux. C'est ce qu'en escrit Tite - Liue. Strabon aussi fait mention de ce lieu - là qu'il appelle *Diopolis*, comme qui diroit Double ville, & adjoute, qu'il y auoit en mesme lieu vne petite ville appelée Rhodope, qui appartenoit aux Emporiens, & qu'en l'une & l'autre Diane d'Ephese estoit en grande veneration; ce qu'ils auoient emprunté des Marseillois, comme nous dirons cy - après. Cette Ville - là, dit - il, a esté bastie par les Marseillois, & est esloignée des Monts Pirenées, & du lieu qui separe l'Espagne de la Gaule, d'environ quatre cents stades, vn stade contient cent vint

vint - six pieds. Là meſme eſt Rhodope ville des Emporiens, qu'aucuns veulent dire auoir eſté bâtie par les Rhodiens; on y a là, comme auſſi à Emporia, Diane d'Ephèſe en grande admiration, dont nous rendrons raiſon, quand nous diſcourrons de Marſeille. Les Emporiens ſe tenoient du commencement en vne petite iſle joignante, qu'on appelle maintenant Ville - vieille: à preſent ils ſe tiennent là auprès. Il y a deux villes ſeparées de muraille; l'vne où demouroient autres-fois quelques vns du Pays, leſquels, bien qu'ils euſſent vne façon de vivre, & gouuernement toute particuliere, ſi eſt - ce que pour eſtre plus aſſez, ils voulurent eſtre clos de meſmes murailles que les Grecs, bien que par dedans ils euſſent leurs murailles ſeparées. Ils ſe ſont enfin meſlez tous en vn corps meſlé & compoſé de Loix Grecques & Barbares, comme il eſt arriué à pluſieurs autres Villes. Non gueres loin de là paſſe vn fleuve qui ſort des Pyrenées, l'emboucheure duquel ſert de port aux Emporiens. On y fait du lin en abondance: les terres qui ſont dans la Ville portent du geneſt particulièrement, & en quantité; & les moins fertiles produiſent du junc, dont on les appelle les champs du junc. Quant à la raiſon qu'il apportera pour nous faire voir vn naiſ diſcours de cette ville de Marſeille, la voicy. Il y a (dit-il



au Livre 4.) en leur terroir des oliuiers, & des vignès, mais fort peu de bled, parce qu'il est raboteux; & pourtant, se confians dauantage en la mer qu'en la terre, ils se sont plûtoſt adonnez à la navigation. Toutefois puis après eſtant leur Ville peuplée d'hommes courageux & belliqueux, ils ſe ſont emparez de quelques terres de leurs voiſins. En quoy ils ſe ſont portez avec meſme valleur qu'ils auoient autresfois bâti des Villes, meſmes en Eſpagne, où ils ont enſeigné les ceremonies qu'ils obſeruoient en leur pays, aux Sacrifices de Diane d'Ephèſe. On peut rapporter icy ce qui a eſté dit auparauant de la tranſmigration des Phocenſes. Au reſte, Plin met auſſi au Livre troiſième, Chapitre troiſième, que certe double Ville a eſté bâtie par les Phocenſes. D'auantage, le meſme Strabon dit, qu'il y a en Eſpagne trois villes des Marſeillois, en la principale deſquelles Diane eſtoit adorée. Entre la ville de Chartage & Sucron (Sucron eſt vn fleuue) il y a trois petites villes qui appartiennent aux Marſeillois, non pas beaucoup loin de la riuere: entre leſquelles la plus renommée eſt l'*Hemeroſcopium*, c'eſt à dire, d'où l'on fait le guet de jour, au lieu plus relevé, en laquelle il y a vn Temple conſacré à Diane d'Ephèſe, qu'on a en tres-grande veneration, où Sertorius ſ'eſt autresfois retiré, & ſ'en eſt ſerui ſelon les occurren-

ces,

ces, & selon que ses affaires du côté de la mer le requeroient : car c'est vne forte place pour les pirates ; & d'ailleurs fort commode, & qu'on voit de bien loin dans la mer, elle s'appelle *Dianium*, & là tout auprès il y a de fort riches & abondantes mines de fer. C'est assez discouru des Colonies que les Marseillois envoierent en Espagne, selon qu'en ont escrit Tite - Liue, & Strabon ; & de leurs Loix & Coustumes, dont nous apprenons que les peuples & nations estrangeres ont eu en admiration le nom, & la reputation des Marseillois.



D'UNE AUTRE TRANSMIGRATION  
des Phocenses qui furent repoussez par les  
Marseillois, & de la ville d'Elée, qu'ils  
bâtirent en Lucanie, & de  
ses forces.


## CHAP. XI.

**L**Es Phocenses qui n'estoient point sortis de leur pays, lors que la Phocide fût occupée par Harpagus lieutenant de Cyrus, s'embarquerent avec toute leur famille, & aborderent premierement à Cyron, & puis après à Marseille,

42 LES ANTIQVITEZ DE LA  
sous la conduite de Contrada, d'où ils furent  
repoussez, & de là s'allèrent rendre à vn Gol-  
fe, & qui n'est gueres loin du Golfe Agripo-  
litain, où ils bastirent vne Ville qu'ils appel-  
lerent Hyela ou Hela, de certaine fontaine  
qu'on appella depuis Elea, & puis apres He-  
lia, & enfin les Romains l'appellerent Velia,  
d'où Parmenides & Zenon Pythagoriciens  
estoiient natifs, au raport de Strabon, au liure  
sixiesme, apres Antiochus ancien Autheur.  
Ceste transmigratiõ des Phocenses arriua la  
douziesme annee du regne de Cyrus, & la  
premiere de l'Olympiade cinquante huiet,  
& 205. apres la fondation de Rome, comme  
a remarqué Solin, 48. ans apres Marseille,  
auquel temps Harpagus subiuga l'Asie infe-  
rieure, & Cyrus la superieure, lequel ayant  
vaincu le Roy Cræsus, il vnit le Royaume  
des Lydiens à celuy des Perses, de laquelle  
victoire font mention Herodote au liure  
premier, & Plutarque en la vie de Solon. Au  
reste de la ville d'Elee fut heureuse à cause  
des bonnes loix & constitutions que firent  
les susdits Philosophes: car elle resista contre  
les Lucaniens, repoussa les Possedoniates,  
ores qu'elle fut inferieure en terroir, & en  
nombre d'hommes, & pourtant ils estoient  
contraints de s'addonner à la mer, saler des  
poissons, & faire autres choses sēblables, cō-  
me escrit le mesme Strabon. Il ne faut point



icy passer sous silence que toutes les villes basties par les Phocenses , mesmes entre les plus barbares nations , ont seruy d'exemple à la posterité , qu'heureuses sont les villes lesquelles sont regies & gouuernees suiuant les regles & preceptes des Philosophes , à quoy se rapporte ce que dit Platon , que les Republiques seront heureuses ausquelles les Philosophes gouuerneront , ou les gouuerneurs seront Philosophes.



DE L'AGRANDISSEMENT DES  
*Marseillois, & des guerres qu'ils ont  
eu avec leurs voisins.*

## CHAP. XII.



Comme il arriua ordinairement que l'enuie s'attache à la vertu, & ce principalement lors qu'elle est en sa prosperité , aussi deslors que les Marseillois furent opulens en biens , & que leur ville fut fort peuplée. Ils se virent assaillis par les peuples voisins , comme recite Iustin. Car les Liguriens , ou Geneuois portez d'enuie de voir ceste ville en prosperité , faisoient la guerre aux Grecs incessamment , lesquels les repousserent si bien, que

que mesmes les ayans vaincus, ils peuplerent plusieurs Villes de leurs gents au terroir qu'ils auoient enuahé de ces Grecs. Doncques, les Gaulois apprirent à vivre plus ciuilement, ayant radouci leur rude & grossiere barbarie, & apprirent d'eux à cultiuer les terres, & clorre leurs Villes de murailles: alors ils se gouuernèrent par bonnes Loix, plûtoſt que par armes. Ils s'accouûtumerent à tailler la vigne, & planter des Oliuiers. En fin, les hommes & les champs se trouuerent tellement changez & embellis, qu'il ne sembloit pas que les Grecs fussent venus de Grece en Gaule: mais que la Gaule fust transportée en Grece. Après la mort de Senanus Roy des Segoregiens, beau - pere de Peranus, qui auoit donné le lieu pour bâtir la Ville, luy ayant succédé au Royaume Comanus son fils, quelque petit Roy l'asseurant que Marseille feroit vn jour cause de la ruïne des pays voisins, & luy persuadant qu'il la faloit destruire en sa naissance, de peur que si elle venoit en plus grande puissance, elle ne procurast sa ruïne, & le mit bas; luy raconta cette fable, d'une chienne pleine, qui autresfois pria vn pasteur qu'il luy permist de faire ses petits en quelque coin de sa maison; & après qu'elle les eût faits, le pria encores qu'il luy permist de les nourrir en ce mesme lieu. Finalement, quand ses chiës furēt grâds, se sentât appuiée d'eux

d'eux , elle dit que la propriété du lieu luy appartenoit : de mesmes , que les Marseillois d'hostes & estrangers qu'ils estoient , se feroient vn jour Seigneurs du pays. Le Roy ayant goûté ce discours, il dressa des embusches aux Marseillois ; & vn jour qui estoit dédié à l'honneur de la deesse Flore , il envoya plusieurs des meilleurs hommes qu'il eust, sous couleur d'amitié , & fit mettre plusieurs autres sur des chariots cachez entre des fagots de jonc, couverts de fueilles, & luy avec son armée se mit en embuscade aux montagnes prochaines, afin que la nuit estans les habitans endormis, & presque ensevelis dans le vin, ceux qui estoient entrez ouvrissent les portes à propos , & par ce moyen qu'on prist la Ville: mais cette entreprinse fût decouverte par vne femme parente du Roy , laquelle s'estant souuent abandonnée à vn jeune homme Grec , ayant vn jour parmi les embrassements compassion de sa gentillesse , marrie qu'il luy mesadvint aucune chose , luy decouvrit le dessein, & luy commanda d'eiter ce danger ; lequel tout aussi tost en advertit les officiers de la Ville , & par ce moyen les Liguriens ayans esté decouverts en leur entreprinse, furent saisis & tirés hors des chariots où ils s'estoient cachez, les faisant tous mourir sur le champ; & neantmoins on dressa des embuscades au Roy, par le moyen desquelles



il fut tué avec sept mille des siens : & depuis les Marseillois ont accoustumé les iours des festes, de fermer leurs portes , veiller & faire la guet, recognoistre les estrangers, & d'auoir le mesme soing qu'ils auroient en temps de guerre, tant ils sont religieux obseruateurs de ce que la coustume a plustost induit qu'aucune necessité du temps. Apres cela ils eurent des grandes guerres , tant avec les Liguriens , qu'avec les Gaulois , ce qui augmenta l'honneur & la gloire de leur ville , & la valeur des Grecs fut cogneuë , & grandement prisee parmi tous leurs voisins , à cause de leurs victoires redoublees. Ils gagnerent mesmes plusieurs batailles contre les Carthaginois , auxquels ils faisoient la guerre, parce qu'ils leur auoient pris des barques à pescher , & apres leur accorderent la paix. Ils eurent amitié avec les Espagnols, & firent alliance avec les Romains , presque dès la naissance de leur ville , laquelle ils conseruerent depuis fidelement , & en toutes leurs guerres leur enuoyerent du secours : ce qui leur accreut l'opinion qu'ils auoient de leurs forces , & fit que leurs ennemis desirerent d'estre en paix avec eux. Doncques lors que Marseille fut fort cogneuë & renommee, tant pour ses hauts faits , que pour ses forces & richesses, soudain les peuples voisins conspirerent tous à la destruire , tout ainsi que l'on  
fait

fait à esteindre vn feu, dont le danger touche vn chacun. Et à ces fins fut esleu Capitaine general & chef de l'armee, vn petit Roy nommé Caramandus, lequel ayant assiegé la ville avec vne grosse & puissante armee, il luy apparust la nuict en sōge vne femme courrousee, qui le regardoit de trauers, laquelle se disoit deesse. Alors le Diable seduisoit les esprits des hommes par telles visions & spectres, dont il fut si espouuanté, qu'il rechercha la paix de son propre mouuement avec les Marseillois, leur requerāt permission d'entrer dans la ville, & d'adorer leurs dieux. Et cōme il fut arriué au temple de Minerue, dés qu'il descourit dans les portiques l'image de la deesse, il s'escria soudain que s'estoit celle qui l'auoit espouuâté la nuict, & qui lui auoit enioint de leuer le siege, & apres auoir felicité les Marseillois, de ce que les dieux immortels auoient soin & cure d'eux, il donna vne chaisne d'or à la deesse, & contracta vne amitié indissoluble avec eux. Nous adioulterons à ceste narration prise presque de mot à mot de Iustin, ce qu'en escrit Thucydide en peu de mots, afin que ceux qui peuuent iuger capablement de choses semblables, sçachent que la reputation des victoires que les Marseillois ont rapportee, s'est estendue iusques aux plus esloignées regions du monde. Les Phocenses, dit il, qui s'estoient habitez à

Marseille,

48 LES ANTIQVITEZ DE LA  
Marseile, surmontoient les Carthaginois aux  
guerres nauales, car ils estoient tres-puissants  
au fait de la marine.



DE LA RANCON QVE PAYERENT  
*les Marseillois pour les Romains, & que les  
Marseillois auant ce bien-fait ne perdirent  
jamais leur liberté, contre ce qu'en escrit Trogue  
Pompée.*

### C H A P. X I I I.

**R**Eprenons la fuite de Iustin. Après que  
la paix fut faite entre les Marseillois &  
Caramandus, & que la Ville fût mise en feu-  
reté, les Ambassadeurs s'en revenants de  
Delphes, où ils auoient porté leurs offrandes  
au Dieu Apollon, eurent les nouuelles que  
la ville de Rome auoit esté prinse par les  
Gaulois, & qu'ils auoient mis tout à feu & à  
sang : ce qu'estant venu à la notice des Mar-  
seillois, ils en firent vn dueil public, & leur  
envoierent tout l'or & l'argent qu'ils eurent  
pour payer aux Gaulois la somme moiennant  
laquelle ils s'estoient rachetés : pour lequel  
bien-fait il leur fut concedé immunité de  
toutes charges, & ordonné rang entre les Se-  
nateurs aux theatres, où les jeux se faisoient,  
& firent



& firent alliance avec eux à conditions esgales. Nous dirons cy apres en quel temps aduint ce malheur aux Romains, lors que nous parlerons de la société & amitié, que les Romains & les Marseillois contracterēt ensemble. Iustin seroit à la verité louable en cest endroit, ou plustost Trogus Pompeius; si en voulant louer les Marseillois il n'eust escrit impudemment que les Romains les auoyent mis en liberté pour le bien & le plaisir, qu'ils auoyent receu d'eux. C'est l'un des anciens auteurs qui se plaist à raualler les hauts faicts des estrangers, & releuer les plus petites actions des Romains, comme Tite Liue auteur tres-eloquent & ennemi du nom Gaulois, lequel Ioannes Annius aux commentaires qu'il a faicts sur Fabius Pictor, dit auoir enuié la gloire d'aútruy, à quoy s'accorde l'Auteur du Liure appellé *Itinerarium*, qu'aucuns ont attribué à l'Empereur Auguste. C. Caligula reprend aussi Tite Liue dans Suetone, chap. 34. & l'appelle abondant en paroles & negligent, C'est à dire à mon aduis, qu'il s'arreste trop à choses de peu de consequence, & qui ne descript pas les choses selon que leur dignité le requeroit, & peu s'en falut qu'il ne le tirast de toutes les Bibliothèques: mais pour respondre à Trogus, ores que ce qu'il escrit soit chose controuuee, i'ay voulu rapporter ici ce qu'en dit Qui-


queran. Diſtes moy ie vous prie, que peut-on  
 dire ou croire de ſi abſurde, que les Romains  
 en ce temps-là ayent eu quelque domination  
 ſur les nations deçà les mōts, leſquels eſtans  
 encore en la naiſſance de leur fortune fai-  
 ſoient triomphe d'auoir acquis vn petit coing  
 de terre ſur les Veies leurs voiſins ? qui n'a-  
 uoient point encor ouy parler du nom des  
 Æques & Voſques, ores qu'ils fuſſent en Ita-  
 lie, & preſque ſur leuis confins ? & qui les  
 euſſent bien repouſſés, s'ils euſſent entrepris  
 d'en vouloir à eux : mais c'eſtoit alors leur  
 principale occupation de s'entrebatre avec  
 les Ethruriens. (Ethrurie eſt maintenant la  
 Toſcane) & tantost le champ en demeuroid  
 aux vns, tantost aux autres. Les Histoires ne  
 font que trop de foy de cela, ſi bien que les  
 auugles meſmes voient clair là deſſus, que  
 les Marſeillois n'ont peu eſtre contraints de  
 faire eux-mesmes eſchelle à la perte de leur  
 liberté : laquelle ils auoient ſi bien defenduë  
 contre les aſſauts des Rois & peuples circon-  
 uoiſins, par la grandeur de leur courage, con-  
 ſtance & ſurveillance, lors meſmes qu'il ſem-  
 bloit qu'ils fuſſent en plus profonde paix &  
 tranquillité. De moy, ie ne croy point qu'ils  
 ſe ſoient eux-mesmes deſpoüillez de leur li-  
 berté, pour la conſeruacion de laquelle long  
 temps apres ils oſerent repouſſer de leurs  
 murailles Iules Ceſar le dictateur, qui auoit  
 ſubiugué

subiugué les Gaules, l'Allemagne, & la plus grande partie de l'Angleterre, qui estoit Souuerain en Italie, & maistre de Rome, homme dont la renommee s'estendoit par tout le monde: qui estoit accompagné d'un si grand esprit, & dont la puissance estoit effroyable. Que si quelqu'un estimoit que Iustin ait voulu dire, que deslors que les Romains eurent conquis les Prouinces deça les monts, les Marseillois furent reduits en seruitude: mais qu'en memoire du plaisir que les Romains auoient receu d'eux ils leur donnerent la liberté. Il n'est pas mal-aisé de luy respondre: car on ne trouuera point que Marseille ait esté prise auant la guerre ciuile de Cesar, à quoy s'accorde Strabon au liure quatriesme, en ces mots, certainement Cesar & les Princes qui sont venus apres luy se sont portez modestement en la vengeance des torts, & iniures qu'ils auoient receu des Marseillois au faict de la guerre, se ressouuenans de leurs bien-faiets, voire mesmes ils leurs conseruerent leurs loix qu'ils auoyent dès la fondation de leur ville, & ne furent iamais contrainsts, ni ceux qui dependoient d'eux d'obeyr aux Gouverneurs qui estoient enuoyez en Prouence. De là vint que biē qu'aucune ville du monde n'aist si long temps maintenu ses droicts, selon le commun bruit, que celle de Rome, & estant certain que Mar-



52 LES ANTIQVITEZ DE LA  
seille ietta les fondemens de sa liberté en  
mesme temps que ceux des bastimens de la  
ville, lors que celle de Rome dès long temps  
assuiettie à la domination des Roys souffrit  
la tyrannie de Tarquin. On remarque qu'a-  
pres vne si longue suite d'annees Marseille  
ne ceda point aux armes de Cesar, que Ro-  
me n'y eust cédé au prealable, & qu'elle ne  
fust subiuguee: iusques icy Strabon.

Au reste ce que nous dirons cy apres de  
la liberalité de Cesar, & de Pompee, appar-  
tient aussi en progrès des Marseillois. Mais  
parce que nous auons fait mention des Ligu-  
riens qui faisoient la guerre aux Marseillois.  
Il est necessaire de sçauoir que toute ceste  
contree d'alentour de Marseille fut appelée  
Ligurie, comme nous auons desia dict, ou  
Ligustique, dont les Marseillois ayant assu-  
ietti la Ligurie qui est deçà les monts, furent  
appelés par les estrangers Liguriens.




QUE LES MARSEILLOIS ONT  
*enseigné aux Gaulois leurs voisins, de planter la  
 vigne auant l'Empereur Probus, contre ce qu'ont  
 escrit Eutropius & Vopiscus, & qu'il y a eu des  
 Oliuiers à Marseille premier qu'en Italie.*

## CHAP. XIV.

**N**ous remarquons aussi par ce que  
 nous auons rapporté cy dessus de  
 Strabon, & Iustin, que les voisins  
 Gaulois ont appris des Marseillois  
 à faire des vignobles, & planter des Oliuiers,  
 & encore de ce que leur terroir a esté abon-  
 dant en vins & en huiles, qu'ils ont esté fort  
 diligens à le cultiuer, & que tous ceux qui  
 ont escrit la vie de l'Empereur Probus, ne  
 sont point veritables en ce qu'ils disent, que  
 par son commandement la vigne fust pre-  
 mierement plantee en France: parce que d'a-  
 bord les Phocéens, & au temps de Tarqui-  
 nius Priscus enseignerent aux Gaulois de  
 faire les vignes, comme nous auons dit cy  
 dessus DCCCLXXI. ans, ou plus, auant l'Empire  
 de Probus, ils leur ont enseigné à tailler la vi-  
 gne. Il faut dire necessairement qu'il y en auoit  
 aux Gaules, mesmes au temps de Probus: d'a-

54 LES ANTIQVITEZ DE LA  
bondant Strabon qui fait mētion de ceste in-  
dustrie des Marseillois, a escrit deux cens  
soixante trois ans auant le siecle de Probus, &  
n'importe de quelle partie des Gaules il aye  
voulu parler: car il est vray sēblable qu'en vn  
si grand espace de tēps les Gaulois generale-  
ment ont imité les Marseillois; & en dernier  
lieu nous aprenons qu'il y a eu des Oliuiers à  
Marseille, plustost qu'en Italie, puis qu'il y  
en a eu à Marseille dès le commencement,  
c'est à dire, cent cinquante huiet ans apres la  
fondation de Rome, & en Italie cent quatre  
vingts trois, comme dit Pline au liure 15. c. 1.  
ç'a donques esté l'an huietiesme du regne de  
Seruius Tullius sixiesme Roy des Ro-  
mains.




DE LA VILLE DE CALARI  
*Bastie per les Phocenses en l'Isle de  
Corseque.*

## CHAP. XV.

**D**iodorus Siculus escrit aussi que les  
Phocenses conquirent l'Isle de Cor-  
seque, & que là ils bastirent cette re-  
nommee ville de Calari (Florus l'appelle Ca-  
rala au liure 2. chap. 2.) mais que puis apres  
ils



ils furent chassés de là par les Tyrrhéniens, lesquels ayant fondé en la mesme isle la ville de Nice. Ils se rendirent maîtres de toutes les Isles de la mer Tyrrhéniene, quelle est aujourdhuy la ville de Calari, ie ne voudrois pas l'asseurer. Quelques vns ont voulu dire que c'est celle qu'on appelle Caluy, bien qu'il y ait vne autre Calary ville metropolitaine de Sardaigne. Les autres l'ont interpretée le port de Boniface, lequel toutesfois Jacques Bracelens en la description de la guerre d'Espagne, dit que c'estoit Syracuse, ou le port de Syracuse. Toutesfois, i'estime que Calaris a esté la ville appelée aussi Aleria. Si d'avanture on ne vouloit dire que du temps mesmes de Diodore, ce mot estoit corrompu, rien n'en paroît aujourdhuy que des ruines, & il y a seulement quelques Bergers habitans distant de Bas..... Ville Archiepiscopale presque de trois milles d'Allemagne, comme écrit Sebastien Munster en sa Cosmographie,



DE LA VAILLANCE DES MAR-  
seillois au faict de la guerre, & des villes par eux  
basties, tant au long de la coste de la Prouince  
Narbonnoise qu'en Italie, & de leur affection  
aux choses maritimes, & combien leur puissance  
s'est estenduë tant par mer que par terre.

## CHAP. XVI.

**S**TRABON parle en fort bonne bou-  
che de la vertu guerriere des Mar-  
seillois, & de leur affection à la mari-  
ne. Nous le repeterons en ce lieu succincte-  
ment. Ils sont, dit il, en vn pays fecond en  
Oliuiers, & vignobles, mais parce que le ter-  
roir est dur, raboteux & mal propre à porter  
fruiçts, ils ont exercé la dexterité de leur  
esprit à la marine. Apres qu'ils furent puis-  
sants en hommes, & bien duits à la guerre,  
ils enuahirent les lieux circonuoisins, où ils  
fonderent des villes pour leur seruir d'asseu-  
rance: voire mesmes ils en bastirent quelques  
vnes en Espagne, & enseignerent aux habi-  
rans la veneration qu'il falloit rendre à Dia-  
ne d'Ephece, selon la coustume de leur pays,  
afin qu'ils sacrifiasent à la façon des Grecs,  
& permirent à ces barbares habitans, de iouyr  
des


des commoditez du Rhosne, telles qu'ont accoustumé d'apporter les riuieres, & en vn autre endroit, ils bastirent Tholon, Tyeres, Antibes, & Nice, en la terre des Saliens, & Liguriens habitans des Alpes. Ils ont en leur ville des haures, & arcenaux, & principalement des nauires, armés, & machines seruans tant à la marine, que pour assieger des villes, par le moyen desquelles choses ils reprimerent l'insolence des barbares, & se rendirent amis des Romains, auxquels ils porterent de grandes commoditez, & en contre-change par leur moyen leurs affaires receurent vn grand accroissement : C'est ce qu'en a escrit Strabon, & à la verité les Marseillois ne se sont point tant acquis d'honneur, de gloire, & de richesse, tant par terre que par mer, par leurs propres gestes, que par la bien-vueillance du peuple, & l'assistance des Capitaines Romains, par le moyen desquels ils ont adiousté à leur terroir plusieurs pays de grande estenduë : car apres qu'ils eurent conquis sans assistance d'autrui le plat pays des Saliens, ils eurent le demeurant de C. Sextius Caluinus, qui a fondé la ville d'Aix. Cependant ils subiuguèrent quelques peuples maritimes du costé Meridional, & Occidental, la plus grande partie des Gaullois, dont faisoient foy les despouilles des ennemis, qui infestoient la mer, lesquelles on monstroir



58 LES ANTIQVITEZ DE LA  
iadis, ainſi que dit Strabon, & quand a ce que  
les Marſeillois ont poſſédé depuis les Saliens  
iuſques vers Lyon, & du coſté de Septentrion,  
Ceſar le leur auoit oſtroyé. Les Volques, Are-  
comiques, & Heluiens du coſté d'Occident,  
& des Pyrenees, ils les auoient en don de  
Pompee, ſelon meſme le teſmoignage de Ce-  
ſar en ſes Commentaires. Les Marſeillois y  
auoient auparauant eſtabli la Colonie de la  
ville d'Agde. Or pour toute contree du coſté  
d'Orient, & vers les Liguriens (à laquelle les  
Alpes regardant le Septentrion, le Midi, la  
mer ſeruant de rempart, on appelle ces peu-  
ples là Saliens, & Ceſar ceux qui habitent aux  
montagnes les appelle Albiques) les Marſeil-  
lois l'auoit preſque toute acquiſe ſans l'aide,  
& ſecours d'aucun: d'auantage ils auoient fait  
des fortereſſes en pluſieurs Iſles, & ne faut  
point ſ'eſtonner ſ'il y a eu ſi grand nombre  
de vaillants hommes parmi eux, forts, & puis-  
ſants de corps, outre la dexterité d'eſprit: car  
les Phocenſes à leur arriuee ſ'eſpandirent  
par tous les lieux circonuoifins, & les dreſſe-  
rent ſi bien à la guerre, qu'à bon droit Am-  
mian Marcellin met Hercule fils d'Amphy-  
trion, & les Phocenſes entre les hommes ge-  
nereux, & riches qui ont peuplé les Gaules:  
dit encore qu'ils ont fondé en Lucanie (main-  
tenant Baſilicate) Velia: accru d'hommes les  
villes, & qu'ils ont inſtitué pluſieurs autres  
choſes.

choses. Nous prouuerõs au discours de la ville d'Arles, que c'estoit vn autre Hercule. Il a esté dit ci dessus que Thurin ville d'Italie, est des anciennes Colonies des Phocenses: mais Stephanus de Grammarien, Auteur Grec, dit que c'est vne Colonie des Marseillois ainsi appelée de Taurus, qui estoit la bannière, à ce qu'il dict que portoient les Marseillois en leur nauigations. Quelques anciẽs Autheurs disent qu'ils auoient vn lion aux bannieres de la ville, dont on pourroit apporter ceste raison que les Marseillois adoroient aussi Diane, sous le nom de Berecynthia, qui estoit portee sur les lions. Du Tautreau, il se peut dire, qu'il estoit anciennement dédié, & consacré à Diane, comme nous dirons plus amplement au traicté des antiquitez de Frejus. L'Espreuier estoit l'ieroglyphique de la celerité qu'ils rapportoient à la reputation de la ville, ou à l'esprit des citoyens. Nous aprenons encor par là, que les Phocenses ne s'estoient pas enfermez dans les murailles de ville: mais qu'ils auoient vne bonne partie du terroir circonuoisin, & qu'ils ont eu des Colonies en Espagne, & en Italie, qu'ils donnerent des noms aux peuples voisins des Marseillois. A ce mesme subiet se peut rapporter ce que nous dirons en expliquant, quelles Gaules veulent dire les deputez de Marseille que Cesar leur auroit attri-

60 LES ANTIQVITEZ DE LA  
buees. Il n'est pas aussi esloigné de ce discours  
ce qui est rapporté cy dessus de Stephanus,  
que Marseille a esté appelée la terreur, &  
l'espouuante de l'Europe, & de Thùcydide,  
que les forces des Marseillois sur la mer ont  
esté grandes, & redoutales.



DE L'ALLIANCE, ET RECIPRO-  
*que amitié des Marseillois avec les Romains, &  
de l'aide, & secours qu'ils se sont souuent prestez  
les vns aux autres. Que les Marseillois ont esté  
les autheurs des victoires que les Romains ont  
raporté sur les Gaulois deçà les monts, & que les  
Romains ont appris des Marseillois à dresser des  
trophees,*

## CHAP. XVII.

**S**TRABON ne flatte point les Mar-  
seillois, en ce qu'il dit, qu'ils ont esté  
utiles aux Romains, tant parce qu'au  
rapport de Cicéron, tesmoin digne de foy, en  
plusieurs victoires & triomphes ils ont esté  
declarez associez du peuple Romain, voire  
mesmes Autheurs de leurs victoires. Voici ce  
qu'en escrit Cicéron au second liure des Of-  
fices. Lors que les nations estrangeres ont  
esté subiuguées pour faire voir que leur  
Empire



Empire & domination estoit esteincte, nous auons veu porter en triomphe la ville de Marseille, sans laquelle nos Capitaines n'eussent iamais triomphé des peuples de delà les monts, & au mesme Ciceron transporté de cholere en la huictiesme Philippique, eschapperent ces mots. Je ne puis, dit-il, t'ouir patiemment Fulius, en ce que tu es si fort animé contre les Marseillois: car iusques à quād leur feras-tu la guerre? qui as ruiné de fonds en comble ceste ville-là? sans laquelle nos ancestres n'eussent iamais triomphé des pluples delà les monts, auquel temps le peuple Romain en eut pitié. Car bien qu'un chacun fust affligé en son particulier, toutesfois il ne se trouua personne qui ne fust touché du malheur de ceste ville-là, si fidele aux Romains. Cesar mesme qui leur en auoit voulu toutesfois pour la singuliere grauité & fidelité de la ville, relaschoit tous les iours quelque chose de sa cholere: & quant à toy tu ne peux assouuir ta haine voyant ceste ville si fidele, maintenant qu'elle est reduitte en si grand mal-heur, tu diras encores que ie suis en cholere, & toutesfois ie ne le suis point: mais d'estre marri, ie le suis. Je ne pense point qu'aucun se puisse dire ami de ceste ville-ci, qui soit ennemi de celle-là: Le dire duquel, ores que tres-veritable, se peut confirmer par plusieurs Auteurs, & particulièrement par ce que

que Iustin au liure trenteseptiesme a escrit de la grace & faueur des Romains enuers les Marseillois. Dont appert que les Marseillois ne se sont pas seulement faicts eux mesmes amis des Romains, mais aussi qu'ils ont intercedé pour autrui en leur endroit. Car lors qu'Aristonicus bastard d'Attale Roy d'Asie fut fait prisonnier de guerre par Perpenna & Marcus Licinius Crassus, Consuls, les Marseillois enuoyerent des deputez à Rome aux fins d'obtenir pour les Phocenses leurs fondateurs, de ce qu'ils auoient porté les armes contre le peuple Romain, pour Aristonicus, & auparauant pour Antiochus: ce qu'ils obtindrent du Senat. l'an de la fondation de Marseille 466. & de l'aduenement de nostre Seigneur 127. & pource c'est chose de laquelle on doit estre bien marri, que dans les Historiens anciens Valere le Grand, Strabon & autres, il soit faicte si souuent mention des bons offices que les Marseillois ont rendu aux Romains, par le moyen desquels ils ont merité leur affection, & que neantmoins on ne particularise point quels ont esté ces biens-faicts, & qui ont si fort obligé vn si grand Empire. Nous trouuons çà & là dans des bõs & graues Autheurs, que les Marseillois sont appelez tres-fideles, & trespuissans associez des Romains, & que leurs bons offices enuers eux y sont fort souuent repetez. C'est  
pourquoy

pourquoy Tite Lint au liure 21. & 26. de ses annales, appelle les Marseillois associez, & alliez des Romains, & au liure 27. dit, qu'ils enuoyerent des ambassadeurs aux Romains, pour leur faire sçauoir l'arriuee d'Annibal, comme nous dirons plus amplement en son lieu. Ammian Marcellin escrit auoir leu que Rome auoit esté autresfois defendue au besoin par l'alliance, & forces de Marseille, & Strabon dit que le plus signalé bon-heur des Marseillois prouenoit de l'amitié qu'ils auoient avec les Romains. Ciceron en l'oraison pour Fonteius louë, & prise fort la ciuilité, courtoisie, & fidelle societé des Marseillois, en ces mots. M. Fonteius, dit-il, commandoit en vne Prouince des Gaules, qui est composee de certaines nations, & villes, qui de nostre temps afin que ie ne parle point de ce qui s'est passé long temps y a, tantost ont eu de guerres aspres, & obstinees avec le peuple Romain, tantost ont esté subiuguees par nos chefs de guerre, tantost ont perdu des batailles, tantost elles ont esté notees d'infamie par les triumphes qu'ils ont rapportez d'eux, & par les trophées qui en ont esté erigez, tantost le Senat les a priuez de leurs possessions, & bannis de leurs villes, & en partie celles, qui vindrent aux mains avec M. Fonteius, & qu'il contraignit par vn grand trauail de se soumettre à l'Empire des Romains.



Narbonne est en la mesme prouince, vne colonie de nos citoyens, & vne eschauguete du peuple Romain, vn boulevard contre les nations susdites. Marseille en est aussi de laquelle i'ay parlé cy deuant, ville qui appartient à nos tres-puissants, & tres-fideles alliez, qui se sont garentis par l'assistance, & les armes des Romains, des guerres que leur auoient fait les Gaulois. D'abondant il y a grand nombre de citoyens Romaines, & d'hommes tres-vertueux. M. Fonteius auoit le gouuernement de ceste Prouince, comme i'ay dit, qui estoit composee de ceste diuersité de personnes, & vn peu apres. Quoy doncques les habitans de Narbonne que veulent-ils? mais que pensent-ils? ils desirent cest homme-cy par vostre moyen, c'est par luy qu'ils ont esté sauuez, qu'est-ce que disent encores les Marseillois, il en a receu de grands honneurs, lors qu'il estoit chez eux, & quant à vous, maintenant qu'il est absent, il vous prie tres-affectueusement que son integrité, sa magnanimité, & son autorité puissent meriter quelque chose en vostre endroit: c'est ce qu'en dict Ciceron, lequel en la mesme oraison fait encor en passant mention de la fidelité des Marseillois alliez du peuple Romain, dont on pourroit tirer argument que ceux de Narbonne, & de Marseille enuoyerent publiquement des deputez pour rendre tesmoignage des  
louables

louables deportemens de Fonteius Preteur de la prouince de la Gaule, qui auoit esté deféré à Rome par les Gaulois, comme coupable du crime *Repetundarum* qui estoit vne espece de peculat, pour auoir fait des sur-exactions immenses sur ces peuples, sous le pretexte des reparations des chemins. Ciceron respondant à cela, dit, qu'il s'en faloit plustost rapporter au tesmoignage des Narbonnois, des Marseillois, & Romains traficans en Prouence, qu'à ce qu'en disoient les Gaulois irritez, & portez de tres-mauuaise volonté en son endroit. Or on voyoit coustumierement parmi les anciens Romains, lors qu'un Gouverneur de quelque prouince, n'y auoit point mal versé, & neantmoins en estoit recherché, que de la Prouince, ou des villes, & municipes voisins, estoient enuoyez des deputez à Rome, avec vn panegyrique dressé à l'honneur du delat, pour interceder pour luy envers les iuges, comme a remarqué François Siluius sur la mesme oraison, derechef Cicéron en vn autre endroit. Les Marseillois, dit-il, sont tous venus pour assister ce pauvre, & innocent personnage, lesquels ne sont pas seulement en peine de luy rendre la pareille, en ce qu'ils ont esté par luy conseruez: mais aussi ils estiment que telle soit leur condition & qu'il y a du destin en ce que leur ville est située en lieu pour s'opposer aux Gaulois, à

ce qu'ils ne peussent porter aucun dommage à ceux de nostre nation. C. Sextius Calvinius, triompha des Saliens qui couroiēt leurs champs. Q. Opimius Consul, que les Marseillois appellerent à leur secours, subiuga nos Liguriens, qui sont les Transalpins à raison des Romains, lesquels incommoderent par actes d'hostilité Antibes, & Nice, villes qui appartiennent aux Marseillois. M. Fulvius Flaccus triompha des Liguriens Cisalpins, pour l'aide des Marseillois qui gastoient les limites de leur pays. Et Domitius Ænobarbus lieutenant de Consul triompha des Allobroges, qui sont les Dauphinois, & Sauoy-siens, pour auoir recueilli fauorablement Teuto Malius, lors de sa fuite, que les habitans auoient esleu pour abolir du tout le nom des marseillois, & pource qu'ils auoient gasté le terroir des Autunois, ou Bourguignons, allies du peuple Romain. Quintus Fabius Consul triompha des mesmes Allobroges, ou Dauphinois & mena en triomphe à Rome Bituitus Roy des Auvergnats, qu'il auoit pris prisonnier, où c'est que fust enuoyé Congentianus fils dudit Bituitus, de remplir le thresor public des Romains de leurs despouilles, dont Fabius fust appelé Allobrogicus, comme Scipion fust surnommé l'Affricain, pour auoir subiugué les Affricains : ces Capitaines Romains, dis-je, triompherent




par le moyen des Marseillois , lesquels ils auoient appellez à leur secours , & des autres qui estoient sous leur domination : nous discourrons du temps de ces victoires en l'histoire d'Aix , & des lieux où les batailles furent donnees au discours de la ville appellee anciennement Vndalum (que aucuns estiment Ourgon , & les autres S. Remy ) les Romains estoient lors venus à la priere des Marseillois pour empescher les courses que faisoient les Saliens sur eux , au rapport de Florus. Les Saliens , dit-il , furent les premiers delà les Alpes qui esprouuerent nos armes lors qu'ils couroient sur les Marseillois nos bons , & fidelles allies. Et le mesme escrit puis apres , que les vainqueurs dresserent des tours de pierre. Rien , dit-il ne pouuoit-on voir de plus beau : car on vit le Roy mesme deux fois porté en triomphe reuestu de ses armes differentes en couleur , & son chariot argenté , sur lequel il auoit combatu. Quelle , & combien grande fust la resiouyssance de l'vne , & l'autre victoire , on le peut assez iuger de ce que Domitius Ænobarbus , & Fabius Maximus firent exiger aux lieux mesmes où ils auoient combatu des tours de pierre , & au dessous des trophées ornez des ennemis , cela n'ayant point encor esté pratiqué parmi nous : car le peuple Romain n'a iamais reproché la victoire à ceux qu'il auoit vaincus. Dont on pourroit dire

que les Romains ont appris des Marseillois, d'heriger des Trophees, & de les parer des armes des vaincus. Les Cimbres, Teutons, & Ambrons, tous peuples farouches, desquels nous parlerons cy apres, qui estoient venus en Italie pour estouffer le nom, & la memoire des Romains, ne toucherent point au terroir des Saliens, dès qu'ils eurent reconnu les forces des Marseillois, & avant que Marius s'opposast à leur dessein. Il faut entendre cela des Saliens qui sont en Prouence, depuis les Alpes iusques à la riuere du Rhosne. Car le mesme Florus en vn autre endroit fait mention des Saliens qui habitent aux Alpes, & Pline au chap. 5. du liure troisieme, voire mesmes Timeus au rapport de Strabon, dit, que ce furent les Marseillois qui rapporterent ceste victoire sur les Saliens, & que depuis il s'estoient acquis de grandes richesses par le moyen des peages qu'ils leur faisoient payer en passant, & repassant le Rhosne. Il faut aussi rapporter ici ce que nous auons dit au precedent chapitre; que les Marseillois payerent pour les Romains vne grosse somme d'argēt aux Gaulois Senonois, lors que la ville ayant esté mise au pillage, ils furent contrains de se rendre à leur merci, sous l'assurance par eux promise, ne pouuans pas soustenir le siege au Capitole, c'estoit en l'an trois cens soixante cinq de la fondation de Rome, & de

Marseille 207. & avant l'aduenement de nostre Seigneur 386. dont Polybe au liure troiesme, & Tite Liue au liure cinquiesme, ont escrit bien au long: ce n'est donc pas sans l'auoir merit , que Marseille a est  appell  par le Senat amie, & s ur, puis que au rapport de Tite Liue au premier liure de la guerre Macedonique, nul Roy n'estoit appell  ami, ni associ  du peuple Romain, qui ne l'eust bien merit . Quant est des particuliers bien-faits, Ciceron en l'oraison pour Cornelius Balbus, dit que Sylla donna le droit de bourgeoisie   Ariston Marseillois. L'Empereur Maximian eut son refuge   Marseille, lors que la trahison qu'il dresseoit   Constantius son gendre, fut descouuerte, o  ayant est  assieg , &   la fin fait prisonnier, contraint d'eslire quel genre de mort il voudroit, il s'est  gla. Quatre galeres Marseilloises accompagnerent par honneur M. Iunius Sillanus en Espagne, qui auoit est  baill    P. Cornelius Scipio, fils de celuy qui auoit perdu la vie pour conseil, & coaduteur, au faict de la guerre, & auoit 30. galeres sur mer   cinq rames: auquel temps Scipion prit Carthage la neufue. Annius Milo estant accus  d'auoir tu  Clodius, & Ciceron qui plaidoit pour luy ay t perdu sa cause, fit son exil   Marseille. Hermolaus Barbarus escrit que quelqu'un recitant   Milon l'oraison que Ciceron auoit



70 LES ANTIQVITEZ DE LA  
faite pour luy, se prist à dire, si tu l'eusses ainsi  
prononcee, Ciceron, ie ne mangerois point  
de poissons barbus à Marseille. Catilina estât  
accusé d'auoir conspiré contre l'estat, escriuit  
qu'il s'en iroit à Marseille, au rapport de Salu-  
ste, en la guerre de Catilina. D'où l'on peut  
assez iuger avec combien d'humanité, & de  
courtoisie les Marseillois ont receu les ci-  
toyens Romains en leurs afflictions. Cn. Fa-  
bius Preteur s'en allant en Espagne la basse,  
mourut à Marseille, dont les Marseillois de-  
puterent des ambassadeurs pour en aduertir  
les Romains, comme escrit Tite Liue liu. 42.  
Lucius Antoninus petit fils d'Octavius Ce-  
sar y mourut aussi au rapport de Suetone, en  
sa vie, chap 65. & Florus liu. 4. Car il auoit  
esté enuoyé là par Auguste estant encoré fort  
ieune pour couvrir son bannissement sous  
couleur des estudes: ainsi que dit Tacite liure  
4. de ses annal. où il escrit aussi que du regne  
de Tiberius, les Marseillois l'exeuserent à  
l'endroit du Senat, & du peuple Romain, de  
ce qu'ils auoient receu Vulcatius Moschus  
qui atoit esté banni, à la republique desquels  
il auoit laissé tous ses biens, comme à sa pa-  
trie: d'où appert aussi clairement que la reci-  
proque affection des Romains, & des Mar-  
seillois demeura inuiolable, apres mesmes la  
prise de leur ville.



*D'VN AVTRE BIEN-FAICT DES  
Marseillois enuers la Republique Romaine , du  
temps de la seconde guerre Punique , & du pas-  
sage d'Annibal par la Prouince Narbonnoise.*

### CHAP. XVIII.

**L**Es Marseillois rendirent encor vn  
tres assureté tesmoignage de leur  
bien-vueillance enuers les Romains,  
lors qu'ils entreprindrent de s'op-  
poser à Annibal qui mettoit à feu , & à sang,  
tout ce qui resistoit à ses forces , qu'ils firent  
prendre les armes aux Saliens, & Vocontiens  
qu'ils auoient subiuguez, & donnerent prom-  
ptement aduis au Senat , & peuple Romain:  
ensemble à toute l'Italie de se resoudre à fai-  
re teste à Annibal , & qu'ils fournirent les  
bandes Romaines de gendarmes , & autres  
choses necessaires , au faict de la guerre , &  
nul en Prouence ne repoussa si bien Anni-  
bal que ceux de Marseille: mais parce que on  
ne peut parler de ce bien-faict qui est accom-  
pagné de la valeur des Marseillois , sans par-  
ler aussi de ce qui se passa lors en Prouence,  
ie l'ay icy inseré, presque comme l'ont escrit  
Polybe, & Tite Liue, l'an de Rome 536. & de

72 LES ANTIQVITEZ DE LA  
Marseille 378.& 215. ans auant l'aduenemēt  
de nostre Seigneur. Annibal chef des Car-  
thaginois assiegea Sagōte (aujourd'huy Mor-  
nedre) ville tres-fleurissante d'Espagne, & qui  
appartenoit aux confederez des Romains,  
& la prit dans huit mois, pour raison dequoy  
les Romains enuoyerent des Ambassadeurs  
aux Carthaginois, lesquels n'ayant point  
voulu entendre à leurs plaintes, les Romains  
les declarerent leurs ennemis. Alors Anni-  
bal se resouuenant du serment solennel que  
son pere Amilcar luy auoit fait faire en l'aage  
de neuf ans, qu'il seroit à iamais ennemi du  
nom Romain, se delibera de venir en Italie:  
fit passer nonante mille hommes à pied, &  
douze mille cheuaux outre la riuere d'È-  
brè, & subiugua les peuples du costé des  
monts Pyrenees, & la Guienne, ayant donné  
plusieurs & sanglantes batailles. Il laissa pour  
gouuerneur en ceste contree Hannon avec  
dix mille hommes de pied & deux mille che-  
uaux, ayant passé les Monts Pyrenees avec le  
demeurant de ses troupes en nombre de cin-  
quāte mille hommes de pied, & pres de neuf  
mille cheuaux. Il tira vers la plus prochaine  
embouscheure du Rhosne. Les Marseillois  
enuoyerent des deputez en Italie, pour ad-  
uertir les Romains, qu'Annibal estoit bien  
proche d'eux, dont les Senateurs furent fort  
espouuantez, & principalement d'autāt qu'ils  
pres



presageoient que Annibal se seruiroit contre eux des Gaulois, qui sont tous adonnez à la guerre, & ne desirent rien plus que d'auoir les armes en main. Ils donnerent ordre aux Provinces, & y enuoyent des Consuls. P. Cornelius en Espagne, en Afrique, & en Sicile T. Sempronius. P. Cornelius s'en allant en Espagne, & passant auant soixante Galleres le long de la coste d'Ethurie, ou Toscane, & des Liguriens, & Saliens, qui sont les Prouençaux maritimes, arriua dās cinq iours à Marseille, & logea son camp sur la plus prochaine bouche du Rhosne. Annibal ayant appaisé par crainte, ou par argent, tous les Gaulois: s'en alloit avec son armee d'une incroyable celerité le long du bord de la Mer de Sardaigne pour passer le Rhosne. Le Consul ne sçachant pas bien en quel lieu il pourroit le rencontrer, ses gens n'estant pas encor bien refaits de l'agitation, & incommodité de la mer, cependant enuoya trois cens des meilleurs hommes d'armes Numidiens sous la conduite des Marseillois, & l'assistance des Gaulois, c'est à dire Prouençaux pour reconnoistre, le tout à l'œil, & voyr la contenance des ennemis. Annibal proche du Rhosne, & qui estoit desia venu au pays des Volques, nation puissante qui habite le long des deux riuies du Rhosne, assemble les habitans de ceste contree, & acquiert leur bien-venillan-

74 LES ANTIQVITEZ DE LA  
ce à force de presens , & dans deux iours eust  
vn si grand nombre de nauires , & petits ba-  
teaux , qu'il y en auoit suffisamment pour le  
passage. Cependant les Gaulois Prouençaux,  
que Polybe appelle. Barbares , & Tite Liue,  
Gaulois en general , tenoient la riue couuer-  
te d'hommes, & de cheuaux, & les espouuan-  
toient de l'autre costé. Annibal les voyant, &  
reconoissant bien qu'il ne pouuoit passer, &  
encore moins demeurer là , craignant d'estre  
enuironné de toutes parts des ennemis , sur  
la premiere veille de la nuit, enuoya Hanno  
fils de Bomilcar , avec vne partie de l'armee,  
& luy commanda que le plustost , & le plus  
seurement qu'il pourroit, il passast la riuere,  
& retournast avec ses gens , afin que quand  
l'occasion se presenteroit, il assaillist les enne-  
mis par derriere, lequel s'en alla contre-mont  
la riuere deux cens stades , c'est à dire vne  
iournee , & s'arresta au dessus d'vne petite  
Isle, où le fleuve s'espandant alentour, s'eflar-  
git, & se diuise pour y estre le gué moins pro-  
fond , & apres auoir trauersé la riuere , il fit  
vne fumee pour faire entendre à Annibal  
qu'il estoit passé, dequoy Annibal aduertuy  
passa luy aussi avec le reste de son armee , &  
trentesept Elephans : la nuit suiuite , les  
soldats qui auoyent passé la riuere , comba-  
toient contre les Gaulois le long du bord.  
Annibal fait embarquer sur les bateaux les  
cheuaux

cheuaux tout fellez , & bridez , afin que les hommes d'armes s'en peussent feruir incon-  
 tinent qu'ils auroient passé à l'autre bord , si  
 l'occasion le requeroit , & fit passer la caual-  
 lerie, & l'infanterie dans des bateaux , pour  
 rendre l'eau plus tranquille , & plus paisible;  
 & pour soustenir la roideur du courant , fit  
 encore mettre des bateaux sur le haut de la  
 riuere , & de la main droicte pour retenir  
 l'impetuosité de l'eau. Les cheuaux estoient  
 tirez de la pouppe par les licols , trois ou  
 quatre ensemble par deux hommes , qu'il y  
 auoit à chasque costé de la pouppe , si bien  
 que pour la premiere fois ils passerent pres-  
 que tous les cheuaux. Là dessus les Gaulois  
 abandonnans leur camp , couroient sans or-  
 dre à la riué , comme s'ils deuoient defendre  
 le passage aux ennemis sans point de peine.  
 Annibal s'estant vn peu arresté , comme il co-  
 gnuist par la fumee , ainsi qu'ils auoient dit  
 entre eux , que ses gens s'approchoient , il  
 donna le signal à tous de passer. Les Cartha-  
 ginois ayans trauersé , se tenoient sur l'vne , &  
 l'autre riué. Alors les Gaulois avec diuers  
 hurlements , & chansons à leur mode , tour-  
 noyans leurs escussions sur leurs testes , &  
 brandissans de la main droite leurs iauelots ,  
 taschoient de repoussier viuement l'ennemy.  
 La meslee fut grande , & horrible à voir quel-  
 que espace de temps , tous les Gaulois ayans  
 aban



abandonné leurs pavillons accoururent à la riuere. Voila incontinent Hanno, qui suruint avec ses gens : partie d'iceux donnoient sur le camp, les autres donnoient par derriere. Les Gaulois surpris, & estonnez de ce cas inopiné, les vns se retirent à leur camp, les autres ne faisoient point braue deuoir au combat. Annibal voyant que son conseil luy estoit reussi à souhait, apres auoir enhorté ses soldats, donne sur les Gaulois, lesquels en fin ayant commencé sans aucun ordre, & se trouuans surpris de l'inopinee suruenue d'Hanno, s'enfuirent, qui çà, qui là en leurs villages. Annibal ayât en mesme temps franchy le passage du fleuve, & vaincu les Gaulois, se campa delà le Rhosne le iour ensuyuant, & ayant esté aduertí qu'un Consul Romain estoit à la bouche du Rhosne, enuoya cinq cens cheuaux pour recognoistre le lieu, & les forces qu'il auoit, & apprendre quelque chose de leurs desseins, & entreprises, & apres il enhorta ses soldats assez longuement, & à peine auoit-il acheué que les cinq cens qu'il auoit enuoyez pour recognoistre furent de retour, ayans esté desfaits, & vaincus : car ils furent rencontrez par la caualerie Romaine, non gueres loing de son camp, qui auoit esté enuoyee par Scipion pour recognoistre aussi l'ennemi. Le combat fut si grand de par, & d'autre, que les Romains, & des Gaulois,

qui

qui estoient sous la conduite des Marseillois, il en demeura sur la place iu qu'à cent quarante & des gendarmes Numidiens qui auoient esté enuoyez pour recognoistre plus de deux cens. P. Cornilius Scipio ayant fait embarquer tout le bagage, & ayant assamblé ses gens, il suit le long de la riue, & aduance chemin, comme s'il deuoit se battre avec l'ennemy. Le lendemain Annibal partant de la riue du Rhosne entra bien auant dedans les terres des Gaulois, P. Scipio estant arriué trois iours apres qu'Annibal deslogea de la riue du Rhosne avec son armee rangee en bataille quarree, s'auança droit au logement des ennemis, delibéré de combattre : mais ayant trouué le fort abádonné, il s'en retourne incontinent vers la mer à ses vaisseaux, ramasse ses troupes, & s'en retourne en Italie, estimant que par ce moyen avec moins de danger, & de difficulté, il se pourroit trouuer au deuant d'Annibal à la descente des Alpes. Annibal au quatriésme giste vint à l'Isle où la Saone, & le Rhosne s'assemblent en vn, où la ville de Lyon est assise. Estant arriué là, il y trouua à propos deux freres qui se debatoyent à qui le Royaume demeureroit, & auoient deua l'un & l'autre dressé des armées, & en ayant esté fait arbitre, il rendit la principauté à l'aîné nommé Brancus, pour lequel benefice il fut secouru de viures, & de toutes munitions

nitions en abondance, & mesme d'habillemens, dont les Alpes descrites à cause du grand froid qu'il y fait, le contraignoit se pourvoir de bonne heure. D'abondant, & qui fust vn grand auantage pour luy, il s'en alla iusques aux Alpes, avec toute son armee accompagnée du Roy des Allobroges, & ne prit pas le droit chemin : mais se tourna à gauche vers les Tricastins, & de là suiuant les frontieres des Vocontiens, c'est à dire le territoire de Nyon, & Chambery, apres auoir trauersé L'Isere, & la Durance, riuere tresrapide, & dangereuse, passa, comme il est vray semblable, par Briançon, iusques au pays des Tricorpiens qui habitent és Alpes (tous ces peuples appartennoient à la prouince des Romains, ou estoient des dependances de la Gaule *Braccata* ou Narbonnoise :) mais depuis que le Roy fust retourné chez soy avec son armee, les Allobroges ne redoutant plus les Gaulois, c'est à dire les garnisons des Prouençaux, s'estans saisis des lieux aspres, & de difficile accez, par où Annibal deuoit descendre, faisoient de grands dommages aux Carthaginois en leurs faillies : car outre ce qu'Annibal y perdit trente mille hommes, il perdit encore grand nombre de bestes de charge, & ayant réduit le passage plus aisé, & fait vn chemin au moyen du vinaigre qu'on auoit respandu sur les rochers, pour les pourrir &

calciner



calciner, six milles au dessus de Briançon, joignant le fleuve, au lieu qu'on appelle ce iourd'huy le pertuis de Rostan, il passa dans quatre iours les Alpes, & ne descendit point au plat pays par Cezan à Eyfilles, qu'on appelle maintenant, & à Suze: mais se rendit à la ville des Sallassiens (que les Italiens appellent *Val de Osta*, par des chemins escartez, & raboteux, pour tromper les montagnars, qui par adresses des lieux, deuançoient tousiours les Carthaginois. Au reste de Briançon à la premiere montagne des Alpes il n'y a plus de trois milles de chemin, & n'est pas difficile à monter au dessus de la montagne, il y a vne plaine esgale de toutes parts, de la contenance de trois milles, on peut aisement, & en peu de temps aller de là par Cezan, & Eyfilles à Suze, qui est à l'entree des Alpes du costé d'Italie, tous lesquels lieux nous auons veus, & particulièrement considerez, & les auons conferez avec ce qu'en escriuent Polybe, & Tite Liue, ce que n'auoit point encor esté fait par aucun, au moins que nous ayons leu, & pourtant tous ceux qui parlent de ce passage des Alpes, ignorants ces lieux-là, rendent la chose obscure, au lieu de l'esclaircir. Dōques Annibale estant entré bien auant dans l'Italie, il la ruinoit, & l'affligeoit en plusieurs sortes, que ie ne veux point raconter icy, & affoiblit si fort les forces des Romains en beaucoup de batail

80 LES ANTIQVITEZ DE LA  
de batailles, qu'il rapporta sur eux, qu'il les  
auoit tous reduits iusques au dernier defes-  
poir, & principalement apres la bataille de  
Cannes, que peu s'en falust qu'on abandon-  
nast l'Italie: mais en fin ayant esté chassé de  
l'Italie, il s'en retourna en Afrique, où ayant  
esté vaincu par Scipion, il fut contraint de  
fuyr pour se sauuer: nous auons iusques ici  
discouru, & assez au long, de tout ce qui se  
passa en la prouince Narbõnoise, lors qu'An-  
nibal y vint pour monstrier combien coura-  
geusement les Marseillois repousserent l'en-  
nemi du peuple Romain, bien qu'il eust vne  
armee si grande, qu'ils s'exposerent au hazard  
de leur entiere ruine, pour le bien, & la con-  
seruation de leurs alliez, & lors que les affai-  
res de Rome estoient entierement esbranlez.  
Nous dirons particulièrement au traité de  
la ville d'Arles, pourquoy Polybe & Tite Li-  
ue ne font point de mention d'icelle, & des  
autres villes qui sont le long de la ruiere du  
Rhosne, & lors principalement que l'occa-  
sion le sembloit requerir. D'auantage il nous  
appert combien l'armee, & les forces d'An-  
nibal furent a moindries & dissipées, aux Al-  
pes, puis qu'à l'entree du plat-pays de l'Italie  
il n'auoit que deux mille deux cens des siens,  
& huiët mille hommes de pied espagnols, &  
six mille cheuaux pour le plus.



DES MAGISTRATS DE MAR-  
seille, & du changement de l'estat  
de leur Republique.

## CHAP. XIX.



OMBIEN a esté louée parmi les  
estrangers la maniere d'essire les  
Magistrats à Marseille, Strabon le  
nous enseigne assez en ces mots:

Le gouvernement des Marseillois est aristo-  
cratique, & leur direction appartient à six  
cens hommes, qu'on ne prieue jamais de ce-  
ste charge tant qu'ils vivent, qu'on appelle  
*τιμάρχους*. Comme qui diroit, ayans honneur.  
Il y en a quinze qui sont par dessus les autres,  
lesquels ont soing des affaires qui requie-  
rent celerité. D'abondant entre ces quinze  
là, il y en a trois qui sont en tout souverains  
par dessus les autres: aucun d'eux ne peut  
estre *τιμάρχος*, qu'il n'ait des enfans, & qui ne  
soit Citoyen de trois generations, iusques ici  
Strabon. Dont on pourroit dire que le gou-  
vernement des Marseillois est oligarchique,  
& non pas aristocratique. Car en l'aristocra-  
tie on se gouverne par le Conseil des plus  
gens de bien: En l'oligarchie on mesure les




82 LES ANTIQVITEZ DE LA  
hommes selon leurs familles, & non pas selon leur vertu. Si d'avanture nous ne disions que l'on pouvoit choisir vn homme bon & vertueux d'un petit nombre de Citoyens. Au surplus bien que l'oligarchie, c'est à dire la souveraineté de petit nombre de gens semble plus conuenable à la société ciuile, à ce qu'écrivit Aristote, au cinquiesme chapitre du cinquiesme liure de ses politiques : toutesfois il en est souuent aduenue de grands changemens. D'autant que, comme il dit, en la Republique dont la puissance consiste en petit nombre, les plus riches se rendent aucunesfois les auteurs des seditions, lors qu'ils ne sont employez aux charges & honneurs publics, où peu de gens peuuent paruenir. Ce qui aduint, dit-il à Marseille, à Istria, à Heraclee, & à d'autres villes, où c'est que tantost les freres aisnés ne pouuans souffrir leurs puisnés, tantost les puisnés mesmes qui ne pouuoient aspirer aux honneurs ne cesserent d'esmouoir des seditions, iusques à ce que l'Estat de la Republique fust en fin changé.



*QUELLE ESTOIT LA PEINE  
& punition des Magistrats , qui se laissoient  
corrompre en leurs iugemens parmi  
les Marseillois.*

## CHAP. XX.


OMB IEN la ville de Marseille a esté religieuse obseruatrice de ses loix, outre ce que nous en auons desia dit si amplement. Il appert principalement en ce qu'ils punissoient seuerement les Magistrats qui auoient delinqué en leurs charges, & qu'ils auoient notez d'infamie pour petite que fust la faute, sans auoir esgard à l'aage ou qualité de ceux qui en estoient attaints: car premierement celui qui s'estoit laissé corrompre par argent ou autrement estoit priué de ses biens, & estoit déclaré incapable par les six cens **Timuches**, de iamais exercer charge publique. Ce qui fut pratiqué en la personne de Menocrates, homme de grands moyens, comme rapporte Lucian en l'un de ses dialogues, intitulé Toxaris, lequel auoit vne fille appelée Cydimacha, fort laide & difforme, semblable à vn pygmee, borgnesse: en fin elle estoit d'une fi-

84 LES ANTIQVITEZ DE LA  
gure affreuse , qui auoit espousé Zenotheris  
Marseillois, homme de belle taille, de bonne  
grace, & bien riche , lequel assista son Beau-  
pere de ses moyens apres qu'il eut esté priué,  
ainsi qu'escriit le mesme Lucian.



DE LEVR ESPARGNE  
& frugalité.

CHAP. XXI.

 N se pourroit ici estendre sur plu-  
sieurs loüanges touchant l'espargne  
des Marseillois : toutesfois il ne sera  
pas mal-aisé de prendre coniecture du reste,  
sur ce qu'en escrit Strabon, parlant des dots  
que les femmes bailloient à leur maris , &  
autres ornemens nuptiaux, qu'on ne pouuoit  
exceder pour grands que fussent les moyens  
de ceux qui les constituoient. On peut, dit-  
il , bien sçauoir qu'elle a esté la sobrieté des  
Marseillois , de ce que parmi eux le plus  
grand dot ne surpassoit pas cent escus , pour  
les vestemens , cinq escus , & les joyaux au-  
tant, & rien d'auantage. Les Ambassadeurs  
des Rhodiens dans Tire-Liue , au liure 37.  
tesmoignent : que les Marseillois font en tel  
credit & honneur parmi les Romains, com-  
me



me s'ils estoient venus du cœur de la Grece: car ils n'ont pas seulement vn mesme langage & vestement, mais aussi ils ont maintenu leurs mœurs, ordonnances, & bon naturel entre leurs voisins, lesquels au commencement que Marseille fut bastie, estoient moins polis & moins ciuilez. Et pource Valere le Grand, met, comme nous auons dit cy-dessus, que les Marseillois ont esté fort renommez pour auoir esté exactes obserua-teurs de leurs anciennes coustumes, & pour la bonne affection des Romains en leur en-droit, Cornelius Tacitus en la vie d'Agrico-la, parlant de leur espargne & courtoisie: il ne se laissoit point, dit-il, emporter aux des-bauches, parce qu'outre son bon naturel, il s'estoit nourri à Marseille, maistresse des estuques, lieu composé de la ciuilité Grecque, & de l'espargne Prouençale.



DE LA DISCIPLINE ET FA-  
*çon de viure des Marseillois, & de leur*  
*Justice, & coustumes.*

CHAP. XXII.



Es Autheurs Latins & Grecs ont  
 escrit si au long de la discipline des  
 Marseillois, de l'excellence de leurs  
 arts & statuts; qu'il nous suffira de  
 rapporter ici sommairement quelque chose  
 de leurs escrits, selon que nous verrons estre  
 à propos. Je rapporteray tres-volontiers en  
 premier lieu le tesmoignage de Cicéron,  
 comme le plus propre & le meilleur: car il  
 arriue ordinairement, que ceux qui volon-  
 tiers se loüent desprisent autrui, mesmes en  
 le loüant. Et au contraire ceux qui s'esten-  
 dent aux loüanges d'autrui, mesprisent mes-  
 mes les leurs. Doncques en l'oraison pour  
 Flaccus: Je ne te passeray point sous silence  
 Marseille, dit-il, qui as cogneu Lucius Flac-  
 cus soldat & thresorier, la discipline & graui-  
 té de laquelle ville, ie ne sçay point si ie dois  
 à bon droit preferer non seulement à la Gre-  
 ce: mais à toutes les nations, laquelle estant si  
 esloignée de la Grece, & n'ayant rien de  
 com

commun avec la discipline & langage des Grecs, comme estant en la contree de la terre la plus esloignee, au milieu des nations Gauloises au bord de la Barbarie, se maintient si bien en son estat Aristocratique, qu'il est plus facile de loüer ses loix que de l'imiter. A ce iugement de Ciceron se conforme ce qu'en ont escrit quelques Autheurs graues & le tesmoignage qu'en ont laissé les Anciens. Nous apprenons aussi de Strabon quelle a esté la discipline des Marseillois, puis qu'ils ont fait changer de façon de viure aux Gaulois, lors à demi barbares, pour prendre la leur, & que les grands de Rome venoient à Marseille, au lieu qu'ils souloient aller en Athenes. Deslors, dit-il, que les Barbares subiuguez se despoüillerent de leur naturel agreste, & qu'ils mirent les armes bas pour s'entremettre aux affaires publiques, & s'adonner au labour. Les Marseillois relascherent le soin, qu'ils auoient des choses susdites, dont il se peut tirer argument, si nous considerons l'estat, auquel sont maintenant leurs affaires: car on voit les gens de meilleure maison se ranger à l'estude de l'art oratoire, & de la Philosophie, & fut puis n'agueres defenduë l'entree de leurs Colleges aux Barbares. Les Gaulois aussi prindrent goust aux lettres Grecques par leur moyen, si bien que les contracts & autres instrumens publi-



88 LES ANTIQVITEZ DE LA  
ques s'escriuoient en langue Grecque. Ce  
fut lors que les plus notables familles de  
Rome, qui aimoient les bonnes lettres, com-  
mencerent d'aller à Marseille, au lieu qu'au-  
parauant ils alloient à Athenes. Les Gaulois  
ayant particulièrement considéré l'estat de  
cette ville là, lors qu'ils faisoient trefues en-  
semble, taschoient de conformer leur repos  
à la vie des Marseillois, tant en particulier,  
qu'en public. Ils enuoyerent donc querir des  
Maistres d'eloquence, & des Medecins, qui  
estoient stipendiez en partie de quelques  
hommes priuez, & en partie du public. Va-  
leré le grand: Depuis aussi, dit-il, les Mar-  
seillois iusques aujourdhuy, se montrent  
fort graues & seueres en leur discipline, &  
sont fort renommez, en ce qu'ils gardent la  
façon de faire ancienne, & qu'ils sont aimez  
du peuple Romain, lesquels cassent & annu-  
lent trois manumissions, si vn mesme se trou-  
ue auoir trompé iusques à trois fois son mai-  
stre: mais pour la quatriesme, ils ne la rescin-  
dent point d'autant qu'il semble luy-mesme  
auoir fait espaule à son affranchi, & s'estre  
offert de gayeté de cœur à l'iniure. Belle cer-  
tes est cette constitution que les Marseillois  
auoient appris des Atheniens: car que peut-  
on s'imaginer de plus insensé, qu'un maistre  
qui ayant donné trois fois la liberté à son ser-  
uiteur, & trois fois l'ayant reuoquée, à cause  
de

de son ingratitude, n'a pourtant appris comme il se deuoit porter en son endroit. Et peu apres: La mesme Cité, dit il, est tres soigneuse obseruatrice de la seuerité des mœurs, en ce mesmement qu'ils ne donnent iamais accèz aux bouffons & batteleurs, dont les subjets ordinairement sont de paillardises, de peur que la coustume de voir représenter cela sur vn theatre, ne les inuite à la conuioitise d'en vouloir faire l'experience. C'est à peu pres ce qu'il en dit, dont il se peut prendre argument, que puis que les mœurs des Marseillois ont esté tournees en proverbe, & qu'on les prend pour bonnes, seueres, & entieres, combien mal à propos on veut dire qu'elles estoient desbauchees, & dissolues, comme nous dirons en son lieu. Le mesme Valere, ils ne donnent pas l'entree, dit-il, à ceux qui sous faux pretexte de Religion cherchent le moyen d'entretenir leur oisiveté, & estiment qu'il faut chasser bien loin, vne trompeuse, & fardee superstition: Je croirois volontiers qu'il ont emprunté ceste coustume des Atheniens, parmi lesquels, ainsi que dit le mesme Valere, L'oisiveté languissante en sa cachette, est quelquefois appelée en iugement, comme vn delict, & est declaree atteinte, & conuaincûe d'vne aussi meschante, qu'honteuse couïpe. Le mesme Valere met encore ceste coustume, au reste,

90 LES ANTIQVITEZ DE LA  
dit-il, ils ont vne espee depuis la fondation  
de leur ville, dont on y decapite les mal-fai-  
cteurs, si mangée de rouille, qu'à peine en  
peut-on faire vne execution. Mais ils se-  
roient tres-marris, mesmes aux choses de  
plus petite importance d'auoir brisé les cou-  
stumes anciennes. Ce n'est donc pas mer-  
ueille, s'ils ont conserué par vne si longue  
suite d'annees, leur liberté entiere parmi la  
soigneuse obseruation de la seueré antiqui-  
té. Le mesme rapporte vne autre ancienne  
coustume des Marseillois, louable certaine-  
ment pour leur regard: car on gardoit publi-  
quement vn breuuage meslé de Ciguë, qui  
est vne herbe fort venimeuse, & tres-froide  
pour ceux qui las de ceste vie, cherchoient  
quelque honneste moien d'en sortir, laquelle  
on ne refusoit point à ceux qui auoient de-  
claré aux six ceens (c'estoit le nom du Se-  
nat) le sujet pour lequel ils ne vouloient plus  
viure. Mais quant à nous, c'est maintenant  
vne chose pleine d'impieté, detestable, &  
abominable, que de vouloir mourir auant le  
temps: à nous, qui par Iesus-Christ auons  
esté esclairez de la verité de Dieu, duquel  
nous auons appris, que nous n'entrerons  
point au Royaume des cieux, qu'apres auoir  
souffert vn grand nombre d'afflictions, &  
qu'il ne faut point donner congé à nos ames:  
mais bien, qu'il nous faut conseruer sans  
tasche



rafchè iufques à fa venue? Loin,loin,donques  
 la faincte fageffe de ces fols : car ie ne diray  
 point Philofophes,qui ne font profeflion de  
 la patience , que de parole , & toutesfois fe  
 font inhumainement defaits eux-mefmes,  
 quand ils ont eſté ennuyez de viure. Ie n'en-  
 tens point parler de Platon,Plotin,Cicéron,  
 & autres Philofophes , & pluſieurs autres  
 hommes graues, qui ont ſainctement & hu-  
 mainement decidé , que ce n'eſtoit point à  
 nous de nous donner la mort. Les raifons  
 deſquels ſont couchees au long dans Ma-  
 crobe,au liure premier chap. 13. du ſonge de  
 Scipion. Le meſme Valere met vn peu apres,  
 qu'il eſtime que ceſte couſtume des Marſeil-  
 lois ne doit ſon origine à la Gaule : mais  
 qu'elle eſt emanee de la Grece , parce qu'il  
 dit l'auoir veuë pratiquer en l'Iſle de Ceos.  
 Au reſte nous auons appris de pluſieurs hom-  
 mes d'autorité , & fort vieux qu'il n'y a que  
 cinquante ans qu'on voyoit encore la fene-  
 ſtre , en laquelle on gardoit la Ciguë , & que  
 la voute où pendoit l'eſpee eſtoit encor' en  
 ſon entier au lieu où l'on reſoit ancienne-  
 ment l'Audience , qui a eſté demoli depuis  
 n'aguereſ,lors qu'on parloit de refaire l'Hof-  
 pital : car il eſt maintenant deſtiné pour y re-  
 ceuoir les pauures. Le meſme Autheur par-  
 lant des ceremonies que les Marſeillois ob-  
 ſeruoient aux funerailles. Il y a, dit-il,deux  
 arches


92 LES ANTIQVITEZ DE LA  
arches deuant leurs portes, en l'vne desquel-  
les on met les corps des hommes libres, &  
en l'autre des serfs : & de là on les porte sur  
vn chariot au lieu de leur sepulture, sans cris,  
sans plainte. Le dueil se finit le iour des fu-  
nerailles par vn sacrifice domestique, & vn  
banquet que les parens font entr'eux: car de-  
quoy sert-il de s'accabler l'esprit d'ennuy, &  
de douleur, & d'accuser Dieu mesmes de ne  
nous auoir faits immortels, comme luy. Va-  
lere entend parler de l'immortalité du corps,  
puis que les Marseillois, & les voisins Gau-  
lois ont creu l'immortalité de l'ame, ores  
qu'ils ne se soient pas bien expliquez sur ce  
point-là. Nous auons aussi rapporté cy-des-  
sus de Trogus Pompeius, qu'ayans les Mar-  
seillois vaincu les Liguriens, & autres peu-  
ples circonuoisins, ils obseruerent de là en  
auant de fermer les portes de la ville aux  
iours de feste, se tenir soigneusement sur leur  
garde, faire le guet sur les murailles, & faire  
vne exacte recherche des estrangers, & en  
somme n'auoir moins de soin de garder leur  
ville en temps de paix, que si c'eust esté en  
guerre ouuerte. Le mesme Valere parlant  
d'vne autre ancienne coustume, ils ne lais-  
sent point, dit-il, entrer en leur ville aucun  
portant armes, & se trouue là vn, qui les  
ayant comme en depost, les leur rend à la  
sortie, afin qu'ils soient aussi assurez en leur  
hoſpi

hospitalité, comme ils y font, doux, & courtois : toutesfois aujourd'huy on n'oste point les armes a l'entre : mais on met vn corps de garde à la porte, par laquelle seule les estrangers entrent dans la ville, pour empescher leurs supprises, tandis que les habitans sont occupez à faire leur negoce. De nuict, on fait deux fois le guet par la ville, & sur les murailles, dont on charge le Viguier créé par le Roy, & le Capitaine du guet à ce commis, par la ville. Chasque galere en son particulier fait le guet, ores qu'elles soient bien assenrees dans le port : à l'entree du port du costé de la mer il y a vne chaine, comme nous auons desia dit, qui passe à trauers des colonnes qui sont là dressees, laquelle on oste de iour, & par là peuuent passer deux galeres de front entre la plus prochaine colonne, & la tour S. Iean, qui est bien munie de pieces d'artillerie. Il y a aussi deux forteresses, où l'on fait le guet de iour, l'une qu'on appelle la Garde, du costé de Midy, defend la ville de bien haut, l'autre est situee en vne Isle à quatre milles de la ville, & auoit son nom du vent qu'on appelle vulgairement *Labeich*, ou *Syrochi*. Le Roy François I. de Valois, d'heureuse memoire, luy donna le nom d'Idc, dont le vulgaire l'appelle aujourd'huy l'Isle D'Id. L'une, & l'autre forteresse peut empescher vn vaisseau d'approcher, s'il ne saluë premie-



rement de fort loin d'un coup de Canon, que si neantmoins il veut passer outre, on le met à fonds à coups de Canons. On y observe aussi vne coustume vtile à toute la Prouence: car depuis l'emboucheure du Rhosne iusques à celle du Var, qui sont deux bornes de la Prouence, du costé de la Mer, il y a deux promontoires d'où l'on fait soigneusement le guet sur tout ce qui vient du costé de la mer, & ne sont pas esloignez l'un de l'autre de six à neuf milles, & en moins d'une heure ils peuuent donner aduis à Marseille, s'ils ont descouvert quelque armee de Mer, voire ne fust ce qu'une seule galere, ils peuuent l'appercevoir cent milles dans la Mer. Le signal qu'ils donnent de iour est vn voile blanc, & de nuict de feu. Au reste, ie ne veux point ici obmettre que les peuples voisins des Marseillois auoient accoustumé de prester de l'argent à rendre aux enfers, c'est à dire au lieu destiné pour le repos des ames immortelles: car si on y fait estat de marchandise, comme ils croyoient, il pourroit arriuer (c'est chose digne de mocquerie) qu'ils eussent besoin d'argent sortant des portes de Marseille. Ce dit Valere, il me souuient d'une ancienne coustume des Gaulois, lesquels à ce qu'on dit, prestoient de l'argent à rendre aux enfers, parce qu'ils ont creu l'immortalité de l'ame. Je les accuserois de folie,

folie, si Pitagore n'auoit eu la mesme opinion. Nous auons parlé de ces chose-ci en passant, là ou nous auons discoursu de la fondation de Marseille, & au chapitre du decroisement des Marseillois, & au chapitre de leurs forces, & puissance au faict de la guerre, & encore au chapitre des sacrifices des Marseillois, & de leur horrible & cruelle coustume d'immoler les hommes que nous auons estimé indigne d'estre rapportee entre leurs bonnes, & louïables coustumes.



*QUE LES FEMMES DES MARSEILLOIS ne beuuoient point de vin.*

### CHAP. XXIII.

**L**es Historiens Grecs & Latins, nous ont laissé par escrit, combien anciennement les nations estrangeres ont louié les femmes Marseilloises, qui faisoient gloire de ne boire point de vin, *Ælian* au liure second de ses histoires diuerses: Entre les belles loix, dit-il, que *Zaleucus* le Locrien, nous a laissé. celle là, me semble estre l'vne des principales, par laquelle la peine de mort estoit ordonnee à  
celuy

celuy, qui estant malade auroit beu du vin  
 outre mesure, si ce n'estoit par commande-  
 ment du medecin, ores qu'il reuinſt en ſa  
 premiere ſanté, parce qu'il l'auoit beu ſans  
 commandement, ç'a eſté auſſi vne des loix  
 des Marſeillois qui deſendoit aux femmes  
 de boire du vin, de quelque âge qu'elles fuſ-  
 ſent. Theophraſte aſſeure qu'il y auoit vne  
 pareille loy entre les Mileſiens, que les Iades  
 obſeruoient auſſi: mais pourquoy ne rappor-  
 terois-ie point la loy des Romains? ne me  
 reprendroit-on pas à bon droit: ſi ayant fait  
 mention des loix des Locriens, Marſeillois,  
 & Mileſiens, ie paſſois ici ſous ſilence la loy  
 de mon pays? Il eſtoit donques inuiolable-  
 ment obſerué parmi les Romains, que les  
 femmes de libre, ou ſeruile cōdition, ne boi-  
 roient point de vin: voire meſmes les hom-  
 mes nobles y eſtoient compris dès leur pu-  
 berté, iuſques en l'âge de trente cinq ans.  
 Aelian ſemble auoir pris cela d'Athence Au-  
 theur Grec, au liure 10. chap. 9. des Dypno-  
 ſophiſtes. Le meſme preſque de mot à mot  
 eſt rapporté dans Nicolaus Leonicus au  
 liu. 3. chap. 87. Il appert donc que l'Ariſto-  
 cratie des Marſeillois, leurs mœurs, & ſta-  
 tuts ont eſté en grand'eſtime, & que les Au-  
 theurs preſque tous Grecs'en ont parlé en  
 fort bonne bouche: adiouſtons qu'Ariſtote  
 le plus eloquent homme de la Grece auoit  
 fait



fait vn liure de la Republique des Marseillois, dont est faite mention dans le mesme Athenée au liu. 13. ch. 13. qui s'est perdu par l'iniure du temps, comme plusieurs autres liures du mesme Autheur, comme nous dirons au chap. suiuant. Alcinius Siculus en l'histoire d'Italie comme il est couché dans Athenée, rapporte sur ce sujet vne fable si digne de mocquerie, que nous n'auons point voulu inserer ici. Nicolaus Leonicus la met aussi au liure 3. chap. 88. mais aujourd'huy ceste ancienne coustume n'est plus obseruee à Marseille, voire mesme on donne du vin aux enfans de laiët, & les femmes n'en font pas pour cela moins chastes, & pudiques, & si bien l'vsage du vin estoit incognu aux femmes Romaines, & Marseilloises, parce qu'il peut desbaucher les mœurs, & corrompre l'esprit de ceux qui en boient, comme dit Valere, si est-ce que pris modérément il renforce le corps, & l'esprit, & en aucune part du monde les femmes ne sont point plus sobres qu'en Prouence, Italie, & Espagne, & autres pays du mesme climat en l'Europe: voire mesmes l'yurongnerie va du pair avec le crime le plus sale, & n'y a nation au monde, qui souffre plus long temps la faim, & la soif sans en estre recreuë: parce que leur naturel est modere, & qu'ils sont sous vn air doux, & bien temperé. J'ay veu lors que l'es

98 LES ANTIQVITEZ DE LA  
criuois ceci, vn homme rustique aagé de soixante dix ans, appelé Bouët, qui ne mange iamais potage, & en esté boit seulement vne fois la semaine, & en hyuer iamais : ainsi que ie l'ay premierement appris de plusieurs, & moy-mesme i'ay esté curieux de l'observer plusieurs fois. Plin au liu. 7. de son Histoire chap. 17. rapporte vn exemple presque semblable de Iulius Viator, Cheualier Romain descendu des Vocontiens qui sont en Prouence, lequel estant tombé en hypopisie dès son enfance, par ordonnance des Medecins s'abstint de toutes choses humides, & petit à petit changea ceste coustume en naturel, si qu'il ne beut du tout point tout le reste de sa vie.



*QUE CE PROVERBE, NAVIGVE  
vers Marseille, ne s'entend point des mœurs de  
nos Marseillois, des Massiliens, & Massilie en  
Afrique, & qu'Aristote a fait vn liure de la Re-  
publique des Marseillois.*

#### CHAP. XXIV.

**L** nous appert donques par ce qui a  
esté rapporté cy dessus des coustumes  
& bonnes mœurs des Marseillois, que Plaute  
Athenee,

Athenée, & les autres, qui les appellent mols, & effeminez, ont entendu parler de Massile en Lybie, dont fait mention Virgile au quatriesme liure de l'Encyde,

*Hic mihi Massila gentis monstrata Sacerdos.*

C'est à dire, Là vint deuers moy la Prestresse du peuple Massilien.

D'où nous pouuons tirer argument, que ce peuple-là a esté addonné à la forcellerie, comme les Thessaliens. Donques Athenée met que les Massiles, non les Marseillois ont vescu si lubriquement, que leur impudicité a esté tournée en prouerbe: Allez vers les Massiliens: mais parce qu'il y a dans Athenée *μασάλια*, & non pas *μασιλία*. Erasme à voulu dire que ce n'est point Marseille, dont nous parlons, ny celle d'Afrique ( nous monstres tous les fois le contraire cy-apres. ) Mais vne troisieme, bien que les Grecs n'observent pas tousiours ceste difference de noms. Plaute en la comedie intitulee Casina,

*Voi tu es qui colere mores Massilienses postulas.*


C'est à dire, Où es-tu qui veux viure selon les mœurs des Massiliens ?

Bien qu'Erasme ait estimé qu'il falloit rapporter ces vers de Plaute, à la seuerité de leur vie, comme Plutarque en la vie d'Ageuslaus, dit, que la discipline des Spartes fut appelée seuer, & nullement addonnée aux plaisirs




100 LES ANTIQVITEZ DE LA  
& delices: car comme il conſte par ce qui eſt  
couché cy-deſſus, il ne ſe trouue point de  
nation, qui ait eſté plus louée, que nos Mar-  
ſeillois, à la grauité & ſeuerité deſquels ces  
mœurs effeminees contrediroient: c'eſt don-  
ques Maſſylie, Maſſile, ou Maſſyle, partie de  
la Mauritanie, que Claudius Ceſar voulut  
eſtre appellée de ſon nom, Ceſaree. C'a eſté,  
à mon aduiſ, celle qu'on appelle auourd'huy  
Mazaliq. Dont on dit Maſſylès & Maſſyliens  
*μασύλοι* dans Stephanus, ou bien Maſſile na-  
tion & non pas Maſſiliens ou Marſeillois,  
que les Grecs appellent *μασαλιότας*. C'eſte pro-  
vince-là a eſté depuis appellée Phutenſis, du  
nom d'un riche & puiffant homme. Les bar-  
bares l'appellent auourd'huy Triminen, du  
nom de la capitale ville: peuple qui a eſté ad-  
onné à toute forte d'excez & desbauche:  
comme nous auons dit cy-deſſus, ou les  
hommes ont leurs cheueux parfumez, à gui-  
ſe des femmes. Il y a auſſi d'autres Maſſiliens  
ou Maſſylès, qui ſont voiſins des Carthagi-  
nois, qui ſont groſſiers & agreſtes, & ne ſça-  
uent que c'eſt que de labourer les terres:  
mais errants comme beſtes ſauuages dans  
les bois, ne viuent que du gland, & de la  
chaffe des beſtes ſauuages: & pource le pro-  
uerbe ne ſe peut rapporter à ceux-ci, ni aux  
premiers principalement, puis qu'Ariſtote  
grand Philoſophe & tres-curieux obſerua-  
teur

VILLE DE MARSEILLE. 101  
eur des Republiques bien reglees, se trouue  
auoir fait vn liure de la Republique des Mar-  
seillois, comme estant l'vne des mieux poli-  
ees, lequel aussi au rapport de Ioannes Phi-  
loponus en la vie d'Aristote, auoit escrit de  
la Republique Aeginetes, Deliens, Thessa-  
iens, Colophoniens, Crotoniates, Naxiens,  
Methoniens, Sybarites, Trezeniens, en 128.  
liures, qui se sont perdus par l'iniure du  
temps, & la negligence des hommes.



DES SACRIFICES EXECRA-  
bles que les Marseillois faisoient dans vn  
petit bois consacré à leurs dieux.

## CHAP. XXV.

EST chose incroyable, combien  
auant la Natiuité du Sauueur, les  
Payens ont esté aueuglez en leur  
idolatrie, & combien ils ont esté  
deceus par les responses ambigues des mau-  
uais demons, qu'ils appelloient bons. Car ces  
nauuais, & pernicioeux esprits, & puissances  
nuisibles, sous le nom de Saturne, Iupiter,  
Mars, Apollon, Diane, & autres semblables  
dieux de l'antiquité, se plaisoient non seule-  
ment en l'immolation des animaux irraison-

nables (sacrifice que Theophraste, & Porphyre, mesmes qui estoient Payens, ont appellé iniuste, & abominable) mais aussi au meurtre, & au sang des hommes, de sorte que le pere sacrifioit son fils vnique, la mère sa chere, & bien-aimée fille, ainsi qu'une brebis, comme s'ils eussent esté agitez, & possédez du diable. Les Rhodiens sacrifioient vn homme à Saturne, ce qui fut du depuis vn peu radouci: car s'il y auoit quelqu'un qui fut condamné à la mort, on le reseruoit iusques à la feste de Saturne, auquel iour apres l'auoir fait ennyurer, ils l'immoloient à Saturne en l'Isle de Salamine. Iusqu'au temps de Diomedes on sacrifioit vn homme à Agraula fille de Cecrops. Depuis on le sacrifia à Diomedes mesme la ceremonie estoit telle, que quelques ieunes hommes le conduisoient trois fois à l'entour de l'autel, & comme il eust esté frappé d'une hache par le Prestre, on le jettoit dans le feu. Parmi les Egyptiens en la ville d'Heliopolis, on sacrifioit vn homme, & ceux de Chios immoloient à Dionysius vn homme cruellement deschiré, & mis en pieces. Les Lacedemoniens, vn qui estoit en aage de virilité à Mars, les Curetes des enfans à Saturne, en Laodicee vne pucelle à Pallas. Parmi les Arabes, on immoloit tous les ans vn ieune enfant qu'on enseuelissoit apres sous l'Autel. Les Grecs auant  
qu'aller



u'aller à la guerre sacrifioient vn homme. En la grand'ville de Latinus, on faisoit sacrifice d'un homme à l'honneur de Iupiter ainsi qu'en Arcadie à Iupiter Lycee : en Carthage Saturne, & generalement parmi tous les hommes, lors que le iour destiné au sacrifice estoit venu on espendoit sur l'Autel du sang humain. Le Roy des Phœniciens aux grandes occasions, & dangers signalez, deliuroit son plus cher fils au demon vengeur, comme pour prix de la redemption, & l'ayant ainsi deliuré l'esgorgoit avec certaines ceremonies. Aristomenes Nezennius sacrifia pour vne fois trois cens personnes à Iupiter, en la ville d'Ithone. Les Tauroscythes immoloient à Diane tous les estrangers qu'ils pouuoient prendre: ce qu'Euripide a fort loué en ses tragedies. En la ville de Pella on immoloit on homme en lieu de victime à Peleus & Chiron. Ceux de Crete ou Candie, à Iupiter: les Phocenses à Diane: les Lesbiens à Dionysius: les Pelasgues & Aborigenes (aucuns veulent dire, que c'estoient les Tyrhéniens) la terre ne leur produisant riē auoient promis d'immoler la dixiesme partie des hommes, qui naistroient. Diodorus escrit que les Carthaginiens pour appaiser les dieux, sacrifierent publiquement deux cens ieunes hommes des plus illustres familles, & que trois cens autres s'offriroient de gayeté

104 LES ANTIQVITEZ DE LA  
de cœur. En tous lesquels lieux & plusieurs  
autres, qu'il seroit long de reciter icy, iusques  
à la venuë du Sauueur, appaisoient les de-  
mons par sacrifices, tant d'hommes, que  
d'autres animaux : & les hommes ont esté  
contaminez de tels mauuais actes : iusques à  
ce que la doctrine du Sauueur a esclairé le  
monde. Et sous l'Empereur Adrian on vit  
ceste coustume abolie, & ne vit-on plus pra-  
tiquier tels sacrifices, si pleins d'impieté.  
Doncques pour reprendre nostre discours,  
les Marseillois immoloient à Diane d'Ephe-  
se des personnes en lieu de viâtes: en quoy  
ils imitoient les Phocenses leurs ancestres,  
ou bien les anciens Gaulois, que Cesar escrit  
au liure sixiesme des guerres de la Gaule,  
auoir esté grandement addonnez à deuo-  
tion : & pourtant ceux qui sont affligez de  
quelque grande maladie, & qui se trouuent  
entre les combats, & autres sortes de perils,  
immolent des personnes en lieu de viâtes,  
ou bien font vœu d'en immoler, & se seruent  
en tels sacrifices du ministere des Druides,  
ne croyans pas que si la vie d'un homme n'est  
compensee par celle d'un autre, les dieux  
immortels se puissent appaiser ; & tiennent  
publiquement des ceremonies & institu-  
tions de tels sacrifices: les autres ont des ido-  
les d'une grandeur desmesuree, les membres  
desquelles, tissu d'osiers, ils remplissent  
d'hom

d'hommes viuans, puis y mettent le feu, & là font les miserables estouffez de la flamme & fumee, & finalement reduits en cendre. Ils croient bien que les executions de ceux qui ont esté pris pour quelque larcin, volerie, ou autre forfait, soient agreables aux dieux, immortels : mais si le moyen de recouurer assez de ces malfaiçteurs leur défaut, ils ne font point de difficulté de mettre la main sur les innocens mesmes. Suetone en la vie de Claudius, chap. 25. dit, qu'il abolit entierement la superstition des Druides parmi les Gaulois, qui estoit tres-inhumaine, & n'auoit esté interdite sous l'Empereur Auguste. Au surplus, lors que les Marseillois estoient affligez de peste, vn d'entre les pauures se presentoit pour estre nourri vn an entier du public, & de viandes les plus delicates : apres lequel temps il estoit conduit par toute la ville, orné d'habits sacrez, & ceint de veruaine, & chacun le maudissoit, s'escriant, que sur lui seul tombast tout le mal de la ville, & ainsi il estoit mis dehors la ville, comme a remarqué Seruius, sur le quatriesme liure de l'Eneide de Virgile. Nous auons rapporté de Strabon cy-dessus au chap. 10. que cest horrible sacrifice qu'on faisoit à Diane, & que les Gaulois auoient appris des Phocenses, fut non seulement pratiqué à Marseille, qui estoit la ville Me-



106 LES ANTIQVITEZ DE LA  
tropolitaine : mais aussi aux autres Colonies  
& villes , entre lesquelles estoit Arles. Il est  
vray que ces sacrifices des Marseillois se  
faisoient à la ville de Diane, & Apollon : car  
dehors la ville , & en vn petit bois touffu, &  
obscur par la quantité des chesnes qu'il y  
auoit, selon la necessité des cas inopinés , on  
sacrifioit des personnes aux dieux incognus,  
& pour cet effect ils allumoient des flam-  
beaux. Ce que les Latins appellent *Lucus*,  
& vn petit bois dedié à quelque Dieu, heros,  
ou memoire de quelqu'un : en plusieurs  
lieux , principalement parmi les Germains,  
comme escrit Tacite, il n'y auoit point de  
temple des dieux , que des bois , & forests,  
qu'on appelloit du nom des dieux : en ces  
bois là estoient les simulachres des dieux,  
ausquels on sacrifioit. Là furent ouues les  
voix des dieux , ou demons , qui seduisoient  
les esprits des hommes , comme Claudian  
tesmoigne du bois de Cybelé , là on croyoit  
qu'habitoient les Manes, qu'on appelloit *La-  
res vitales*, & ames, comme nous a laissé Ser-  
uius, dont Virgile auroit dit,

*Nulli certa domus, lucis habitamus opacis.*

C'est à dire , Nous n'auons point de de-  
meure certaine : nous demeurerons  
dans les bois obscurs.

Et pource le chant des oiseaux n'estoit point  
la entendu , ni la voix des bestes sauvages:  
mais

mais seulement vn espouuantable bruit des demons : tel estoit le bois des Marseillois, consacré selon les ceremonies de leur religion, & d'en arracher les arbres, ou en couper les branches, ç'a esté de tout temps vn tres-grand crime, ce que Lucian descrit plus au long au liu. 3.

Il y auoit vn petit bocage sacré de tout temps, qui sous l'espeffeur des arbres cachoit vn air fort obscur, & des ombres froides, le Soleil en estant bien esloigné. Là n'abitent point les rustiques Pans, ny les Syluains, qui presidēt és bois, ny les Nymphes : mais bien y fait-on des sacrifices cruels aux dieux, & là sont erigés des autels, pour receuoir des horribles holocaustes. Il n'y a du tout point d'arbre qui ne soit expiée par le sang humain, & si on

*Lucus erat longo nunquam violatus ab aëro,*

*Obscurum cingens connexis aëra ramis:*

*Et gelidas altè submotis solibus umbras*

*Hunc non ruricola Pannes, nemorumque potentes*

*Syluani: nymphaque tenent, sed barbara ritu*

*Sacra deùm: struēt a diris altaribus ara,*

*Omnis & humanis lustrata cruoribus arbor*

*Si qua fidem meruit superos mirata vetustas*

*illis, & volucres metuunt*


*tuunt insistere ra-* doit s'en rapporter à  
*mis* l'ancienne supersti-  
*Et lustris recubre se-* tion enuers les dieux,  
*re, nec ventus in il-* on ne voit point les  
*las* oiseaux se percher en  
*Incubuit syluas: excus-* icelles Les bestes sau-  
*sâque nubibus atris* uages n'y font point  
*Fulgura non ullis fron-* leurs cauernes, & au-  
*dem præbentibus au-* cun vent n'y bat. Les  
*ris* foudres n'y font point  
*Arboribus suis horror* esclancez des noires  
*inest tum plurima ni-* nuës, les arbres y ont  
*gris* vne particuliere hor-  
*Frontibus vnda cadit:* reur, & crainte reli-  
*simulacraque mæsta* gieuse d'abandonner  
*deorum* leurs feuilles, & ra-  
*Arte carent: cæsisque ex-* meaux aux plus pe-  
*tant informia trun-* tits vents.  
*cis.* D'abondant on y  
*Ipse situs putrique fa-* voit les fontaines fe-  
*cit iam robore pal-* condes en noires, &  
*lor* sombres eaux: & les  
*Attonitos: non vulga-* tristes images des  
*tis sacrata figuris* dieux y paroissent sâs  
*Numina sic metuunt:* point d'art, n'estant  
*tantum terroribus ad-* rië plus que de rudes  
*dit* pieces de bois, &  
*Quos timeant non nosse* ceux qui les voient  
*deos. iam fama fe-* demeurent esbahis,  
*rebant* qu'ils soiët ainsi vsez.



& pourris. On reuere *Sape cauas motu terra*  
d'autât plus ces dieux *inugire cauernas:*  
dont la figure n'a rien *Et procumbentes ite-*  
de pareil avec celle *rum consurgere ta-*  
des autres, & c'est ce *xos:*  
qui augmente leur *Et non ardentis fulge-*  
crainte de ne cognoi- *re incendia Syluæ.*  
stre point les dieux *Roboraque amplexos cir-*  
qu'ils craignent: le *cunfluxisse draco-*  
bruit commun estoit *nes.*  
de long tēps, que les *Non illum cultu popu-*  
autres profonds mu- *li propiore frequen-*  
gissoiēt avec vn trem- *tant:*  
blement de terre, & *Sed cessere diis medio*  
que les Ifs abbatus *cum Phæbus in axe*  
par terre se redres- *est:*  
soient, & qu'il sēbloit *Aut cælum nox atrate-*  
que la forest bruslast, *net: pauet ipse sacer-*  
ores qu'il n'y eust *dos*  
point de feu, & que *Accessus: dominumque*  
des gros dragons es- *timet deprendere lu-*  
toient autour des ar- *ci.*  
bres, les peuples n'ap-  
prochent point de ce lieu: ains l'ont du tout  
abandonné, soit de iour, soit de nuict, aux  
dieux qui y resident. Le Prestre mesme n'en  
ose pas approcher, & craint d'y rencontrer,  
& recognoistre le Dieu souverain du lieu.

Non: approchons cependant de ces vers

110 LES ANTIQVITEZ DE LA  
de Lucain , que ce petit bois d'ou sourdoit  
vne fontaine abondante en eaux, estoit jadis  
où est maintenant vn iardin delà le port , &  
où est encore, comme ie crois la mesme fon-  
taine. Toutesfois ie voudrois bien croire,  
qu'il estoit plus aduancé au dessous de No-  
stre Dame de la Garde. Mais c'est assez dis-  
coursu des sacrifices anciens des Marseillois,  
& de leur fausse religion. Ils ont aussi adoré  
la deesse Cybelé Berecynthia, en vn bois  
rempli de pins , duquel nous parlerons cy-  
apres.



D'VN PRESENT QUE LES  
*Marseillois firent à Apollon de Delphes.*

## CHAP. XXVI.

**D**AUSANIAS au liu. 10. de la des-  
cription de Grece, escrit qu'il  
y auoit à Delphes vn simulachre  
d'airain que les Marseillois y  
auoient mis en ces mots : Apres que tu seras  
entré dans la ville tu y verras des Temples  
rangez par ordre. Il n'y a que des ruines du  
premier. Il n'y a point de simulachres & sta-  
tues au second : au troisieme on voit des  
images de quelques Empereurs Romains : le  
quatrief

quatriesme s'appelle le temple de Minerue: Et pourtant les Marfaillois ont dedié le simulachre qui est à l'entree du temple. Celuy qui est dans le temple est plus grand: les Marseillois sont vne Colonie des Phocenses, partie de ceux qui estoient en Ionie, qui fuyans la cruauté d'Harpagus le Medois, abandonnerent la Phocide. Or ayans vaincu les Carthaginois en bataille nauale, ils occuperent le pays où ils sont maintenant, & depuis leurs affaires ont esté esleuees en vn grand bon-heur. Doncques le simulachre d'airain y a esté dedié par les Marseillois. Pausanias entend parler du present que les Ambassadeurs Marseillois enuoyerent à Delphes, lesquels à leur retour furent aduertis que les Gaulois Senonois auoient pris Rome, & qu'ils y auoient tout mis à feu & à sang: dont les Marseillois porterent dueil publique, & enuoierent aux Romains, comme il a esté dit ci-deuant, tout l'or qu'ils peurent recouurer, tant en public qu'en particulier, pour la rançon des Senateurs Romains. Le temple d'Apollō en Delphes, estoit au mont de Parnasse sur vn roc taillé, où la grande frequentation des hommes auoit fait vne Cité. On y voioit des riches dons des Rois, & des peuples, qui témoignēt en leur magnificence cōbiē grāde auoit esté l'affectiō de ceux qui les auoiet dediez, cōme écrit Iustin au liu. 24.





DE L' A C A D E M I E  
des Marseillois.

C H A P. XXVII.

**L**ORS que la Republique Romaine fut esleuee au dernier point de sa grandeur, & que la Gaule estoit florissante en l'estude des bonnes lettres. Les Romains la prefererent à la Grece. Doncques tous ceux qui souloient anciennement aller en Athenes, alloient à l'enui l'un de l'autre à Marseille, s'instruire aux sciences & disciplines, parce qu'ils voyoient que c'estoit là l'un des premiers seminaires & pepinieres des bonnes lettres: dont Ciceron louë fort les mœurs & statuts de ceste ville-là, en l'oraison pour Lucius Flaccus: ce que nous ne voulons pas oublier icy, bien qu'il soit inferé cy-dessus. Je ne passeray point sous silence, Marseille, dit-il, qui as cognu Lucius Flaccus, soldat & thresorier, la discipline, & gravité, de laquelle ville je ne sçay si ie dois à bon droit preferer, non seulement à la Grece: mais à toutes les nations, laquelle estant si esloignée de la Grece, & n'ayant rien de commun avec la

disci

discipline, & langage des Grecs, comme estant en la contree de la terre, la plus esloignee au milieu des nations Gauloises au bord de la Barbarie, se maintient si bien en son estat Aristocratique, qu'il est plus facile de louer ses loix que de l'imiter. Cornelius Tacitus aussi tesmoigne, & nous l'avons encores rapporté cy-deuant que Marseille a esté en grande reputation pour le college qui y estoit, lors qu'il dit qu'Agricola ne se laissoit point emporter aux desbauches, parce qu'il s'estoit nourri à Marseille, maistrresse des estudes, lieu composé de la civilité Grecque, & de l'espargne Provençale. Sainct Hierosme sur l'epistre de saint Paul aux Galates, escrit qu'on parloit en trois langues à Marseille, & partant il les appelle gens, qui ont trois langues, parce qu'on y parloit fort bien Grec, Latin, & Gaulois, pour la cognoissance desquelles langues les Romains allerent à Marseille. Ce n'est donc pas sans raison que Cesar appelle les Marseillois hommes doctes. A ce propos se peut rapporter ce que nous avons escrit cy-dessus de leurs mœurs, & coustumes, & encore ce que nous dirons au chapitre suivant.



DE L'ANCIEN LANGAGE DES  
*Marseillois, & autres Prouençaux, & lesquels  
 ont premierement parlé Grec, les Marseillois,  
 ou les autres nations des Gaules, & à quels Gau-  
 lois les Marseillois enseignerent la langue Grec-  
 que, & la Philosophie.*

### CHAP. XXVIII.

**L**E ne suis pas bien assuré quel a  
 esté le langage des Prouençaux,  
 auant la venue des Phocenses,  
 bien qu'il soit vray semblable  
 qu'ils parloient comme les autres Celtes, ou  
 Gaulois: mais si c'estoit Grec, ou autrement,  
 on n'en est pas bien d'accord, comme nous  
 dirons peu apres. Bien est vray qu'apres la  
 fondation de Marseille, les Phocenses, tan-  
 dis que leur Republique se maintint en son  
 lustre, conseruerent leur langage Grec, qu'ils  
 communiquerent à leurs voisins: voire mes-  
 mes les Romains anoiennement venoient à  
 Marseille pour y estudier. Il est vray sembla-  
 ble que les voisins Gaulois y venoient aussi  
 pour cest effect, & principalement, puis que  
 ceste ville estoit situee en la Gaule, ce que  
 nous tesmoignent Strabon, & Cesar: car  
 celui-



celui-là au liure 4. escrit ainsi des estudes des Gaulois : Marseillè rendit les Gaulois amateurs de la langue Grecque, mesmes qu'ils en vsoient en leurs contracts, & instrumens, & Cesar au liu. 6. des guerres de la Gaule, net qu'en leurs affaires publiques ils vsoient du langage, & caracteres Grecs. *Ægidius Scudus* tres-docte Aleman au liu. de *prisca, ac vera, Alpina, Rhetica*, chapitre 26. escrit ainsi sur ce poinct. Au premier temps en l'Europe on escriuoit seulement en deux langues, l'une Grecque, l'autre Latine, qu'on appelle aussi Romaine, & pourtant ces deux nations ont appellé tous les autres peuples, c'est à scauoir les Gaulois, & Germains illiteres, & barbares, parce qu'ils n'auoient point la science d'escrire. Mais apres que les Phocéens eurent dépaycé en la Gaule, & qu'ils y eurent fondé Marseille, Antibes & quelques autres villes, Ils dresserent avec le temps des escholes, & enseignerent aux enfans leur langage, si qu'au dernier temps les Romains y enuoyerent leurs enfans pour apprendre la langue Grecque: car Strabon nous l'a ainsi laissé par escrit au liu. 4. & peu apres : & les Grecs, dit-il, s'estans desia habitez en la Gaule, & y estant presque par tout espars on comença d'escrire quelques mots Gaulois en caracteres Grecs : dont Cesar au liu. premier des guerres de la Gaule, tesmoigne qu'on

trouua des roolles au camp des Suiffes en lettres Grecques,contenans le nom, & nombre de ceux qui estoient sortis de leur pays en âge de porter armes. Le mesme, peu apres les Gaulois, dit-il, auant qu'ils eussent esté subiugués par les Romains, vsoient de caracteres Grecs, qu'ils auoient sans doute appris des estrangers qui habitoient à Marseille. C'est ce qu'en a escrit Scudus : mais l'autorité de Xenophon,& d'Archilochus Auteurs anciens, semble renuerfer ce qui a esté dit cy-dessus du langage, & caracteres Grecs. Q. Cadmus, ce dit Xenophon en ses equiuoques, vn peu auant la destruction de Troye, reuenant de la Phœnicie, porta le premier en Grece seize lettres rudes à la verité, & non Phœniciennes : mais semblables à celles des Galathes,& Mœoniens : & quelque temps apres, Palamedes,& Simonides le Medecin, porterent les autres. Puis que doncques la Phocide,d'où les Marseillois sont venus, est en la Grece d'Asie, c'est vne consequence necessaire qui se tire de ces mots semblables à celles des Galathes, que les Phocenses,& autres peuples d'Asie, ont plustost appris les lettres, & langage grec des Gaulois, que les gaulois des Phocenses. Car les Galathes estoient gaulois, ou descendus d'iceux. Or Archilochus escrit ceci d'Homere 8. ce dernier Homere est de nostre temps, le quel

lequel en l'Olympiade 23. & 500. ans apres la destruction de Troye, Meonien de pays, qui auoit esté vainqueur aux ieux Olympiques, fut déclaré par vn commun consentement de toute la grece, le plus excellent d'entre les Poëtes, & fut à luy seul permis de corriger les caracteres, & noms grecs, que Cadmus Samothrace, à ce qu'on dit, y auoit apporté à demy barbares, & fort rudes, vn peu auant la ruine de Troye. Estant de retour du combat qu'il auoit eu avec sa premiere femme, pour s'estre remarié avec Armonicé. Donques depuis Homere la figure des caracteres est plus belle: car les premiers resentoient leur ancienne barbarie, & n'auoient rien du Phœnicien, comme nous voyons maintenant. car ils sont semblables à ceux des galathes, & Mœoniens. Le mesme Homere reforma les caracteres, & donna le premier des preceptes de la grammaire, au lieu qu'aparauant vn chacun parloit, & escriuoit en langage vulgaire. Iusques icy Xenophon, d'où il se tire argument, que les grecs ont emprunté leurs caracteres, & langage des gaulois, donques on ne peut nullement respondre aux authoritez de Xenophon, & d'Archilocus: & ne faut point s'en rapporter à Pline, lequel au liure 6. chap. 56. escrit, que les grecs eurent tous les premiers l'vsage de lettres grecques, que Cadmus



118 LES ANTIQVITEZ DE LA  
auoit apportees de Phœnicie. Derechef il se  
presente encor ici vne doute, lequel des deux  
lieux de Cesar nous deuons receuoir: car en  
ses commentaires, il semble auoir escrit cho-  
ses qui s'entrecoupent au liu. 5. des guerres  
de la Gaule. Il dit, qu'il enuoya vne lettre à  
Ciceron escrite en Grec, afin que si d'auan-  
ture les ennemis Gaulois la surprénissent, son  
dessein, ne fust descouuert: au liure premier  
on trouua des roolles au camp des Suisses en  
lettres Grecques: & au liu. 6. que les Druides  
n'estimēt pas estre licite de mettre par escrit  
les secrets de leur discipline, encore que  
presque en leurs autres, & publiques, & pri-  
uees affaires, ils vsent des lettres Grecques.  
Ces lieux dis-ie, semblent se contrarier: que  
les Gaulois en toutes leurs affaires ayent vsé  
des lettres Grecques, & que les registres des  
Suisses estoient d'escriture grecque, & neāt-  
moins que les gaulois ne pouuoient descou-  
urir les desseins des Romains, ores que la let-  
tre qu'il enuoyoit à Ciceron, & qui estoit  
escrite en grec, tombast entre leurs mains.  
Henry clarean, l'honneur de son pays, & à  
qui les lettres doiuent beaucoup sans s'arre-  
ster à ce que les autres apportent pour ac-  
corder ces lieux-là, dit ce qu'il luy en sem-  
ble: sçauoir que du temps de Cesar la langue  
grecque n'estoit point en vsage parmi les  
gaulois: mais bien qu'ils escriuoient en cara-  
cteres

terres grecs leur langue gauloise, comme en la plus grand partie de l'Europe on escrit en caracteres Latins la langue du pays, & que c'est ainsi qu'il faut entendre les deux premiers lieux de Cesar : & lors que Cesar dit qu'il enuoya vne lettre à Ciceron qui estoit escrite en grec, il veut qu'elle aist esté escrite en langage grec. Et quant à ce qu'on veut opposer des Marseillois, que cela n'estoit point à propos, & qu'il n'en peut estre tiree aucune preuve; car : dit-il, apres que la gaule fut subiuguee, & qu'elle fut ioincte à l'Empire Romain, ce fut lors que les Gaulois vindrent à Marseille s'instruire en la Philosophie, ainsi qu'est rapporté dans Strabon, au liure 4. Or au temps de Cesar les Marseillois estoient incognus aux Gaulois, & principalement aux Belges, parmi lesquels les lettres Grecques n'estoient pas cogneuës : comme aussi parmy les Celtes, & voisins des Marseillois, laquelle conciliatiõ ne me semble point du tout certaine, si on considere de bien pres ce qui a esté rapporté cy dessus de Strabon, & que clarean mesme estime faire pour luy: car si les Gaulois ont appris la langue grecque des Marseillois, & qu'au temps de Cesar & Strabon, qui peut auoir veu Cesar, leurs contracts estoient escrits en langage Grec, il s'ensuiura necessairement, qu'auant que la gaule eust esté subiuguee par les Romains,

elle auoit appris des Phocenses le langage, & charactes Grecs : car il est impossible qu'en mesme temps que la Gaule fut reduite sous l'Empire Romain, le vulgaire vſa du langage Grec:& quand à ce que Glarean a voulu dire que le mot de lettres, dans Cesar se deuoit prendre pour langage, cela ne se trouue point appuyé d'aucune raison, ne autorité. Et Ioannes Rhellicanus sur le premier liur. de Cesar des guerres de la gaule, prouue assez par les susdits lieux de Cesar, & Strabon, que l'opinion de Glarean ne se peut soustenir, & estime que les Notaires seulement, & les Gentilshommes s'addonnoient au grec, & non pas le vulgaire : & dit que Cesar semble l'auoir touché, lors qu'il vſe du mot, presque, en ce lieu, qui est rapporté cy-dessus du liure 6. Car puis que Cesar dit que presque en toutes leurs affaires priuees & publiques, ils vſoient des lettres grecques, il entend en exclurre quelques vns, & que cela se prouue clairement par la lettre de Cesar escrite en grec : car si le vulgaire eust entendu le grec, en vain Cesar se seroit aduisé d'escire à Ciceron en grec. Donques Rhellicanus dit, que les roolles des Suiffes estoient escrits en caracteres, & langage grec, comme puis n'agueres on escriuoit les contracts en Latin, ce que mesmes estoit pratiqué en France

auant



auant l'ordonnance de François I. & comme aujourd'huy les gentils-hommes apprennent la langue Latine, qu'aussi les anciens Suiffes & autres gaulois apprenoient la langue grecque.



LA CONCILIATION DES  
lieux tirez de Strabon, & Cesar, touchant le  
langage des anciens Marseillois,  
& autres Gaulois.

CHAP. XXIX.

**D**ONQVES puis que Rhellicanus ne resout pas bien la doute que nous auons proposee cy-dessus, nous auons estimé estre à propos d'en dire ici nostre aduis, afin qu'à l'aduenir ceste objection ne nous arreste plus, soit que nous lisions les Cosmographes ou les Historiens: & encore afin que nous scachions plus particulièrement à quels peuples, & en quel temps les Marseillois ont enseigné les caracteres & langage grec. Or il est certain que les Philosophes gaulois auoient la cognoissance des lettres grecques plus de huiet cens ans, auant que Cadmus portast les caracte-


122 LES ANTIQVITEZ DE LA  
tes en grece : car il y eut de fort excellens  
Philosophes, appelez les vns Samotheens,  
les autres Sarronides, Druides, & Bardes,  
tous lesquels n'ignorent point l'art Oratoire,  
& auoient vne exacte cognoissance de tou-  
tes les sciences, selon qu'en ont escrit quel-  
ques Autheurs anciens, dignes d'autorité.  
D'ailleurs, il ne faut point s'en rapporter à  
quelques Escriptuains grecs & autres leurs  
adherans, qui les flattent sur ce subiect plus  
qu'ils ne deuroient pas : mais plustost au  
grand nombre de ceux qui nous ont laissé  
par escrit, que les galates sont descendus du  
ieune galathas, duquel a esté parlé cy dessus,  
& que c'est d'eux que les grecs ont appris la  
science des lettres grecques : car quant à ce  
que Xenophon met que Cadmus apporta  
tout le premier les lettres en grece, bien  
qu'on le puisse nier absolument, comme a  
fait Iosephe : toutesfois nous aimons mieux  
dire, que Cadmus les auoit prises des gala-  
thes & Meoniens, qui auoient esté en partie  
instruits par les Celtes, qui sont en Asie  
Mineur, & estoient en partie descendus d'i-  
ceux, comme il se peut tirer des paroles de  
Xenophon. Or avant le temps les peuples  
estrangers ont porté tant de guerres aux  
gaulois qu'en plusieurs lieux le langage grec  
en est semeuré corrompu : si que au rapport  
de Cesar, les Celtes, qu'on appelloit propre-  
ment

ment gaulois , entre lesquels<sup>8</sup> estoient les Druides,& auant iceux les Sarronides,& Samotheens , ont presque seuls conserué le langage grec iusques à Cesar , parce qu'ils s'estoient aussi plus rudement opposez à la force des estrangers : dont est arriué qu'en la gaule au temps de Cesar , il y auoit diuersité de langage:voire mesme les Celtes n'ont pas conserué le leur pur & net : car ceste nostre gaule Narbonnoise , qui est comprise sous le nom des Celtes , a retenu son ancien langage. Mais apres l'arriuee des Phocenses,elle le changea pour celui des Marseillois , desquels elle apprit aussi la Philosophie , & autres sciences & disciplines,comme aussi pour ce mesme subject on y enuoyoit la ieunesse Romaine , ainsi qu'il a esté dit plusieurs fois cy-dessus. Et c'est ainsi qu'il faut entendre le lieu de Strabon , c'est à dire que Marseille rendit les gaulois curieux de la Philosophie & langue grecque , qui estoient les voisins gaulois , lesquels elle civilisa de barbares, qu'ils estoient,par le moien de la Philosophie. Et pour les autres Celtes , qui estoient voisins des Druides , ils n'ignoroient point la Philosophie , ni la langue grecque : comme il a esté dit cy-dessus Quant à ce que Clarean a voulu dire , que les Celtes gaulois auoient quelque langage particulier autre que le grec,& qu'il est vrai-semblable qu'ils vsoient de



de mesme langage, que les peuples de deçà le Rhin, Suiffes, Rauraques, Sequanois, Elſatiques, Tribochiens, Vangions, & presque toute la gaule Belgique: toutesfois il vaut mieux dire que ces peuples-là auoient leur langue particuliere. Rhellicanus estime qu'il y ait encore quelques vestiges de ceste langue particuliere parmi les gaulois Bretons maritimes. Or les gaulois de ceste contree, c'est à dire les Belges, à trauers desquels passa celui qui portoit la despeche que fit Cesar à Ciceron, qui estoit escrite en grec, ignoroient la langue grecque: ie dis de ceste contree: car il est certain que ce dire de Cesar ne se peut entendre generalement de tous les gaulois. Mais quant aux Suiffes, au camp desquels furent trouuez ces roolles ou registres escripts en grec, nul ne doute qu'ils ne soient vne partie des Celtes: Ils n'ignorent point les lettres grecques, soit que les Druides, & autres tels Philosophes des Celtes, eussent fait profession de la Philosophie au pays des Suiffes, voire eussent enseigné la ieunesse en leurs villes: soit que la cognoissance des lettres grecques fust paruenue iusques à eux, par le moien des autres Celtes. Mais que la esté le langage de ceux qui ne scauoient pas le grec, il n'est pas bien asseuré: d'autant que Cesar mesme apres auoir appellé les vns Belges, les autres Celtes, &

les autres Aquitaniens, dit en suite, que leur langage estoit tout different, ores qu'en plusieurs lieux il y ait encore des vestiges de plusieurs anciens mots. Autrement doncques parloient les Aquitaniens, autrement les Belges, & autrement les Celtes, chacun en particulier son langage. Donques par toutes ces raisons, de la plus grande partie desquelles s'estoit avant moy serui Jean Picard, homme à la verité fort versé en l'histoire, en la defence de la Majesté Françoisse, ferrouuera confirmée l'opinion de ceux qui ont escrit, que les grecs auoient receu des gaulois la langue grecque, & au contraire que les gaulois l'auoient premierement apprise des Phocenses grecs, ou Marseillois, ausquels ils doiuent aussi la cognoissance de la Philosophie, & encore que les gaulois ont sceu les lettres grecques, & par contraire qu'ils les ont ignorees : mais la plus asseurée opinion est, que les gaulois on sceu auparavant les grecs la Philosophie, le langage & caracteres grecs. Mais c'est assez discouru sur ce subject.



COMMENT, ET EN QUEL  
*temps la langue Grecque s'est abastardie entre  
 les Marseillois, & leurs voisins.*

### CHAP. XXX.



MAIS apres que la Gaule fut reduite sous l'Empire Romain, & apres le siege de Marseille dont nous parlerons tout maintenant.

Les Preteurs Romains qui estoient enuoyez aux Prouinces ne rendoient point la iustice qu'en leur langue, & mesmes les soldats Romains ne parloient pas volontiers avec le peuple qu'en leur lāgue, de sorte qu'on mella le lāgage Grec avec le Romain, & le Romain avec le Grec, Les Romains aussi les forcerent d'vser de leur langage, & caracteres, pour les rendre plus affectionnez, & plus obeyssans, & à ces fins y enuoyerent des Rhetoriciens pour enseigner. Quelques vns ont voulu dire, que Pacatus, duquel nous parlerons cy apres, y fut enuoyé, & ainsi nostre langue Prouençale est paruenue iusques à nous, mellee, & corrompue. Les Gots, & Vandales, qui ont eillé depuis appelez Bourguignons, estans emparez de Marseille, donnerent le  
 dernier



dernier coup pour l'entiere corruption du  
 langage, bien qu'il y ait aujourdhuy plus  
 des vestiges de la langue Grecque, que de la  
 Romaine: car on y entend presque le mesme  
 son, mesmes accents, & prononciations, &  
 aux noms presque les mesmes declinaisons,  
 ainsi que peuvent aisément iuger ceux qui  
 ont la cōnoissance de nostre langue, qui n'en  
 est pas pourtant demeuree corrompue: car  
 Sidonius Apollinaris louë Syagrius, l'appel-  
 lant le Solon des Bourguignōs, & le nouveau  
 Amphion en ce qu'il met d'accord, & ioue  
 de la harpe à trois cordes, parce qu'il auoit la  
 connoissance de trois langues, de la Latine,  
 Alemande, & Prouēçale Celtique. Derechef  
 aux temps des Cōtes de Prouence, bien que  
 les Gots, & Visigots eussent corrompu la lan-  
 gue grecque, & Latine: toutesfois la Prouen-  
 çale fut en tel prix, & reputatiō, que non seu-  
 lement les peuples voisins: mais aussi les plus  
 esloignez, desquels nous parlerōs en son lieu,  
 l'apprenoient avec beaucoup plus de desir, &  
 d'affection, toutesfois depuis que la Prouen-  
 ce a esté vnie au Royaume de France, on a  
 commencé d'y parler à demi Frāçois, & sans  
 doute qu'en peu de temps on n'y parlera que  
 François, au lieu que sous le Comte René, il  
 n'estoit cogneu qu'entre quelques courusās.  
 Toutesfois le langage des Marseillois est au-  
 cunement different du Prouençal, car il est  
 melle

128 LES ANTIQVITEZ DE LA  
mellé du geneuois, & du Numidique ou bar-  
bare, & il y a peu de gens qui parlent Pro-  
uençal, si ce ne sont ceux, qui ne se meslent  
point de la marine, & les femmes aagees. Ce  
mellange là vient des grandes, & frequentes  
nauigations qu'ils font, & encore du cōmer-  
ce, qu'ils ont avec les Italiens, Turcs, & Nu-  
midiens, ou Barbares. Les patrons de nauire  
n'y parlent que geneuois, & en ceste mesme  
langue, ils commandent aux soldats, & aux  
prisonniers qu'ils appellent forçats. La ieu-  
nesse valeureuse ne sçait pas moins ces lan-  
gues estrangeres que la Marseilloise.



DV DECROISSEMENT DES MAR-  
seillois, & pourquoy Cesar les assiegea, contre  
ce qu'en ont escrit Paterculus.  
& Florus.

## CHAP. XXXI.



A I s autant qu'ordinairement les  
choses grandes, ne demeurent pas  
tousiours au dernier point de leur  
grâdeur où elles estoient paruenues,  
& que d'ailleurs la vertu heureuse ne cede  
pas peu souuent à vn changement mal-heu-  
reux. Marseille fort repute pour sa fidelité,  
qui

qui n'auoit iamais esté sous l'obeyssance du  
 peuple Romain : mais qui auoit tousiours  
 bien conserué son affection, ne fit pas vne pe-  
 tite perte de sa puissance, lors qu'elle fut as-  
 siegee par Iules Cesar: car ce fut lors que pre-  
 mierement sa fortune se brisa, & comme l'on  
 dit, fit naufrage, ainsi que si Neptune leur en  
 eust voulu, ce fut toutesfois avec tant de tes-  
 moignage de leur vertu, & de regret des Ro-  
 mains qu'ils les esmeurent mesmes à se con-  
 doloir ouuertement de leur malheur: ores  
 que chacun en son particulier n'eust que  
 trop de subject d'estre triste, & desplaisant:  
 mais cene fut pas assez de se voir descheus  
 de leur puissance: car vn tas de flatteurs, ap-  
 pella comme en iugement la vertu, ausquels  
 la seule image d'icelle ne fut iamais cognüe,  
 & faisans iugement sur l'euenement, disoient  
 assez mal à propos que ce n'estoit point à eux  
 d'entreprendre contre Cesar, & luy resister,  
 puis que les Romains mesmes, sur l'affection  
 desquels ils estoient appuyez auoient desia  
 cédé, & fait ioug à Cesar. C. Velleius Pater-  
 culus, l'vn de ceux qui ont impudemment  
 deschiré l'honneur, & la reputation de Mar-  
 seille, Historien seulement en ce qu'il est elo-  
 quent à blâmer la fortune des Marseillois,  
 si on la doit appeller fortune, avec des parol-  
 les trop aigres, & piquantes: Marseille, dit-il,  
 plus fidelle que bien aduisee, arresta autres-



fois le passage de Cesar , & se voulut mal à propos,& hors de raison, constituer, comme arbitre du different des principaux personnages de Rome : mais de s'interposer ainsi, c'est à faire à ceux qui ont le pouuoir de contraindre celuy qui ne voudroit se tenir à leur arbitrage, c'est en peu de mots qu'il les a faussement attaquez par vne trop basse flatterie: car il appert par le seul tesmoignage de Cesar mesme, que les Marseillois ne firent rien mal à propos, en ce qu'ils fermerent les portes à Cesar : car ils ne firent rien que suivre le iugement du Senat, & du peuple Romain : & repousserent vn homme qui brusloit d'enuie de regner, qui fouloit aux pieds les droicts de sa patrie, & se promettoit de reduire en seruitude tout le monde : c'estoit de leur deuoir, & leur aucienne fidelité, gravité, & honnesteté de mœurs les portoit à cela : voire mesmes ils ne se meslerent du tout point de ce different: car par le dire mesme des deputez, ils ne voulurent receuoir, ne l'vn, ne l'autre. Donques par leur propre bouche, il appert qu'ils n'ay restèrent point le passage de Cesar en Espagne, si on ne veut appeller ainsi, repousser de ses murailles vn homme tres-insolent en sa victoire : car les Marseillois ne voulurent point receuoir vn ennemi du peuple Romain, qui auoit son armee à demi-composée de gens barbares, que  
s'ils

s'ils n'ont iamais receu vn Magistrat legitime contre leur volonté, que deuoient-ils donc faire d'un ennemi des Romains? & ce n'estoit point s'ingerer du different des principaux, que ne s'offrir point à la merci de celui, duquel le Senat eust volontiers abandonné Rome, & ce qu'il auoit de plus cher, tant estoit-il redouté, & hay. Je crois par toutes ces raisons que nous auons assez suffisamment respondu à Florus Auteur fort peu estimé de son temps, lequel à tort, dit à peu pres des Marseillois ce qui s'ensuit. Rien ne remuoit en la gaule: car il l'auoit rendue paisible, mais s'en allant trouuer l'armee de Pompee en Espagne, la ville de Marseille osa bien luy fermer les portes, pauvreté, lors qu'elle desire la paix elle se vit porter la guerre: mais parce qu'elle estoit ceinte de fortes murailles, il laissa la charge de l'assieger pendant son absence. Petite Cité grecque à demi, autresfois venue des grecs, qui ne se montrant pas si pusillanime qu'on la faisoit, osa bien demolir les rempars, & platesformes, dont on l'affailloit, & mettre le feu aux machines: voire venir au combat naual, mais Brutus à qui Cesar auoit cōmis ce siege les vainquit, & dōpta du tout, tāt par la terre, que par la mer. & s'estās rédus biē tost apres, tout leur fut osté, fors la liberté qu'ils auoiēt fort chere. C'est ce que nous a laissé par écrit Florus.

*POVR QVOY LES MARSEILLOIS  
fermerent les portes à Cesar, & de la responce  
que firent les deputez de Marseille.*

C H A P. XXXII.

**P**Vis que donques nous discourons maintenant du Siege de Marseille. Il n'est point hors de propos de toucher ici en passant les batailles, tant par mer que par terre, avec ceux du parti de Cesar, afin que par là on iuge qu'elle a esté la fidelité des Marseillois, & l'amitié enuers leurs alliciez, & afin que les iniques accusations de Velleius Paterculus, & Iustin, parasites, soient descouuertes. Nousauons pourtant voulu faire sçauoir aux Lecteurs, que ce que nous dirons de tout ce qui se passa entre Cesar, & les Marseillois, est presque tout extraict de ce que luy-mesme en a escrit en son histoire, & ce par les raisons que nous deduirons au chap. 36. Lors que donques la guerre estoit allumee, non seulement à Rome : mais presque par tout le monde, & ce par la rage de Marius, & de Cinna, par la furie de Pompee, & que Cesar apres auoir rapporté plusieurs victoires, entra dans Rome, qu'un chacun auoit presque abandonnee de frayeur, & qu'il ce fut fait Consul, qu'il eust ouuert le thresor, eust raui le reuenu, & patrimoine du peuple Romain.



Il chassa hors de la ville Pompee , & se delibera d'aller attaquer son armee qu'il auoit en Espagne , puis qu'il n'y auoit rien qui remuast és Gaules qu'il auoit renduës paisibles. Mais arriué qu'il fut en la Gaule qui est à raison des Romains de deçà les monts , on luy donna aduis comme Pompee auoit enuoyé Vibullus Rufus en Espagne, & que Domitius pareillement s'estoit mis sur la mer pour s'aller emparer de Marseille avec sept galleres, & que Pompee auoit enuoyé deuant, comme en Ambassade certains ieunes hommes Marseillois , lesquels au partir de Rome il auoit exhortez que les plaisirs qu'ils pouuoient auoir receus de Cesar n'eussent à bannir de leur souuenance ses anciens bien-faiçts en leur endroit : lesquelles choses entendues les Marseillois fermerent les portës à Cesar, & firent venir par deuers eux les Albiques que Cesar appelle hommes agrestes , & ruraux , parce qu'ils habitoient és montagnes qui auoient de tout temps, & ancienneté esté sous leur protection, & habitoient és montagnes d'au dessus Marseille, firent quant & quant aussi apporter force bleds en leur ville du plat pays circonuoisin, & des villes closes, dresser force ateliers pour forger des armes, r'habiller diligemment leurs vaisseaux , & remparer les murailles avec les portes. Cesar fait venir deuers luy iusqu'à quinze des prin-

cipaux, & leur remonstre qu'ils ne doiuent  
 point donner commencement à l'hostilité,  
 ains qu'ils deuoient plustost fuiure l'accord,  
 que toute l'Italie auoit generalement receu,  
 que d'obeyr au vouloir d'un homme seul, &  
 leur remet deuāt les yeux toutes autres cho-  
 ses qu'il estimoit estre à propos pour les ra-  
 mener à vne plus saine resolution. Les depu-  
 tez rapportent à leurs citoyens ce qu'ils  
 auoient ouy de luy, & du commun aduis de  
 la ville, luy font response qu'ils estoient ad-  
 uertis que le peuple Romain estoit diuisé en  
 deux partialitez, & factions: mais qu'il ne leur  
 appartenoit pas de iuger, aussi n'estoit-il pas  
 en leur pouuoir de le discerner, lesquels des  
 deux auoient la meilleure cause. Que les  
 Chefs de ces deux partis estoient Cn. Pom-  
 pée, & C. Cesar protecteurs, & bien-faicteurs  
 de leur ville: dont l'un leur auroit octroyé les  
 terres des Volques, Arecomique, & Heluiës,  
 (desquels nous parlerons tantost) pour les  
 appliquer à leur Republique, & l'autre ayant  
 vaincu les Gaules, les leur auoit attribuees, &  
 fort accru le reuenue. Au moyen dequoy ils  
 estoient tenus de leur porter tout vn mesme  
 & pareil vouloir, puis que leurs benefices  
 estoient esgaux, & n'aider pas à l'un contre  
 l'autre, ny le receuoir en leur ville, ou dedans  
 leurs ports: trop bien qu'ils le receuroient  
 dans leur ville s'il vouloit entrer sans armes,

& laisser bien loin ses estendars & l'aigle : le prient qu'ils ne soient point meslez en ceste guerre ciuile, afin que par ce moyen ils conseruent leur probité, & la foy qu'ils ont tousjours gardeee enuers les Romains, & encore afin qu'ils puissent receuoir seurement celui des deux, auquel la fortune n'aura point esté fauorable en ceste guerre: que si au contraire Cesar estoit porté là que d'assieger la ville, qu'ils souffriroient les necessitez plus extremes pour la conseruation de leur foy, & manutention de leur liberté, ne plus ne moins que firent les Sagontins en la guerre Punique, lors qu'ils furent assiegez par Annibal, se iettans à l'extremité, eux, & tout ce qu'ils auoient dans le feu. Ceste responce des deputez des Marseillois que Dion Cassius au l. 41. appelle digne de memoire, monstre que ce que Velleius Parerculus en a escrit, n'est qu'une pure fausseté, & impudence, & que Florus n'est qu'un arrogāt qui a osé appeller Marseille petite cité Grecque à demi, comme il a esté dit au prochain precedent ch. Voions maintenant le siege, & l'assaut de Cesar.

---

*DE L'APPAREIL DES MAR-  
seillois pour la defense de leur ville contre Ce-  
sar, & de la perte de leur flotte.*



Pendant que cela se passe entr'eux, Domitius avec ses vaisseaux arriue à Marseille: où il est le fort bien venu: le cōstituent leur Chef, luy mettent en main la charge, & gouuernement de la ville, avec toute autorité, & pouuoir de conduire, & administrer ceste guerre par son ordōnance. Ils enuoyent leur armee de mer de costé, & d'autre, & se faisoient de tous les nauires de charge, qu'ils peuuent rencontrer par tout, & les ameinent dans le port, s'aidans de leurs cloux & ferralleries, de leurs materiaux, & attirails, pour en equipper, & refaire d'autres. Tout ce qu'il se trouue de bled en la ville, ils le conferent en public, & le surplus des marchandises, & victuailles, le reseruent pour le siege, si de fortune il arriuoit. Desquels outrages irrité Cesar, fait venir trois legions à Marseille, & se met à dresser des Tours, clayes, mantelets, gabions, pour l'assaillir, fait bastir outre plus à Arles douze galleres. Lucain au liure troisieme de sa Pharsalie, ne met point les outrages, & iniures qui concernent ce fait icy, parce que les Marseillois cependāt suiuiuent le parti de Pompee, au lieu qu'ils se deuoient monstrier indifferents, comme leurs deputez l'auoient protesté. Au contraire apres la iuste remonstrance des Marseillois, il met le tort,

& l'iniure que leur faisoit Cesar presque en ces mots,

--*Sic Craia iuuentus*

Ainsi la jeunesse

*Finierat, cum turbato iam  
prodita vultu*

Gregeoise auoit mis  
fin à s<sup>on</sup> discours, lors

*Ira ducis, tandem testata  
est voce dolorem:*

que la cholere qu'on  
lisoit sur le visage

*Quamuis hesperiū mun-  
di properemus ad  
axem,*

troublé de Cesar, fit  
éclorre sa douleur.

*Massiliam delere va-  
cat.*

Ores, dit-il, que no-  
stre dessein nous por-  
te en Espagne, si est-

ce qu'il faut destruire Marseille.

Cesar donc ayant le visage fort troublé, se retourna vers les siens, & leur dit, que les Grecs trompés de la vaine opinion qu'ils auoiēt de son voyage en Espagne, en seroient chastiez par la destruction de leur ville: que les dieux la luy donnoient en proye: exhorte les siens à redoubler leurs forces: que c'estoit à faire à vn homme de bas courage, & imprudent, d'entrer dedans la ville sans armes, sous la foy des Grecs: qu'on lui ouuroit les portes, non pas tant pour lui donner entree, que pour l'enfermer dedans: que les Marseillois ne se vouloient point polluer par vne guerre ciuile, mais qu'ils desiroient bien de l'enfermer dedans leur ville, & apres le deliurer entre les mains de son ennemi, & adressant son discours aux deputez de Grecs,

leur dit, qu'ils acheteroient cher la paix, puis que luy-mesme recherchoit la guerre : qu'ils apprendroient en eux-mesmes, que durant la guerre ceux là seroient seulement assurez, qui auroient fait la guerre avec luy, & non pas ceux qui ayans demandé la paix, ne s'estoient point rangez ne d'un costé ni d'autre. Cesar mesprisant le discours des Marseillois, commande tout aussi tost, que l'on fist des galeres du bois d'une forest qui estoit proche de la ville, & à laquelle on n'auoit iamais touché. Elle estoit vers le midi du costé de la ville. On y sacrifioit des personnes, pour appaiser les dieux incognus. Elle estoit fort espaisse à cause de la hauteur des Ifs & chesnes, & estoit couuerte d'un ombre si effroyable, que les Cefariens esmeus de la majesté du lieu, & craignans que les haches ne vinsent à rebondir contr'eux, n'eussent osé y toucher sans l'expres commandement du Chef. Nous auons parlé cy-dessus de ceste forest, quand nous discourions des sacrifices des Marseillois : donques les galeres ayans esté acheuees de faire, & armées le trentième iour apres que l'on commença à couper les bois, & les aiant conduites pres de Marseille, en donne la charge à Decius Brutus, laissant C. Trebonius pour son lieutenant en ce siege. Or pendant que la guerre qui se faisoit en Espagne fut fort douteuse, & diuerse contre



Afranius, les Marseillois suiuant l'aduis de Domicius esquippent & mettent en ordre leurs nauires, dixsept en nombre, dont il y en auoit onze couuertes, & y adioustent de conserue plusieurs autres moindres vaisseaux, afin d'estonner de leur multitude la flotte des Cefariens: chargent dessus vn grand nombre de gens de trait & d'Albiques, qu'ils encouragent à force de dons & promesses. Domitius leur demãde certain nombre de ces vaisseaux, qu'il arme de payfans & de pastres, qu'il auoit emmenez quant & lui. Et ainsi ayans mis en poinct leur armee de mer de toutes choses necessaires, d'une grande animosité s'en viennent rencontrer l'armee de Cesar, où D Brutus commandoit, laquelle estoit pour lors à l'ancre à l'abry de l'Isle, qui est vis à vis de Marseille, qu'on appelle auiurd'huy Poumegues: car il y en a trois: mais c'est la plus grande, & le port y est plus asséuré, où premieremēt s'arrestent ceux qui veulent aller à Marseille. L'armee de Cesar estoit bien inferieure de nombre, mais Cesar auoit mis dessus ceste flotte des plus vaillans guerriers qu'il peut choisir en ses legions, auant enseignes, & centeniers, qui auoient requis ceste charge: ceux cy s'estoient pourueus de longs crocs garnis au bout de crochets, & agraffes de fer, de force dards, & iauelots, & semblables armes de

iect,

149 LES ANTIQVITEZ DE LA  
iect, & ainſi ayant ſceu l'arriuee des ennemis,  
iettent leurs vaiſſeaux hors du haure, & atta-  
quent les Marſeillois. Là fut tres-vaillamment,  
& tres-aſprement combatu d'une part, &  
d'autre: car les Albiques ne cedoient gueres  
de vaillance aux Ceſariens, ſelon meſmes le  
teſmoignage de Ceſar, comme montagnars  
qu'ils eſtoient, fiers, & hardis, & fort exerci-  
tez aux armes, & qui s'eſtans puis n'agueres  
desbandez de ceux de Marſeille, ſe remet-  
toient deuant les yeux la promeſſe à eux fai-  
te de fraiſche date. D'autre part ces ruſti-  
ques, & paſtres, gens effrenez, meus d'eſpe-  
rance d'eſtre affranchis, ſe parfoçoient en  
toutes ſortes de monſtrer quelque acte gene-  
reux en la preſence de leurs maîtres. Les  
Marſeillois ſe confians en la legereté, & ad-  
dreſſe de leurs vaiſſeaux, & en la dexterité  
des Patrons, qui les gouuernoieēt, ſe iouoient  
à maniere de dire des Ceſariens, & en flechiſ-  
ſant à leur choc, le rendoient vain, quand ils  
les penſoient aller inueſtir, & heurter. D'a-  
uantage, ce qui leur eſtoit loiſible en vñ lar-  
ge eſpace, en s'alongeant, mettoient peine de  
les enuelopper, ou s'eſtans ralliez pluſieurs  
enſemble, les aller attaquer vn à vn, ou bien  
à paſſades mettre en pieces tout vn rang de  
leurs auirons, puis quand de neceſſité il fal-  
loit ioindre, & venir aux mains, laiſſans à  
part l'artifice des Nautonniers, & la pratique  
des

des Pilotes, auoient recours à la prouësse de leurs montagnars. Les Cefariens pour n'auoir leur Cheurme si agile, ni exercitee à voguer, ni leurs Patrons si bien instruits, & verriez aux vaisseaux à rame, pour autant que tout à coup on les auoit titez des nauires de charge, si que mesme à peine entendoient-ils les termes de l'attirail, & equipage d'une galere, outre ce que leur tardue, & lente pesanteur y donnoit grand empeschement (car ayans esté faits à la haste d'un bois verd, tout plein encores d'humidité) ne pouuoient estre si vistes, & si aisez à mener. Au moien dequoy pendant qu'on auoit le moien de combatre de pres, vn vaisseau des Cefariens se presentoit librement contre deux des autres: car les acrochans avec leurs longs crocs, & agraffes, ils les arrestoiebt malgré qu'ils en eussent, & les combattoient de chaque costé, iusques mesmes à s'eslancer dans quelques vns, où ayans passé au fil de l'espee vn bon nombre de ces Albiques & pasteurs, ils en mirét vne partie à fonds, en prirent quelques autres, avec les hommes qui estoient dessus, & contraindrent le reste de gagner le port. Ce iour là les Marseillois perdirent neuf de leurs vaisseaux, y compris ceux qui furent pris. En ceste sanglante bataille mourut Telon Marseillois, grand Pilote, & homme qui estoit en grande reputation pour la cognoissance qu'il auoit



auoit des Astres: il auoit accoustumé de pre-  
iuger par l'aspect du Soleil, ou de la Lune, si  
le iour ensuiuant deuoit estre beau, & serain,  
ou couuert de nuës, aussi tost qu'il fut blessé  
son vaisseau se renuersa, & Gyareus son com-  
pagnon aussi Marseillois, s'estant voulu iet-  
ter dessus, fut tué par les Romains à coups de  
traict sur la poupe. Lucain au liu. 3. de sa  
Pharsalie, décrit aussi leur mort.

L'an de Thelon, la dex-  
tre infortunee poussa son  
vaisseau, à la main duquel  
se rendoient aussi souples  
les vaisseaux, lors que la  
Mer estoit irritée, qu'à au-  
tre qu'on vit oncques, &  
ne se trouuoit aucun qui  
iugeast avec plus de cer-  
titude du iour ensuiuant,  
soit qu'il regardast le So-  
leil, ou la Lune, qui sauoit  
fort bien iuger des vents  
futurs, & mettre le voile  
à propos. Il auoit rompu  
& brisé vne gallere des  
Romains, avec le bec, &  
esperon de la sienne, lors  
qu'un traict de la part des  
Romains le vint percer à  
trauers du corps, & s'en

*Dirigit huc puppim*

*miseri quoque*

*dextra Telonis,*

*Quâ nullam melius*

*pelago turbante*

*Carinae*

*Audacière manū: nec*

*lux est notior ulli*

*Crastina, seu Phæ-*

*bum videat, seu*

*cernua Luna:*

*Semper venturis cō-*

*ponere Carbasa*

*ventis.*

*Hic Latia rostro cō-*

*pagē ruperat alui,*

*Pila, sed in medium*

*venere trementia*

*pectus,*

*Auertitque ratem*

*morientis dextra*

*magi*

*magistri* allant mourir laissoit au-  
*Dum cupit in sociam* si aller sa gallere , pen-  
*Gyareus irrum-* dant que Gyareus desi-  
*pere puppim* reux de la releuer, se veut  
*Excipit immensum* ietter dessus, le voila rete-  
*suspensa per ilia* nu , & comme cloué à sa  
*ferrum,* gallere d'un coup de  
*Affixusque rati telo* trait.  
*retinēte pependit.*

Mais Lygdanus aussi Marseillois , qui estoit en son vaisseau , le Chef des tireurs de fonde baleaire, ayant vn coup de fonde frappé droit aux temples d'un certain Romain appellé Tyrrhenus, qui estoit debout sur la prouë du vaisseau, dont il estoit Capitaine, le priua de la veuë : alors Tyrrhenus redoublant le courage des siens , & ne voulant point mourir sans s'estre vengé: car il croyoit de mourir, arracha des mains de ses soldats vn iaucloir qu'il eslança contre vn Marseillois issu de noble famille appellé Argus, & de sa main au cugle le perça d'outre en outre, ainsi que met le mesme Lucain. Cesar fut aduerti de tout ceci à llerde, poursuivant l'armee de Pompee: cependant C. Trebonius se delibera d'approcher Marseille par deux endroits , & la dessus se met à faire ses tranchées , esleuer des platteformes , & bastillons , rouler force gabions, clayes, & mantelets, avec des tours de charpenterie , iusques sur le bord de la con-  
 ere

trescarpe, l'un estoit prochain du Port, & de  
 l'Arsenal, l'autre du costé qu'on vient de  
 France, & d'Espagne à la lifiere de la mer, qui  
 attaint la bouche du Rhosne: Pour trauailler  
 à ces ouurages, Trebonius fait de toute la  
 Prouince venir à couruee vn grand nombre  
 de bestes de charge, & de personnes, & ame-  
 ner force fascines, avec autres semblables  
 materiaux, tous lesquels preparatifs appor-  
 tez sur le lieu, il esleue vne platte-forme, ius-  
 ques à la hauteur de quatre vingts pieds.  
 Mais de tout temps, & ancienneté il y auoit  
 en ceste ville vn si grand attirail, & equipage  
 de toutes choses necessaires pour la guerre,  
 tant de machines, & engins pour tirer au  
 loin, pierres, & traicts de toutes sortes, que  
 nuls gabions, ne mantelets, nulles clayes pour  
 bien tissues, & renforcees qu'elles fussent,  
 n'estoient suffisantes pour resister à ceste im-  
 petuosité, & furie: car entre autres choses il y  
 auoit de gros cheurōs, longs de douze pieds,  
 garnis au bout d'une forte, & massiue poincte  
 de fer, qui lancez avec de grandes, & puissantes  
 balestres, passoient des clayes quadru-  
 ples, & s'en alloient encores au delà ficher  
 en terre d'une trop violente roideur: telle-  
 ment qu'on estoit contraint de se remparer  
 avec de grosses poutres d'un pied d'espais,  
 ioinctes ensemble, pour seruir de trauerse, &  
 de parapet, & ainsi à couuert au derriere  
 s'en



l'entredonner de main en main la matiere, dont se faisoit la platte-forme : mais pour faciliter les choses, on faisoit rouler vne machine de tortuë de soixãte pieds en tous sens, afin de faire l'explanade : laquelle machine estoit composee de grosses poutres, & de forts ais, puis couuerte, & armee par tout de tout ce qui pouuoit seruir pour se defendre, tant du feu qu'on y lanceroit, que des coups de pierre. Mais leurs grands remparements par dedans, l'excessiue hauteur de la courtine, & des tours, & l'abondance d'artillerie acculoient tous les efforts qu'on y pouuoit faire. Ioinct que les frequentes, & grosses saillies, que les Albiques faisoient dedans la ville à tout propos, pour venir mettre s'ils eussent peu le feu à la platte-forme, & aux tourrions. Neantmoins les Cefariens les repoussioient facilement, & avec grand' perte de ceux qui estoient sortis, les rembarroient dans leurs murailles.

---

*Du discours qui fut enuoyé aux Marseillois : de leur valeur, & de leur seconde infortunee bataille nauale.*

#### CHAP. XXXIV.

SVr ces entrefaites L. Nasidius fut dépesché de Cn. Pompee avec vne flotte de

146 LES ANTIQVITEZ DE LA  
seize vaisseaux, dont quelques vns auoient  
l'esperon, & le bec de la prouë, armé ce fust  
pour venir au secours de Domitius, & de  
Marseillois, & Pompee enuoya deuant vn  
fregatte à la desrobée pour aduertir Domi-  
tius, & les Marseillois de sa venue, en les ex-  
hortant de tout son pouuoir, que renforcés  
de ce secours ils voulussēt tēter le hazard d'un  
combat contre l'armee nauale de Brutus. Les  
Marseillois apres la perte de leurs vaisseaux  
aduenuë en la rencontre deuant dite, en  
auoient tiré pareil nombre des vieux qui  
estoyent en leur Arcenal, & iceux refaits, &  
armez d'une fort grande diligence: car ils ne  
manquoient de gens de rame, ni de patron,  
& gouuerneurs: adiousté en outre force pe-  
tites barques de pescheurs couuertes d'un  
pauesade le long des flancs pour garantir des  
coups de traicts ceux qui rameroient, & rem-  
plies d'arbaleries, & d'engins pour tirer a  
loin. Leur flotte equippee de ceste sorte, &  
eux mesmes des prieres des vieilles gens, &  
des pleurs des femmes, & ieunes filles à ma-  
rier de vouloir en ceste grande extremite  
subuenir à la ville constituee en tel danger  
non de moindre animosité, & fiance que l'au-  
tre fois qu'ils estoient venus au combat  
montent sur les vaisseaux: car par vn nature  
defaut ordinaire, ce dit Cesar, & commun  
à toutes personnes, il aduient fort souuent  
foi

ois qu'on s'auature plustost és choses qu'on  
 e voit point, & sont cachees, & incogneues,  
 & y est on plus enflaminé, comme il aduint  
 ors, parce que l'armee de Nasidius ayant  
 empli toute la ville d'esperance, & de bon  
 ouloir, & le vent s'estant leué à propos pour  
 eux, le voila qu'ils sortent du port, & s'en  
 ont les rencontrer à Thoulon (vn Chasteau  
 les appartenances des Marseillois) où ils  
 mettent en poinct leurs vaisseaux, & de nou-  
 uveau se rencouragent à la bataille, consul-  
 ans ensemble ce qu'ils deuoient faire. La  
 poincte droite est delaissee aux Marseillois,  
 & la gauche à Nasidius de son costé Brutus  
 aussi s'estoit renforcé de vaisseaux: car outre  
 es galleres que Cesar auoit fait faire en Ar-  
 es, il auoit donné ordre de r'habiller six vais-  
 seaux de ceux qui n'agueres auoient esté pris  
 ur les Marseillois, & les equipper de tout ce  
 qui leur estoit necessaire. Parquoy apres  
 uoir enhorté les siens de mespriser, comme  
 ja vaincus, ceux qu'ils auoient si bien estril-  
 ez. Luy remply de tout bon espoir, & coura-  
 ge les va trouuer. Or du camp de Trebonius,  
 & des lieux hauts circonuoisins, il estoit bien  
 aisé de voir dans la ville comme toute la ieu-  
 nesse qui y estoit demeuree, & les vieilles  
 gens avec les femmes & enfans, des corps  
 de garde & boulenars, où du haut du mur  
 iaignoient les mains en contre mont, où



148 LES ANTIQVITEZ DE LA  
s'en alloient de costé , & d'autre visiter le  
Temples des dieux immortels : esquels se  
mettans à genoux devant leur images, les re  
queroient de la victoire , & n'y auoit aucun  
d'eux tous, qui du succez de ce iour là n'esti  
mast despendre l'entier euenement de leur  
fortunes: car les plus nobles ieunes hommes  
& les plus signalés de chasque âge en ayant  
esté nom par nom semōds, & requis, estoient  
montez sur les vaisseaux. afin si quelque de  
sastre leur arriuoit, ils vissent tous apertemen  
ne leur rester plus rien quelconque à essayer  
& s'ils remportoient la victoire qu'ils con  
çeussent delà , esperance de pouuoir , ou par  
leurs moyēs propres, ou par l'aide, & secours  
d'autrui, sauuer leur ville de dāger. Le com  
bat attaqué, les Marseillois ne laisserent rien  
arriere où ils peussent monstrier leur effort,  
& valeur, ains memoratifs des enhortemens,  
que n'aguères ils venoiēt receuoir des leurs,  
combattoient resolu en leur esprit , de n'a  
uoir plus d'autre occasion de rien faire ni en  
treprendre, & que ceux qui en la meslee en  
couroient le danger de leur vie , reputassent  
de ne faire en cela qu'anticiper pour vn peu  
de temps la fortune, & condition, qui atten  
doit tous leurs aures Concitoiens , qui la  
ville prise de force , souffriroiēt tout vn mes  
me hazard de la guerre. Or les vaisseaux des  
Cesariens s'estans esbranlez assez pesante  
ment

ment du riuage, & iettez en mer peu à peu, les autres auoient vn fort beau moyen, & loisir de iouer leur ieu, & par l'industrie des matelots, se preualoir de la promptitude & viftesse des leurs. Que si par fois les Cefariens pouuoient rencontrer le moyen avec leurs longs crocs, & agraffes de fer, d'en arrester, & coupler quelqu'un, ils venoient de toutes parts au secours: car estàs meslez avec les Albiques, ils ne se monstroient point laches au combat, s'il estoit question de venir aux mains, & ne cedoient de guerres aux Cefariens de vaillance, & de hardiesse. Quant & quant vne infinité de traicts delaschez des petites barques de loing offençoient fort les Cefariens à l'impourueu, & estàs empeschez ailleurs en bleffoient grand nombre. Sur ces entrefaites deux de leurs galleres ayàs choisi la Capitaineſſe de Brutus, qui se pouuoit bié discerner des autres à ses banderolles, & pannonceaux, s'estoient esbranlees pour l'aller inuestir entr'elles, & la choquer par les deux flancs. Mais Brutus s'en estant pris garde, se preualut de la viftesse de la ſienne, de maniere qu'il les deuança d'un bien peu, & les autres ayant failli de l'attaindre, s'entreheurterent de telle roideur, que du choc elles s'endommagerent beaucoup, l'une toutesfois plus que l'autre: car elle eut l'esperon brisé preste à faire eau de toutes parts. Cela aper-

150 LES ANTIQVITEZ DE LA  
ceux des vaisseaux de Brutus qui estoient au  
pres, donnerent sur ces deux ainsi mal me-  
nees, & les mirent à fonds d'aborder. Ceux  
de Nasidius ne leur furent d'aucune commo-  
dité, ni vsage, & quitterent bien tost le com-  
bat: car le respect de la patrie ne le mouuoit  
pas, ni les encouragemens de leurs proches  
paréns, & amis ne les forçoient de se hazar-  
der au dernier peril de leurs vies, parquoy  
il ne s'en trouua point à dire. Mais de la flot-  
te Marseilloise en furent mis cinq à fonds, &  
quatre pris, vn gagna le haut à force de ra-  
mes avec les Nasidiens, prenans tous la rou-  
te de Catalogne. Suetone en la vie de Iules  
Cesar, chap. 68. escrit que certain Acilius Ro-  
main en ceste iournee ayant saisi de la main  
la poupe d'un vaisseau des ennemis, la quel-  
le luy fut tout aussitost coupee, imitant l'e-  
xemple memorable parmi les Grecs de Cy-  
negirus, se jetta dans ce vaisseau, en repous-  
sant ceux qui se presentoient à luy avec son  
bouclier. Au reste les Marseillois apres qu'ils  
eurent employé leur gent à l'equipage de  
leurs vaisseaux, se seruoient de cheueux de  
femme pour faire des cordes, comme escrit  
Frontin, liure premier, chap. 7. Florus, liure  
second, chap. 15. dit que les Capitaines des  
Carthaginois en firent autresfois autant, &  
les Rhodiens aussi, comme met le mesme  
Frontin.



*De l'assaut donné aux murailles de la ville.*

## CHAP. XXXV.

**D**ES autres qui restèrent de la defaite, en fut enuoyé vn deuant à Marseille pour leur en porter les nouuelles, lequel estant arriué iusqu'au pres tout le peuple s'espandit toutour, pour entendre ce que c'estoit, & ayant sceu, vn si grand dueil saisit leurs cœurs, qu'il sembloit que tout de ce pas la ville deust aussi estre prise des ennemis. Ce neantmoins ils ne laissèrent de s'apprester pour se defendre, non moins courageusement qu'ils souloient. Là dessus les legionnaires qui auoient la charge de traualler au costé droit, s'apperceuans que pour le munir contre les frequentes saillies des Marseillois, ce ne leur seroit pas peu de secours, si en lieu d'un bastillon où ils se peussent retirer, ils faisoient vne Tour de brique pres des murailles, laquelle du commencement ils firent fort basse, & petite pour se garantir de leurs soudaines inuasions, & assauts, là où ils se reduisoient, & de là encore se defendoient, s'ils estoient pressés d'une trop grande foule, & effort, puis en ressortoient à leur Tour, pour l'embarrer, & poursuiure les ennemis : elle auoit au reste quelque trente pieds en carré, les murailles espaisles de cinq : puis apres

comme l'experience, & vsage soient les maistres de toutes choses, par l'industriouse diligence des hommes, on trouua qu'elle leur pourroit grandement seruir si on l'esleuoit à la commune hauteur des autres Tours, ce qui fut fait en ceste sorte. Quand on l'eust montee iusqu'au droit du premier estage, on y appliqua le plancher : de maniere que les bouts des poutres, & soliveaux ne donnoient pas precisément à fleur du bord de la muraille par le dehors, ains posoient à mi espaisseur, ou peu, plus armez au deuant de la mesme maçonnerie, afin que rien ne s'en aduançast, où le feu que les ennemis y pourroient lancer ne peust mordre : & pauerent mesme à ceste fin ceste terrasse de menu carreau, autant que le couuert des clayes, & du planchage le peust comporter, & souffrir, & là dessus assirent deux grandes poutres, dont les bouts arriuoient pres du bord du mur pour leuer dessus comme en suspenduë, l'eschaffaudage qui deuoit seruir de remparement à la Tour : puis sur ces poutres s'entrecroisans à angles droits, estendirent d'autres solives en forme de treillis en lozanges entables dessus avec de gros ais cloüez, & vn peu plus longues, & eminentes que les poutres, pour faillir hors d'œuvre, afin d'y pouoir attacher ce, dont ils se deuoient couvrir & defendre contre les coups des aduersaires

faïres , & les repousser , pendant que sous le couuert de ceste forme de pallissade, ils esleueroient la muraille , lequel plancher ils paüerent aussi de carreau, & de terre grasse, afin que le feu de l'ënemi n'y peüst nuire, & estendirent dessus d'abondant des esclauines & mattras , de peur que par l'effort des pieces, & machiues des aduersaires ne se desmolist la charpenterie , & que les pierres tirees de leurs engins ne vinssent à briser les carreaux, firent en outre trois grands storres à maniere de nattes, tissues de gumenes , & cordages des anchres, de pareille longueur, & largeur que les murailles de la Tour , & espaissses qu'ils pendirent aux trois costez , qui regardoient vers l'ennemi au bout des foliues, sortans hors d'œuvre tout à l'enuiron de la Tour, laquelle espeece de defense, ils auoient desia esprouué ailleurs, ne pouuoit estre trasperee d'aucuns coups de traicts, ni d'artillerie de ce temps là. Comme donc ceste portion de la Tour qui estoit acheuee , fut couuerte, & bien remparee cõtre tous les efforts de dehors, ils transporterent leurs eschaffaudages à cë qui restoit , & se mirent à suspendre en l'air avec des verins , & guindaux la couuerture de la Tour , & l'oster de dessus son premier plancher, dont ils esleuoient autant que la tenture des storres le pouuoient couurir, si qu'à couuert, & bien munis par le



deuant, ils pouuoient au derriere vacquer à la maçonnerie, iufqu'à la hauteur competente d'vn autre eftage, lequel planché d'ais, & puis de carreaux par deffus, comme au parauant avec les mefmes remedes, & defenfifs d'efciauines, mattras, & ftorres, les efchaffaudages de charpenterie, & les pallissades, ils eleuerent tout feurement, & fans bleffeur, ne danger, iufques à fix foliers, & eftages, laiffant à chacun d'iceux és trois faces les fenestres ouuertes, & canonnières neceffaires és endroits qui sembloient le plus à propos pour à coups de traïcts, & de pierres, en endommager l'ennemi. Apres donc qu'ils s'affeurèrent que de ceste Tour ils pourroient aifément defendre les autres ouurages, qu'on feroit aupres, ils se mirent à construire vn mantellet de charpenterie, long de foixante pieds, dont les pieces, & les estoifes estoient de deux pieds d'espais, pour le conduire, & rouler de leur Tour de brique, fufdite à vne Tour, & à la muraille des ennemis, duquel mantellet à peu pres la forme estoit telle, il y auoit en premier lieu deux grosses fablières d'vn pied & demy en carré d'vne mefme longueur, couchees en platte-forme, & distantes l'vne de l'autre de quatre pieds, atelons, mortaises & queuë d'arōde, le bas foncé entre deux sur des foliues avec des planches. Sur ces fablières estoient eleuez à plōb  
des

des poteaux debout, hauts de cinq à six pieds, de deux pieds en deux pieds l'un de l'autre, avec de gros ais en travers cloués contre, pour remplir le vuide: plus d'autres sablières un peu moindres que les précédentes, posans sur lesdits poteaux, comme un architraue, entre lesquels estoient mis des liens ceintrés en forme d'arcade, & chevilles aufdits poteaux, & sablières, atenons, & mortaises pour dresser le comble sur lesdites sablières, ainsi confortées par les liens, iceluy comble friant, & roide comme en son tiers point: basti de chevrons contre-bouttans, avec leur faïste par dessus de deux pieds de large, & huit poulces d'espais avec les fermettes par voye, garnies de leurs entraicts, & esselliers, & des lattes, & contrelattes en travers de quatre poulces en quarré pour asseoir les thuiles: ledit mantellet en tous autres endroits armé d'argile pour le garantir du feu qu'on y eust voulu lancer de dessus le mur, & les thuiles par le dessus couuertes de gros cuir de bœuf, de peur que l'eau y laschee par des canaux, & sarbatanes de la muraille, pareillement ne peut ramollir, & destramper les thuiles, & la terre grasse, & les cuirs encore reueſtus, & garnis de gabans, feutres & esclauines, afin de ne pouuoir estre endommagé du feu, ni des coups de pierre. Tout lequel ouurage a ceuvert de clayes, &

de

156 LES ANTIQVITEZ DE LA  
de gabions comme d'un rempar, est parache-  
uë pres la Tour, & tout aussi tost, sans que les  
ennemis s'en apperceussent avec des cinges,  
Cabestans, Tours, & guindaux, & semblables  
machines, pour tirer les vaisseaux en l'eau,  
des rouleaux apposez dessous, est approché  
pres d'une tour des ennemis ioignant l'edi-  
fice. afin de la sapper au pied. Duquel danger  
les habitans se trouuans espouuantez tout à  
coup avec des pinces, & barres de fer, pouf-  
sent les plus gros quartiers de pierre qu'ils  
peuvent, & les precipitent du haut des mu-  
railles sur le mantelet : mais la fermeté de la  
matiere soustient le coup, & tout ce qui s'a-  
ualle d'en haut venant à donner sur le faiste,  
roule le long de la couuerture. Cela veu, ils  
changent d'auis, & mettans le feu à des ca-  
ques, & des barils pleins de poix noire, & de  
resine, ils les lancent de la muraille sur le  
mantelet : mais de là roulans tombent aussi  
tost en terre d'un costé, & d'autre, là où avec  
des perches, & des fourches, on les recule de  
la machine. Cependant nos soldats estans à  
couuert sous le mantelet avec des pinces,  
pics, & hoyaux s'appent la Tour des ennemis  
par le pied, & en arrachent les premieres  
pierres, qui posoient sur le fondement, estant  
le mantelet defendu par les Cesariës à coups  
de traiçts, & d'artilleries de la Tour de bri-  
que, & deslogent les ennemis du haut de la  
cour



courtine, & des Tours, si qu'ils ne peuvent plus demeurer pour les defendre, plusieurs pierrés desia ostées, & dementies du bas de la Tour qu'on sappoit, partie d'icelle vient à bas par vne soudaine ruine, & le reste penchant fait contenance d'aller apres.

---

*Du stratageme, dont vserent les Marseillois contre les Césariens, en l'extremité de leurs affaires, & de leur coustume en cas de supplication.*

### C H A P. XXXVI.

**L**Es Marseillois alors troublés de cet inopine defastre, touchez quant & quant en leurs cœurs d'une crainte de l'indignation des dieux, & redoutans le saccagement de leur ville, se iettent tous par la porte en foule dehors sans aucunes armes. Leurs Chefs ornez de bandeaux blancs, & s'en viennent ioignans les mains vers l'armée, & aux Chefs qui y commandoiēt: auquel spectacle si nouveau, toute l'hostilité cessa, & les soldats se retirans de leur assaut, s'approchent pour ouyr ce qu'ils voudroient dire. Quand les Marseillois furent paruenus iusques à l'armée, & aux Chefs d'icelle, ils se prosternent à leurs pieds, & les supplient de vouloir suspendre les choses, iusques à l'arriuee de César: voir leur ville prise, desia autant vaudroit les ouurages estre acheuez, leur Tour toute desino

158 LES ANTIQVITEZ DE LA  
desmolie, & sappee, au moien dequoi ils se  
departoient de faire plus de resistance, aucu-  
ne dilation n'en pouuoir naistre, que aussi-  
tost qu'il seroit venu, s'ils n'accomplissoient  
son commandement au moindre clin d'œil  
qu'il feroit, ils ne fussent tous saccagez. Re-  
monstrent que si la Tour paracheue de se  
renuerfer, on ne pourroit plus retenir les sol-  
dats, qu'eus de la friandise, & espoir du  
pillage, ils ne se iettassent dedans la ville, &  
ne la missent à vne finale destruction. Avec  
plusieurs autres telles choses du mesme su-  
jet prononcees, comme par de gens doctes,  
& eloquens, fort pathetiquement, avec force  
larmes, & pleurs pour les esmouuoir à mise-  
ricorde: dont les Chefs flechis retirent les  
soldats des ouurages, & y laissant des corps  
de garde, font là dessus cesser l'assaut: de pi-  
tié en outre qu'ils ont, leur octroyent vne  
espece de trefues, iusques à l'arriuee de Ce-  
sar. Cependant pas vn coup ne se deslache  
des murailles, ni des Cesariciens pareillement,  
ains tout comme si l'affaire eust esté ja para-  
cheué, quittent là leur soin, & diligence ac-  
coustumee: car Cesar par ses lettres auoit  
fort recommandé à Trebonius, de ne per-  
mettre que la ville fut prise de force,  
de peur que les soldats indignez de leur  
rebellion, & mespris, du long trauail, quant  
& quant qu'ils y auoient eü, ne missent à mort  
tous

tous ceux d'au dessus quatorze ans, c'e qu'ils menaçoient vouloir faire, & à tresgrande difficulté furent lors retenus, qu'ils ne se iettassent à corps perdu dans la ville: griefuement indignés à l'encontre de Trebonius, de ce qu'il sembloit auoir esté causé qu'ils ne l'eussent à leur volonté: mais les Marseillois qui feignoient de garder la foy, & pourtant Cesar les appelle gens sans foy: mais soit dol, ou vertu, n'importe, quand c'est contre l'ennemi, espians le temps, & occasion d'vser de fraude, & tromperie, s'il faut se rapporter à Cesar, quelques iours passez sans rien faire, comme les Cesariens se fussent à ceste occasion ratiedis, & relâchez de leur accoustumée promptitude, & ardeur de courage, les voila tout à coup enuiron l'heure du midi, que l'un s'estoit allé esbatre, l'autre matté du long trauail mis à reposer en l'attelier mesme, les armes toutes enfermées, & reduites sous le couuert, qui se iettent en foule dehors les portes, & à la fueur d'un grand vent qui s'estoit l. ué propre à leur dessein, s'en viennent attacher le feu aux ourages, que le vent espancir soudain d'une telle sorte, qu'à vn instant la flâme se prit au rempar, clayes, gabions, mantelet, à la Tour, & aux machines de batterie, si que le tout fust plustost consummé, & réduit en cendres, qu'on ne se peust apperceuoir cōme cela estoit aduenu.



Les Cefariens bien estonnez d'un si subit , & inopiné accident , se faisoient des premieres armes qu'ils rencontrerent en leur chemin, & les autres accourans du camp , viennent impetueusement se ruer sur les Marseillois : mais à coups de traits , & de pierres qu'on leur tiroit de la courtine , ils sont empeschez de poursuiure ceux qui fuyoient : lesquels ayans gagné le pied du mur tout à leur aise, ont le loisir de brusler le mantelet, & la Tour de brique. Ainsi le labour de plusieurs mois, par la desloyauté des Marseillois , & la violence du vent , est en vn moment deuoré, & réduit à rien. Les Marseillois essayèrent encore derechef de faire de mesme dès le lendemain qu'ils eurent tout vn pareil vent à souhait , & d'une plus grande hardiesse , par vne soudaine saillie combatirent à l'autre Tour , & platte-forme , y mettans le feu en plusieurs endroits : mais comme les Cefariens le iour precedent n'attendants rien moins que d'estre surpris de la sorte, eussent esté plus nonchalans que de coustume à se retenir sur leurs gardes , rendus sages à celle fois par ce qui en estoit aduenü, auoient aussi appareillé tout ce qui leur pouuoit faire besoin pour se bien defendre. Parquoy apres en auoir tué plusieurs , ils rembarrerent les autres dans la ville , sans auoir rien executé de leur entreprise. Puis apres Trebonius se  
mit

mit à refaire ce qui auoit esté ruiné, & le remettre sus avec vn plus grand soin, & prôptitude des soldats que deuant: car quād ils virent leur appareil qui leur auoit tāt cousté de peine, & trauail, estre si malheureusemēt peri, & les trefues auoir esté violees d'vne si grād desloyauté, eurent vn trop grand creue cœur, & despit de voir leur valeur à tel mespris, & moquerie. Et pource qu'il n'estoit riē demeuré là aupres, dōt on peut recouurer, ni de fascines, ni des perches, gaulles, bois de trauerse, & sēblables materiaux, tous les arbres, au lōg & au large de la cōtree d'entour la ville, ayās esté coupez, & employez aux ouurages, s'auiserent d'vne nouuelle, & non encor' iamais veuë, ni ouye sorte de remparement de deux murs de brique espais de six pieds, distās l'vn de l'autre de presque autant, & couuers par des<sup>s</sup> d'vn plāché qui les couploit de la mesme hauteur, au surplus ou enuiron, qu'auoit esté la platte-forme, & là où l'espace d'entre les murs, pour estre l'estoffe trop mince, demonstroit d'en auoir besoin, on plātoit des pilliers entre-deux, pour seruir de consolateurs aux poutres, & aux soliveaux, surquoy posoit la couuerture plāchee de clayes, qui estoiet enenduites de terre grasse. Là deslous le soldat estoit à couuert muni de costé, & d'autre de la muraille, & de gabions par deuant, si qu'il pouuoit sans nul danger aller & venir, portāt

tout ce qui pouuoit estre neceſſaire pour faire l'ouurage, lequel par ce moyen eſt cōduit, & mené à fin d'vne tresgrande prōptitude, & dexterité, tant par le ſoin aſſiduel des ſoldats qui y traualloiet ſans intermiſſiō, ni relafche, que de leur valeur, & effort, & bien toſt reparee la perte de leur ſi lōg & ennuyeux traual. Au demeurāt és endroits qu'on voioit à propos, ſont laiſſez des portes, & autres ouuertes au mur pour ſortir ſur les ennemis, leſquels voyans que ce qu'ils n'euffent iamais cuidé pouuoir eſtre refait en vn long eſpace de temps par la beſongne, & la peine de peu de iours eſtre tellement reſtauré, qu'il ne reſtoit plus aucun lieu à leurs tromperies & deceuās, ni à leurs ſaillies, & irruptiōs, rien auſſi ne leur eſtre plus delaiſſé, dont ils peuffent à force ouuerte nuire aux Ceſariens, ni avec le feu aux ouurages: s'apperceuoient bien outre plus, que par meſme moyen toute la ville deuers l'aduenue de terre pouuoit eſtre ceinte, & enuelopée d'vne cloſture garnie de tours & baſtillons: ſi qu'il ne leur ſeroit plus loifible de cōparoître, ni demeurer ſur leur courtine ni rēpars, autour deſquels il voioiet vne muraille eſtre baſtie par l'armée de Ceſar, dont ils les pouuoient combattre aiſément à coups de traits & iauelots: & que leurs pieces & engins pour tirer au loin, où ils auoient mis fort grande eſperance, leur ſeroient du tout inutiles,



es, & de nul vsage, à cause de la proximité: & finalement ne pouuoir en vaillance s'esgaler aux Cefariens, ny cōbatre de pair à pair avec eux, de la muraille, ni des tours, ont recours à la mesme reddition que deuant. Cesar ayant euoyé sains & sauues L. Afranius & Petreius, puis'estoient rendus à luy pres Ilerde, & s'estant rendu maistre de la legion que Varron conduisoit, de Tarragone s'en vint par terre à Narbonne: puis de là arriua à Marseille, où il fut aduerti du decret fait à Rome pour la creation d'un Dictateur: à quoy il auroit esté nommé par M. Lepidus Preteur. C'est ce qu'escrit Cesar, à quoy ne se conforme point Virruue, en ce qui est des machines: car au li. 10. c. 12. voulant monstrier que les machines des assiegeās sont bien souuēt mises à bas par vne sage & prompte execution de bons conseils, des assiegez, sans aucunes machines, en rapporte plusieurs exemples, & particulieremēt celuy des Marseillois: & dit, que toutes les machines de batterie, & engins des Cefariēs furent dissipéz & mis en pieces. Nous auons estimé estre à propos d'insérer ici ce qu'il escriu presque de mot à mot. Marseille aussi lors qu'elle estoit assiegee, & que l'ennemi eut fait plus de trente fosses, les Marseillois s'en estās doutez, ils cōblerent toute la fosse qui estoit deuant les murailles par vne plus haute fosse, & ainsi toutes les fosses se noyerent dās vne:

164 LES ANTIQVITEZ DE LA  
& où ils n'auoient peu faire vne fosse dans la muraille, ils firēt vn creux d'vne profondeur immense, comme vne piscine, à l'opposite du lieu, où l'on faisoit la fosse, & le rēplirēt d'eau des puits & du port : & ainsi aiant fait iour à trauers, & l'eau estant entree en grande abondance, tous les estaiemens se dementirent, & par la multitude de l'eau, & par la ruine de la fosse, tous ceux qui estoient dedans furēt accablez. Lors qu'on esleuoit aussi la platteforme ou cauallier contre leur muraille, on y auoit porté du bois couppé en abondance, & pendant que l'œuure s'aduançoit, on y ietta avec des fondes de leuiers de fer rougis embrasés, & on mit le feu à toute la machine. Lors qu'on approchoit aussi la tortuë ou mâtelet cōtre les murailles, ils ietterent des cordes, desquelles ayant enveloppé le belier, le tournoyant en diuers endroits tout suspendu en l'air, ne souffrirēt iamais qu'il touchast la muraille : & en fin ils demolirent & mirent en pieces toute la machine avec de mailles embrasez, & à grand coups d'arbalestes. Ainsi ces villes furent deliurees plustost par la prudence des architectes, que par les machines, & engins de guerre : dont il se peut iuger assez claiemēt que les Marseillois defendirēt leur ville avec plus de resistance, plus de cōseil, & industrie des architectes, qu'il ne fut point rapporté à Cesar par Trebonius, & autres,  
comme

comme nous dirons au chap. suivant. Au demeurant par ce qui a esté touché cy dessus. Nous apprenons quelle a esté la coustume des supplians parmi les Marseillois : car il appert de là qu'ils ne sont point descendus des Barbares : mais qu'ils tirent leur origine des Grecs, comme nous auons prouué cy dessus, de l'autorité de plusieurs Historiens. Car au tesmoignage de Polybe, liu. 3. les Gaulois, & autres natiōs barbares, comme il les appelle, ne portoient point le caducee, ni les infules, ou mitres: mais auoient accoustumé en tel cas de s'equipper seulement de guirlandes, & chapeaux de fleurs, en signe d'amitié, & de supplicatiō, & ce que Cesar appelle les depu-  
tez des Marseillois, doctes, se peut rapporter à ce que Ciceron nous a laissé par escrit en plusieurs endroits, & principalement en l'oraison pour Lucius Flaccus, de l'erudition des Marseillois : reprenons la suite de nostre discours.

---

*De la reddition de Marseille.*

C H A P. XXXVII.

**L**Es Marseillois accablez de toutes especes de maux, & reduits à vne finale indigence de viures, desfaits en deux rencontres par mer: rompus, & rembarrez honteusement en plusieurs, & diuerses faillics, molestés avec



cela d'une fort grieve pestilence, pour auoir esté si longuement renfermez, ioint le changement des viandes : car tous n'estoient sustentus d'autre chose que de vieil panique, & d'orge corrompu, & gaste, dont ils auoient de longue main fait reserve pour s'en aider en semblables extremitez : l'une de leurs Tours sappee, & mise par terre, & la pluspart de leurs murailles desmolies, & renuersees, hors de tout espoir desormais d'auoir plus de secours de ces Prouinces, & armées qu'ils auoient sceu estre venues es mains, & pouuoir de Cesar, delibererent de se rendre à bon escient, sans plus de fraude, ni de malice : mais quelques iours auparauant L. Domitius ayant descouvert ce qu'ils vouloient faire, & pour ceste occasion appareillé trois galleres, dont il auoit departi les deux, à ses familiers, & amis, & luy estoit motté sur l'autre, par vn temps rude & nebleux, plein d'orage, qu'il espia tout à propos, donna des auires en l'eau : surquoy les vaisseaux que Brutus enuoyoit iournellement pour garder la bouche du Port, l'ayant descouvert, leuerent les anches tout soudain, & luy donnerent la chasse : toutesfois la gallee de Domitius ne laissa pour cela de poursuivre sa route, & perseuerer à gagner le haut, si qu'à l'aide de la tourmente, elle se perdit bien tost de leur veüe : les autres deux espouuantees de l'aborder de nos vaisseaux, regagnerent le port

port à la haste. Au demeurant les Marseillois  
 fuiuant ce qui leur fut ordonné,apporterent  
 hors de la ville toutes les armes , les machi-  
 nes,& engins de batterie,qu'ils souloiēt auoir  
 tirent:tât du Port,que de l'Arsenal,leursvais-  
 seaux , & deliurent tout ce qu'ils auoient de  
 deniers comptās au thresor publicque. Nous  
 auons la pluspart rapporté de Lucain ce qui a  
 esté dit du siege de Marseille : mais la plus  
 grand' partie est puissee des Cōmentaires de  
 Cesar mesme,que nous auons ici inferé pres-  
 que de mot à mot:car ileust esté hors de pro-  
 pos de nous esloigner de son discours , puis  
 que ceste histoire ne pouuoit estre plus brief-  
 uement,plus particulièrement,& plus elegā-  
 ment descrite par aucun , & selon le tesmoi-  
 gnage de Ciceron,& d'Hirtius,ces commen-  
 taires sōt tellemēt admirez de rous,que l'oc-  
 casion & moyen d'escire là dessus, semblent  
 plustost auoir esté par là substraits , qu'octro-  
 yez,& les hōmes de sain iugemēt ont esté in-  
 timidez d'y mettre la main , ores que si nous  
 y voulons regarder de bien pres , nous trou-  
 uerōs en plusieurs endroits, que le iugement  
 qu'en a fait Asinius Pollio est veritable:car si  
 nous croyons Suetone en la vie de Cesar, ch.  
 56.il estimoit que ces cōmentaires n'auoyent  
 pas esté bien,ni diligēmēt elabourez , & qu'il  
 s'estoit souuent fouruoyé de la verité,d'autāt  
 qu'il s'estoit rapporté aux memoires qu'on y

auoir donné, & qu'il n'y a pas seulement dedoit ses gestes: mais encore ceux d'autrui, qu'il y a beaucoup mis du sien, soit qu'il l'ait fait à son escient, ou bien par faute de memoire. Pour regard de Domitius, homme de grande & illustre maison. Plin. au li. 7. c. 53. met qu'ayant esté pris à Corfinium par le mesme Cesar, il prit du poison pour se faire mourir: mais qu'après l'auoir pris, il employa toutes sortes de moyens pour ne mourir point. Le mesme est rapporté par Suetone en la vie de Neron, c. 2. mais premierement qu'au commencement de la guerre ciuile il auoit esté fait prisonnier par Cesar, lequel à la fin de son Consulat il auoit appelé par deuant le Senat, d'autant qu'il estoit estimé y auoir procedé contre les auspices, & contre les loix, & qu'il l'auoit encore voulu rappeler de la guerre des Gaules: mais qu'ayant esté renuoyé sain, & saue, il s'en vint puis après au secours de Marseille, qui fut renforcée de son arriuee, laquelle toutes-fois il abandonna bien tost: & finalement qu'après la route de Pharsalie, il mourut après auoir rendu la poison qu'il auoit beu en l'extremité de ses affaires. Il estoit fils de Cn. Domitius Ænobarbus, qui avec les Marseillois auoit vaincu les Auernignats, & Dauphinois, & bisaieul de Neron, comme dit le mesme Suetone. Cesar ayant emporté la victoire, fit peindre la ville de Marseille, & porter en triomphe



triomphe son pourtrait, comme il a esté dit ci dessus d'un lieu de Cicéron, & il est remarqué par Robertus Valturius, au liu. 11. ch. 15. de l'Art militaire, lequel adiouste que les dépouilles des Marseillois furent aussi portées: car comme nous dirons ci après, tout y fut mis au pillage. Ce fut environ l'an de la fondation de Rome 705. & de Marseille 547. quarante six ans auant la natiuité du Sauueur, & l'an du monde 3918.

---

*Des forces qui demeurèrent aux Marseillois,  
après leur ville prise.*

### CHAP. XXXVIII.

**A** Pres la prise de Marseille, ancienne amie & alliée des Romains, Cesar osta tout aux Marseillois, excepté la vie, & la liberté, à ce qu'en ont escrit Florus, & Orosius, en laquelle, depuis la fondatiō de leur ville, ils s'estoient tousiours bien maintenus. Cesar les voulant plustost conseruer pour le nom, & anciēneté de la ville, que pour leurs merites en son endroit, il laissa en garnison deux légions, & enuoya le reste en Italie. Quant à luy, il s'achemina droit à Rome, comme il escrit luy mēme, dont, & par ce que nous auōs rapporté en plusieurs endroits de Strabon, & par beaucoup d'autres tesmoignages, il appert qu'entre toutes les villes du mōde après Ro-

me, il ne s'en trouuera point qui ait plus long temps conserué ses droicts que Marseille, laquelle dès sa fondation donna des bons augures de sa liberté : car alors les Romains estoient dès long temps oppressez de la tyrannie des Rois, & pour lors de Tarquin, & apres vne longue suite d'annees ne cederēt iamais aux armées de Cesar, qu'apres que Rome y eust cedé. T'oseray dire encores qu'il n'y a point eu de ville, non pas mesmes Athenes, & fut-ce Rome, qui ait peu dire s'estre maintenu plus long temps en liberté. Certes depuis la victoire de Cesar, bien qu'elle ait vescu fort long temps libre, parce que ce n'estoit point par la grandeur de sa puissance : mais par les bien-faiçts d'autrui, qu'elle se maintenoit en son ancienne authorité, on ne peut dire qu'elle n'ait fait bresche à sa liberté, bien que les Romains autrefois se soient deliurez de la main des Gaulois par argent, qui est vn appointement assez mal hōneste : mais puis que sous l'Empire des Césars, ni les Marseillois, ni ceux qui estoient en leur protection, & vassellage, n'ont iamais receus les Preteurs Romains, comme nous dirons tantost. Ils ont retenu vne liberté plus entiere que les Romains : lesquels sans aucune cōsideratiō d'age, esgard de dignité ou d'innocence, à mesure que par leurs richesses, & grandeur, ou par leur esprit, aiguisoient le desir de l'Empereur,

ou'augmentoiet sa crainte, se voyoiet meurtris comme victimes. Que si les villes libres aujourdhuy vouloient reprocher aux Marseillois, qu'ils n'ont pas conserué ceste liberté, qu'on se resouuienne qu'il est beaucoup plus deplorable que les Romains qui ont autresfois dominé sur tout le reste du monde soient maintenant eux mesmes sous le ioug. On vit depuis la mort de Cesar, Marseille en tel estat, qu'elle sembloit entierement aneantie : toutesfois elle n'en valut que mieux, & Cicéron pour faire de l'enuie à Antonius, & à ceux du parti de Cesar, la louë fort, comme nous auons monsté cy dessus, alleguant à ce propos les Philippiques. Strabon qui peut auoir veu Cesar, & Cicéron en vie, met qu'à la verité les Marseillois en ceste guerre ciuile ne perdirent pas peu de leur puissance : mais neantmoins qu'il leur demeurent encor' plusieurs vestiges, & tesmoignages de leur ancië bon-heur. Et cela n'est point cōtraire à ce qui a esté dit ci dessus d'Orose, sçauoir qu'ils auoient tout perdu, excepté la liberté : car si bien la ville fut mise au pillage, & plusieurs de leurs galleres furent perdues plusieurs milliers d'hōmes y moururent par faute de bled, & par la rigueur de la peste, si est-ce que leur gouuernement demeura en son entier. Auparauant, dit-il, toutes choses leur rioiet, & tout leur venoit à souhait, tant pour autres choses,

que



que parce qu'ils estoient amis des Romains, dont il se pourroit apporter plusieurs tesmoignages, voire mesmes iusques là, que les Romains firent porter à Marseille vne statue de Diane, semblable à celle qui estoit au mont Auentin. Mais depuis les contentions de Cesar, & Pompee, elle ayant fauorisé le parti le plus foible, se vit presque descheute de sa premiere prosperité. Il n'est pas toutesfois qu'il ne luy soit demeuré quelque marque de son ancienne vertu, & principalement pour la fabrique des machines, & equipage de toutes choses necessaires pour la mer. Dõques si biẽ Marseille a perdu vne bonne partie de son bõ heur, elle a neantmoins si bien conserué ses forces, & sa reputation, qu'au rapport de Stephanus, Autheur Grec, qui a escrit apres ceste desconfiture, elle a esté appelée la terreur de l'Europe. Marseille, dit-il, ville de la Ligustique en la Celtique, Colonie des Phocenses, terreur de l'Europe. Nous repeterons ici ce qui a esté desia mis ci dessus qu'on ne toucha point aux loix & ordonnances des Marseillois, qu'ils auoient establies des la fondation de leur ville, qu'on leur permist d'observer: si que leur ville, & les peuples qui estoient en leur protection, & de leurs dependances, ne furent iamais contraints d'obeyr aux Lieutenans des Prouinces. A quoy ne cõtrarie point ce que met Cesar au liu. 1. des guerres de la Gaule,

Gaule, que les Suiffes estoient les plus puissans, & renommez de toute la Gaule : car les Marseillois, & autres peuples voisins, & principalement ceux qui sont es bords de la mer, ores qu'ils soient Gaulois Celtes, ils n'ont rié en toutesfois de cōmun avec les autres Gaulois, comme nous avons dit en plusieurs endroits, ce qui se peut neantmoins confirmer, parce que les Romains assiste des Marseillois, triompherēt des Gaulois de deçà les Alpes. Au reste il est vray semblable que Marseille, mesmes apres le siege fut fort abōdante en richesses, puis qu'entre les citoyens, le Mēdecin Crinas esgaloit les richesses de plusieurs Rois : car il laissa pour refaire les murailles de la ville cent fois cēt mille sesterces, comme nous dirons cy apres, & autant pour en bastir d'autres. Il n'est donc pas du tout veritable ce que Dion Cassius escrit au liu. 41. que Cesar ne laissa rien pour tout aux Marseillois que la liberte. Au demeurant les Romains ne laisserēt pourtāt de leur estre amis, ainsi qu'il a esté dit au ch. 14. Et apres la mort de Cesar, les Marseillois furent à Rome, demander ce dont il les auoit priuez. Ciceron les assista de tout son pouuoir, cōme a remarqué M. Maturantius sur la huiētiesme Philip-pique, ce que Ciceron, dit-il, sēble auoir touché en l'vne de ses epistres *ad Atticum* : tu rēds aux Marseillois ce qui leur appartient. Peut estre

estre que par la force des armes , on pourroit leur rēdre ce que ie ne sçay point à quel titre nous le possedōs:mais de ta priuee autorité tu ne le peux. Dauantage les Romains souloient reduire en forme de Prouince les pays par eux subiugués.Dont les vnes estoiet provincōsulaires,ou consulaires,quelques vnes Pre-sidiales,& plusieurs Pretoriennes, parce qu'o y enuoyoit des Consuls,Præsidents , ou Pre-teurs pour les gouverner. Or entre les autres ceste Gaule estoit Pretorienne, & neātmoins Marseille seulemēt,& Nismes n'estoiet point subiettes aux Preteurs , comme est rapporté par Alexandre d'Alexādre,apres Strabon l.2. c.27.& comme villes libres elles vserent toutes deux de leurs loix , & coustumes. Il faut croire que c'estoit pour l'ancienne amitié , & alliance qu'ils eurent avec les Romains , & pour leurs bonnes mœurs , & ordonnances: bien que Nismes encore depuis peu d'annees estoit regie , & gouvernee selon le droit des Marseillois , & estoit de leurs dependances, ausquels Pōpee ottroya le territoire des Volques,entre lesquels estoient les Nitiobrigiēs:(c'est le paysd'alentour,Nismes, Montpelier, & Vzez)dōt au temps des guerres de la Gaule Theutomat fils d'Ollouicō,estoit Roy,selō mesme le tesmoignage de Cesar : car Nismes ville Metropolitaine des Arecomiques, l'une des meilleures villes de ceste contree , auoit  
sous



sous sa protectiō & manutētion vingtquatre villages, qui produisoient tous des hommes fort valeureux au faict des armes: cōme escrit Strabon, Spartian, & Baptiste Egnatius au l. i. des Princes Romains, ont remarqué qu'Antoninus Pius l'Empereur estoit sorti de Nismes du costé de son pere. Nous pourrons encores rapporter vne raison qui n'est pas des plus foibles: pourquoy les Romains n'esbrecherent point les loix, vs, & coustumes des Marseillois, ni des autres Prouençaux, & ne se porterent point, cōme vainqueurs en leur endroit: mais conseruerent leur amitié, comme cōféderez, & les gratifierent en tout ce qu'il leur fut possible: car si Marseille semble estre assise, comme par destin, comme dit Ciceron, en lieu d'où elle peut empescher que les Gaulois n'offensent les Romains, si elle a souuent destourné les desseins, & irruption des Gaulois, & empesché qu'ils ne se soient iettez en Italie, si les Prouençaux possedoient vne grande partie des Alpes maritimes, & Grecques, qui seruent de barrieres à l'Italie, si en fin les Romains par l'assistance, & puissance des Marseillois, ont subiugué les Gaulois de deçà les monts. Il n'y a point de doute, si les Romains se fussent portez à l'endroit des Marseillois, comme vainqueurs, qu'ils eussent oublié leur ancienne amitié, & alliance, & les bien faicts qu'ils en auoient receu, que les Marseillois

auec

avec les Prouençaux ne se fussent iettez en Italie avec les Gaulois, & ceux là eussent procuré l'entiere ruine de l'Empire Romain, qui auparauât le defendoient des armes des Gaulois. Il nous appert donques par là, combien puissante autresfois a esté la Republique des Marseillois, & combien leur alliance, & amitié a esté profitable aux Romains: & pourtant à combien iadis puissant peuple nostre Roy maintenant commande. Je dis aux Marseillois, & peuples voisins, & à tous les autres Gaulois, c'est à dire aux ennemis du peuple Romain, toutes les quelles nations, si auant la subiugation des Gaules se fussent allies, & iointes ensemble, elles eussent enuahy l'Empire Romain, ou du moins eussent subiugué toute l'Italie, ce que les Romains mesmes ont redouté plusieurs fois, à qui le seul nom Gaulois donnoit de la crainte, comme les Histoires le nous enseignent, & l'euénement nous le fait iuger. Saluste à la fin de la guerre de Iugurtha, dit que les Romains combattoient avec tous les peuples pour l'honneur, & la gloire: mais qu'avec les Gaulois ils disputoiēt de la vie. Et à cela ne contrarie point ce qu'on dit que les Romains apres la prise de Marseille enuoyerent des Colonies en Prouence: car ils n'en enuoyerent que fort rarement, & ce ne fut point pour les tenir en deuoir: mais seulement afin que les soldats Romains eussent

ent moyen de se loger mutuellement en ceste  
prouince, comme il a esté desia dit cy dessus.

*Quelle partie des Gaules les deputez des Marseil-  
lois ont voulu dire que Cesar leur  
auoit attribuees.*

## CHAP. XXXIX.

**M**Ais il nous faut maintenāt esclaircir ce  
doute: comment les deputez des Mar-  
seillois aduouēt que Cesar ayant subiuguē  
es Gaules, il les leur auroit attribuees, & au-  
mētē leurs reuenus, puis qu'il est plus qu'as-  
suré que toutes les Gaules ne furent iamais  
angees sous leur domination. Cela me sem-  
ble à la verité vn peu scabreux: toutesfois il  
e pourroit dire que Cesar homme fort libe-  
ral leur auroit attribué, c'est à dire donné en  
son les Gaules, afin qu'il fust estimé estre plus  
liberal en dons que Pōpee auoit octroyé aux  
Marseillois les lettres des Volques, Arecomi-  
ques, & Heluiens: & ne pouuāt supporter en  
cest ardent desir de gloire d'estre inferieur en  
ce subiect, il est croyable qu'en ceste largesse  
il voulut prendre augure de vaincre Pōpee:  
au moyen duquel bien-faict il s'attendir que  
les Marseillois se desgageroiēt de la foi, qu'ils  
moient par vne fort longue suite d'annees  
gardee aux Romains, & que Rome se mou-  
uant bien tost apres l'oppression, ils abandonnerent.



roient la Republique, & le peuple Romain pour le renger de son parti. Or il faut prendre les Gaules que Cesar octroia aux Marseillois depuis Martelle iusques vers Lyõ, & du costé de Septentrion : car Põpee leur auoit designé le territoire des Volques, Arecomique & Heluiens, c'est à dire iusques aux monts Pirenees, & du costé de l'Occident, comme il a esté dit au c. 15. Car pour toute ceste partie des Gaules qui est du costé du Leuant vers Genes, & qui prend fin aux Alpes regardant au Septentrion, & au midi, s'estend iusques à la mer, (dont les peuples estoient appelez Salyens, & les mōtagnars d'entre eux Albique par Cesar.) Les Marseillois l'auoiēt eux-mesmes conquise sans aide ni secours d'autrui. Neantmoins que Pompee ait beaucoup plus donné en don aux Marseillois que Cesar, il en peut apparoir, d'autant que Pompee auoit subiugué plusieurs nations depuis les Alpes iusques aux frontieres d'Espagne, comme le tesmoigne aussi vne vieille inscriptiõ trouuee puis n'aguere à Rome, & laquelle nous auõs extraicte d'un liure des obseruatiõs antiques de Gabriel Simeon, escrit en Italien, *Pompeiu sicilia recuperata, Africa tota subacta, magni nomine inde capio, ad solis occasus transgressus, exacti in Pyreneotropheis, oppida DCCC. LXXXVI. ab alpihus ad fines Hispaniæ redactis, Sertorium domuit bello civili extincto, iterum triumphales curru eque.*

*ques Romanus indixit. Deinde ad tota maria & solis ortus missus non seipsum tantum, sed patriam coronavit.* D'auantage les Tectosages, entre lesquels sont les Tholosains, sont compris, sous les Volques. Mais le tesmoignage que Cesar mesmes rend de sa liberalité, est de moindre poids, ores qu'il faille le receuoir: car il subiuqua le reste des Gaules du costé du Septentrion, par le moié des Marseillois, & de leurs forces, & la liberalité qui s'en ensuiuit, doit plustost estre repute'e recompense, que liberalité. Toutesfois tous ces dons & munificences n'eurent point tant d'effect, que de leur faire suiure le parti de Pópee, eux qui ne vouloient point espouser le parti ou de l'un ou de l'autre. Quad à la suite des anne'es du Royaume, & Republique des Marseillois, depuis la fondation de la ville iusques au siege de Cesar, nous en parlerons à la façon des Chroniqueurs, au ch. premier du Catalogue Chroniqué, c'est à dire au 7. liure.

---

*Des hommes illustres Marseillois, & premierement de Crinas le Medecin.*

## C H A P. X L.

**M**Ais considerant les colleges tres-fleurissans des Marseillois, & l'Academie, dont a esté parlé cy dessus. Je m'esmerueille fort comment se sont perdus tant de liures

180 LES ANTIQVITEZ DE LA  
d'Autheurs Marseillois , dont il ne nous demeure que le nom dans les œuures d'autrui. N'est ce pas aussi chose de laquelle on se doit esmerueiller , qu'il soit faite mention des petites villes de la Grece, & d'Asie, dās les liures d'un bon nombre d'Autheurs , qui sont paruenus iusques à nous , & que les gestes signalez de ceste ville-là, qui ont esté tres-celebres par tout le monde , & auoient esté fort diligemment redigez par escrit par ses Citoyens, soient maintenant ( s'il le faut ainsi dire ) entierement arrachez de la memoire des hommes. Qu'est-il aussi deuenue ce grand Cosmographie Eudimenes, auquel estoient cogneuës les mœurs de plusieurs nations , & les villes: mais bien qu'est ce qu'il nous est demeuré de Pytheas, Tymarchus , Androcides, Tarchon, Aristocles, Mecnemius, Aristodemus , Hyparchon? le n'en veux pas reciter dauantage, puis qu'en un si grand nombre qui se presente, nous trouuons qu'il y a mention dās Hippocrate, & Pline, de quelques fameux Medecins, & autres Philosophes, & Cosmographes dans le mesme Pline , & Senèque. Donques selon Pline, liu. 29. chap. 1. Crinas le Medecin fut tres-riche, & trespuissant, & tenoit le premier rang entre les citoyens : car recitant les Medecins, qui depuis Hippocrate ont tenu le haut bout en ceste science, premierement en Grece, & depuis en Italie, voire mesmes à Rome,



me, il semble nous vouloir dire que ce fut en fin vn certain Theſſalus : mais que peu après Crinas le Marſeillois luy raut par maniere de dire toute ceſte réputatiõ, parce qu'il n'eſtoit pas ſeulement grand Medecin: mais auſſi auoit vne grande cognoiſſance des Mathematiques. Theſſalus, ce dit Pline, fut encore de ce ſiecle là ſous l'E m pereur Neron, lequel oſa bien abolir toutes les ordonnāces, & traditions des anciens Medecins, & pouſſé de certaine rage à meſdire d'eux : ſi c'eſt avec prudence, & iugement, il en peut aſſez apparoir par ſon monument qui eſt au chemin d'Appius, où il ſe nomme ſimplement *ιατρός*, c'eſt à dire le Medecin. Il n'y auoit batteleur, ni comœdien, ni chartier; conduiſant trois cheuaux, qui paruſt en public mieux accompagné, lors que Crinas Marſeillois, ioignant la Medecine avec les Mathematiques, comme plus prudent, & plus religieux, ordonnant le boire, & manger, ſelon le cours, & mouuement des Aſtres, & obſervant: les bõnes heures, fit perdre toute la raputation à Theſſalus, & luy fut en grande eſtime. Il n'y a pas long temps qu'il laiſſa cent fois cent mille ſeſterces pour refaire les murailles de la ville, & autant preſque pour en baſtir d'autres. C'eſt ce qu'en dit Pline, dont il nous appert que Crinas a eſté grand Philoſophe, Mathematicien, & fort ſçauant en Aſtologie, & qu'il a

182 LES ANTIQVITEZ DE LA  
gouuerné les destinees du peuple Romain,  
pour parler avec Pline sous l'Empire de Ne-  
ron, pour la grande, & parfaite cognoissance  
qu'il auoit de ces sciences. Au demeurant  
cent sesterces, ou cent fois cent mille sester-  
ces, à faire valoir l'escu trente cinq sols, selon  
la computation de Budé, viendroient à deux  
cens cinquante mille escus d'or, & selon no-  
stre temps, auquel l'escu vaut soixante sols,  
reuiendroient à cent quarante cinq mille  
huiet cens trente trois escus vn tiers.

Je veux bien dire en passant qu'Anthoine  
du Pinet qui a traduit Pline en François, est  
vn grand discoureur, lequel en ses portraicts  
des villes, apres Pline a detracté effrontemēt  
d'vn homme que toute l'antiquité a fort loué  
& prisé: car du Pinet deuoit prendre garde à  
cela, que Pline Autheur Romain, à la façon  
du pays a mesdit d'vn hōme Gaulois, lequel  
il eust mis au nombre des Dieux, s'il eust esté  
Romain comme luy: Pline deuoit blasmer  
l'auarice des Medecins sans en despriser l'art,  
ou detracter d'vn si grand personnage, dont  
il a voulu obscurcir le nom, & la memoire,  
aussi peu deuoit-il mesdire de Carmidas  
Marseillois, duquel nous parlerōs tout main-  
tenant, & de quelques autres Medecins, qui  
ont esté des plus fameux, & renommez en  
leur art.

*De Carmidas Physicien Marseillois.*

## C · H A P. XLI.

**E**N ce mesme temps parut Carmidas , ou Carmis aussi Marseillois, fort grand Philosophe, lequel reprouuant les opinions d'Erasistratus, Chrysippus, Asclepiades, Themison, Diocles, ( que Galene reprend tous presque en trois cens endroits ) & autres anciens Medecins , qui abusoient le pauvre peuple ignorant. changea, & la maniere , & façon de guairir à Rome. Ce ne fut pas sans grand cōtredit de tous les autres Medecins, qui estoient en la ville, soit Grecs , Ægyptiens ou Latins, tant estoit grande son erudition , eloquence, & autorité semblable du tout à celle de Crinas. Pline les nous tesmoigne aussi au liu. 29. chap. 1. presque en ces mots. Ceux-là gouvernoient les destinees, lors que soudain Carmis vint de Marseille à Rome, lequel renuersa non seulement la maniere de proceder des anciens Medecins : mais aussi defendoit les bains, & les estuues : & vouloit qu'on se baignast en eau froide, mêmes en plein hyuer, & ne craignoit point d'ordonner à ses malades des bains d'eau froide. I'y ay veu des vieux Senateurs, ayans esté autresfois Consuls , qui transsissent de froid en leurs bains, & neantmoins les enduroient pour se monstrier enco.



184 LES ANTIQVITEZ DE LA  
re frais, & gaillards. Mesmes il se trouue en-  
core vn traité d'Annæus Seneca sur ce fait, où  
il approuue grandement ceste procedure.  
Cœlius Rhodiginus en fait aussi mention au  
liu. 6. c. 8. & au liu. 23 ch. 34. de ses anciennes  
leçons, & Plutarque en la question 1. du li. 1.  
des propos de table, Pline au lieu preallegué,  
dit que Carmis eust autresfois d'un malade  
deux cens sesterces, c'est à dire selon nostre  
monnoye deux mille neuf cens seize escus  
deux tiers, à raison de soixante sols piece,  
taxant, & blasmant l'auarice des Medecins.

---

*De Pythias, ou Pytheas Philosophe, &  
Cosmographe Marseillois.*

#### CHAP. XLII.

ENTre les Autheurs issus de Marseille,  
Pythias s'offre ici le troisieme, lequel  
selon le témoignage de Senecque nous a re-  
presenté la Cosmographie aussi naïfvement  
qu'autre fit onques : neantmoins Strabon au  
liu. 4. & 7. a voulu dire qu'il auoit erré, ou  
plustost menti en la description de l'Isle de  
Thule, & de celle de la Bretagne, ou Angle-  
terre, & du bord de l'Ocean. Pline en fait  
aussi mention au liure second, chap. 77. & ch.  
103. où il recite ce qu'il a laissé par escrit. Il  
en a aussi mention dans Plutarque qu'il ap-  
pelle Pytheas, au liu. 3. ch. 17. des opinions  
des

VILLE DE MARSEILLE. 185  
des Philosophes, où il cite son opinion sur le  
flux, & reflux de la Mer.

---

*De Demosthene Medecin Marseillois.*

C H A P. XLIII.

**I**L y eut vn excellent Medecin Marseillois  
appellé Demosthene, qu'Asclepiades en-  
suiuit en la cure de l'anthrax, ou charbon, à  
ce qu'en rapporte Galen. au liu. 5. de *compos.  
medicament. per genera*, lequel aussi approuue  
presque par tout sa formule, ou maniere de  
proceder. Il fait encores mention de Demo-  
sthene au liu 5. de *compos. medicam. sec. loc.* que  
personne ne doute que ce ne soit vn mesme.  
Et pourtant il ne faut point douter qu'il n'ait  
beaucoup escrit en medecine, & principale-  
ment touchant la guerison du charbon, qui  
est vne maladie particuliere à la Prouince  
Narbonnoise, comme nous dirons ailleurs.

---

*Du Cosmographe Eudimenes Marseillois.*

C H A P. XLIV.

**I**L se presente encore ici le quatriesme Eu-  
dimenes Cosmographe, qui estoit en gran-  
de reputation au temps de Pytheas, & qui est  
cité par Seneque au liu. 4. ch. 2. des questions  
morales traitant du Nil.

*De Pacatus, & Oscijs, Rhetoriciens Marseillois.*

C H A P. XLV.

**L**A reputation d'Oscius Rhetoricien Marseillois est paruenue iusques aux derniers coings de l'Italie, bien que Seneque ne l'ait pas estimé assez eloquent : car en la declamation premiere du liu. 10. discourant des Rhetoriciens. Oscius, dit-il, n'a pas mal dit : mais il nuit à soi mesme, en ce qu'il ne dit rien qui ne soit accompagné de quelque figure, son oraison n'estoit pas figuree : mais tortue, & pourtant Pacatus le Rhetoricien eut bonne grace, quand vn iour l'ayant rencontré à Marseille, le salua d'une figure : le pourrois, dit-il, dire Dieu te gard Oscius, & quand à luy il s'en faloit beaucoup qu'il ne fut eloquent, & sembloit estre né pour donner de mauuaises impressions d'un chacun : car il ne dit jamais rien d'aucun, qu'il ne le peut eiter sans ce mesdisant. Pacatus estoit réputé Latin, que les Romains enuoyerent à Marseille, pour dresser des colleges, où l'on apprendroit le langage Latin, ce qui fut fait aux autres Prouinces des Gaules, afin que par ce moyen les peuples subiuguez par les Romains, leur rendissent plus d'obeyssance. Je pense que c'est ce Pacatus qui fut appelé Grammaticus, & surnommé Minutius, lequel



VILLE DE MARSEILLE. 187  
quel aescrit des dictions tragiques, & comi-  
ques, & de la propriété, & particularité de la  
langue Attique, & Dorique.

---

*De Telon Astrologue, & Gyareus Marseillois.*

C H A P. XLVI.

**N**Ous voulons ici de propos deliberé re-  
peter quelque chose de Telon, & Gya-  
reus, puis que leur eruditiõ, & l'amour qu'ils  
portèrent à leur patrie meritent d'estre re-  
petez, & redits souuent. Telon au temps de  
Iules Cesar ayant vne grande cognoissance  
des Astres, souloit preiuger par l'aspect du  
Soleil, ou de la Lune, si le iour ensuiuant de-  
uoit estre beau, ou pluuieux. Lors que Mar-  
seille fut assiegee par Cesar, il estoit patron  
d'une gallere, lequel ayant esté blessé par les  
gens de Cesar; aussi tost sa gallere se renuer-  
sa: sur laquelle Gyareus son compagnon s'e-  
stant ietté pour la redresser, il fut cloué de  
coups de traiçts lancez de la part des Ro-  
mains contre la poupe. Lucain au liu. 3.  
descrie leur mort, comme beaucoup dom-  
mageable aux Marseillois. C'est assez d'auoir  
inferé ces vers cy dessus au ch. 32.

---

*De Menocrates, Iuge des Marseillois, &  
Zenotemus,*

C H A P. XLVII.

IL ne fera point aussi hors de propos de repeter ici ce que nous auons dit de Menocrates au chap. 9. Il estoit riche, & opulent de noble extraction, a qui on portoit beaucoup d'honneur, l'un des Magistrats de Marseille, lequel pour s'estre laissé corrompre par argent, ou pour auoir mal iugé, fut priué de tous ses biens, & noté d'infamie. Il eut vne fille appelée Cydimacha, laide, & difforme, qu'il auoit donnée à Zenotemus Marseillois, homme fort beau, & riche, qui secourut de ses moyens son beau-pere en l'extremité de son affliction.

---

*De S. Lazare premier Euesque de Marseille.*

## C H A P. XLVIII.

Ceux dont nous auons parlé cy-deuant, estoient auant l'aduenement de Iesus-Christ: mais puis qu'apres la redemption du salut des hommes, il y a eu quelques renommez personnages pour leur doctrine, que pour leur bonne vie. Nous auons trouué fort à propos d'inferer ici tout ce que nous auons recueilli de bons Autheurs, donques nous apprenons de quelques histoires que S. Lazare, celui qui fut resuscité des morts, apres que les disciples du Sauueur se furent diuises des pays pour y prescher l'Euangile, vint aborder à Marseille, & qu'il y prescha Iesus-Christ.

Christ. Ce fut le fruit de sa predication que de voir la foy bien establee aux bords de la Prouince, comme Nathanael la vit à Bourges, & à Trieues, Saturninus parmi les Tectosages. Il n'ay rien trouué de sa vie, ni de sa mort. Il est vray semblable qu'il gouuerna son Eglise avec vne sainte simplicité de vie, & sincerité Apostolique.

---

*De S. Honoré Euesque de Marseille.*

# CHAP. XLIX.

**S** Aint Honoré Euesque de Marseille, & Docteur renommé, estoit du temps de Gennadius, qui le met entre les escriuains Ecclesiastiques, & d'auantage dit qu'il pouoit prescher tout sur le champ sans s'interrompre aucunement, & qu'il preschoit avec vne grande liberté, & hardiesse, dit encore qu'il auoit composé quelque chose à la façon des homelies, pour maintenir la foy & refuter les heretiques, & qu'il auoit recueilli les vies des Peres, & principalement de son nourricier Hilaire Euesque d'Arles. Lupus l'un des plus notables Docteurs de la France, & qui apres fut appelé pour aller regir l'Eglise de Troye, l'auoit ouy enseignant en l'Isle de Lerin, de laquelle nous parlerons ailleurs. L'auoit encore ouy certain vieillard appelé Caprasius, qui a escrit quelque chose,



se, peu toutesfois, & nous souuient auoir veu le liure escrit à la main, entre les mains de Iean de Nostradamus, & ne faut point s'estonner si S. Honoré prit vne si grande peine à la predication de l'Euangile : car il sçauoit que l'Euesché n'estoit pas pour des oisifs, & fai-neants : mais bien pour gens qui trauailloient. Aucuns veulent dire qu'il a esté Euesque d'Arles, l'opinion desquels se trouue refutée par ce que Gennadius son contemporain en escrit. Quant à moy ie croirois, qu'il auroit esté puis apres appellé pour estre le chef de l'Eglise d'Arles, ce que mesme nous tesmoignent quelques anciens memoires, & documens qui sont en la ville d'Arles.

---

*De Grecus Euesque de Marseille.*

C H A P. L.

**G**Recus Euesque de Marseille, estoit bien Docteur: mais il ne se trouue rien de lui. Sidonius Apollinaris le reprend en l'epistre quatriefme du liu. 7. pour auoir fait la paix avec les Goths, & pource qu'il estoit plus soigneux de ses affaires particulieres, que du public. Il y a plusieurs epistres à luy de Sidonius. Il receuoit beaucoup de tort de ses freres, comme il se peut voir en certaine epistre du mesme Sidonius.

*De Cassian Docteur Marseillois.*

## C H A P. LI.

**C**Assian, Scythe de nation, comme l'escrie Gennadius, citoyen de Constantinople, & ainsi que luy semble le dire à la fin du l. 7. fut Moine en la Palestine. Il fit plusieurs longs, & fascheux voyages, comme il escrit luy-mesme, il s'en alla en Palestine, Mesopotamie, & Cappadoce, il visita l'Egypte, & alla iusques au desert de la Thebayde & iusques à l'embouscheure du Nil : il parcourut tous les deserts de la Scythie, pour le desir qu'il auoit d'apprendre, il fut disciple de S. Chrysostome, lequel le fit Diacre, comme dit le mesme Gennadius : il s'en alla depuis à Marseille, où il a esté recognu Autheur fort celebre, comme l'escriuent aussi Gennadius, & Prosper, il estoit des plus eloquës, & mieux versez és saintes lettres, & fort capable en la dispute. Il a escrit de l'institution, & façon de viure des Monasteres, & de l'origine des huit principaux pechez, de leur qualite & remedes, à Castor Euesque, vingt quatre liure des conferences qu'il eust avec plusieurs en son pelerinage, sept liures de l'incarnation de nostre Seigneur. Il disputa fort contre Nestorius, Prosper le reprend, touchant ce qu'il a escrit du liberal arbitre : car il soustint l'opinion

192 LES ANTIQVITEZ DE LA  
l'opinion des Pelagiens, qu'il accreut grandement, il a'tera la doctrine receuë de la Penitence, & enseigna plusieurs choses contraires à la parole de Dieu, & en fin mourut à Marseille sous l'Empereur Theodose, & Valentinian. Il viuoit l'an du Sauueur 437. Cassiodore dit, qu'il faut lire ses escripts sagement, le Pape Gelasius au Canon *sancta Romana Ecclesia*, de la 15. distinction les a declarez apocryphes. Gennadius au catalogue des homes illustres, dit qu'Eucherius Euesque de Lyon auoit reduit en epitome quelques vns de ses liures. On croit à Marseille des long temps, que Cassian a fait bastir ce grand edifice qu'on appelle l'Abbaye S. Victor: toutesfois Paradin escrit que ce fut Estienne Roy de Bourgogne. Je tiens ces deux opinions vn peu suspectes, l'vne, tant parce que les Moines de ce temps-là, & principalement les pelerins estoient fort pauvres, qu'encore pour la façon du bastiment, & d'autant qu'il est fort entier. L'autre parce que plusieurs estiment que faussement Estienne a esté mis entre les Rois de Bourgogne.

---

*De Polycarpus Euesque de Marseille.*

### CHAP. LII.

Vincens, liu second, ch. 191 & 193. escrit que certain Polycarpus fut enuoyé par l'Euesque



l'Euesque d'Eureux à Marseille, & à Valence, pour assembler les Eglises l'an du Sauueur 113. le. 13. du regne de l'Empereur Adrian, aucuns escriuent qu'apres : durant sa vie il prescha la parole de Dieu en l'Eglise de Marseille.

---

*De Petronius Arbiter, Marseillois.*

### CH A P. LIII.

Entre les escriuains Marseillois fut aussi renommé apres l'aduenement de Iesus Christ, Petronius natif de Marseille, à reprendre les mœurs, vehement, & plaissant tout ensemble, il mettoit des railleries avec les choses serieuses, & pourtant fut surnommé Petronius. Sidonius Apollinaris l'a fort loué. Il a escrit des liures de Satyres, que nous auons encore auiourd'huy. Macrobius au liu 1. c. 2. sur le songe de Scipion, parlant des fables que la sacree Philosophie abhorre, dit que ce Petronius s'estoit exercé à de feintes & controuuees descriptions d'amour. Petrus Crinitus au liu. 4. c. 13. *de bon. discipl.* dit que les vers qu'ils a faits de la Cigongne ont fort bonne grace.

---

*De Gennadius Orateur, & Theologien Marseillois.*

### CH A P. LIV.

**G**Ennadius aussi Prestre estoit natif de Marseille, homme sçauant és langues Grecques, & Latine, qui nous a laissé vn petit liure des hommes illustres escrit fort elegamment, S. Hierosme en ses Chroniques, escrit qu'il auoit esté auparauant grand Aduocat à Rome, sçauoir aux Olympiades 283. & 284. auquel temps Mineruius Rhetoriciẽ de Bordeaux, enseignoit à Rome avec grãd applaudissement. Gẽnadius a escrit aussi huiẽt liures contre toutes les heresies, & six liures contre Nestor, onze contre Eutyches, quatre contre Pelagius, vn traicté de mille ans sur l'Apocalypse, & vne epistre de la foy, & encore vne autre epistre de sa croyance particuliere à Gelasius, de l'heresie de mil'ans au rapport de Trithemius, il viuoit sous l'Empereur Anastase, l'an de nostre Seigneur 490. Il estoit aussi en grande reputation sous les Empereurs Leon, & Zenon, au temps d'Eucherius Euesque de Lyon son contemporain, duquel nous parlerons tantost apres.

---

*De Claudius Marius Victorinus Rhetoricien  
Marseillois.*

## C H A P. L V.

**V**ictorinus le Rhetoricien, estoit Marseillois, ainsi que l'ont escrit Gẽualius, Honorius, & Trithemius, & c'est de celuy-là, dõt a esté tiré vn liure de l'Isle Barbe, sous le nom  
de

de Claudius Marius Victor (c'est vne Isle qui est au milieu de la riuere de Saone proche de Lyon.) Mais ce n'est pas celuy qui enseignoit la Rhetorique sous l'Empereur Constantin, & qui a escrit des Commentaires fort obscurs à la façon des Dialecticiens, contre Arrius, & sur l'Apostre. Il estoit natif d'Affrique selon le mesme tesmoignage du mesme Honorius. Dóques Claudius Marius Victor fut vn grád Rhetoricien, & Orateur à Marseille, fort sçauant tant aux bonnes que sainctes lettres, biẽ qu'il se soit meslé des lettres sainctes, estant desia bien aduancé en aage, & sans aide d'aucun. Il viuoit sous les Empereurs Theodose, & Valentinian, lors de la persecution des Vádales & Allains, enuirõ l'ã de nostre Seigneur 430. comme il se tire du 4. liure qu'il a fait sur la Genese. Il mourut en 439. cõme escrit Bergomensis. Les mesmes Autheurs rapportent que les Commentaires qu'il a fait sur la Genese ne passent pas la mort d'Abraham, desquels on trouua en ladite Isle quatres liures escrits en vers, & stile fort graues sur l'embrasement de Sodome, & Gomorre.

*De S. Eucherius Docteur Marseillois, & Euesque de Lyon, & de Pontius Paulinus Euesque de Nole.*

C H A P. LVI.

**E**Vcherius estoit en grande reputation à Marseille, tant pour son extraction, que



196 LES ANTIQVITEZ DE LA  
pour la cognoissance des lettres , qu'il auoit  
l'an de nostre Seigneur 430. pouruaquer plus  
librement à l'estude des sainctes lettres. Il se  
retira avec sa femme Galla, & ses filles Con-  
státia, & Iulia en vne petite maison qu'il auoit  
à Beaumont, trente milles de Marseille, apres  
la mort de l'Euesque de Lyon il fut appellé  
contre sa volonté au gouuernemēt de l'Egli-  
se de Lyon , en laquelle ayant presché la pa-  
role de Dieu il mourut sous les Empereurs  
Valentinian, & Martiā, l'ā de nostre Seigneur  
452. Il a escrit vne lettre monitoire à Valeria-  
nus son parent , du mespris du monde, & de  
la Philosophie mōdaine, & Veranius des for-  
mules de l'intelligence , ou cognoissance spi-  
rituelle. Il a escrit aussi vne epistre à Sallonius  
des plus ardues, & difficiles questiōs du vieil,  
& nouveau Testament, des noms Hebrieux,  
& diuers mots de l'Escriture, des fleuues , ou  
eaux, des solennitez, & ceremonies des idoles  
vestemēts, oiseaux, poids, & des noms Grecs.  
Le liure où il expliquoit en passant les noms  
de Dieu est perdu, & l'abbregé qu'il auoit fait  
des œuures de Cassiā aux enfans de Salonius  
& Veranius. De cet Eucherius font mention  
Gennadius Marseillois , duquel nous auons  
desia parlé au Catalogue des Autheurs illu-  
stres, & Trithemius, & plusieurs autres , tous  
lesquels toutesfois ne font aucune mētion du  
pays dont il estoit, excepté ie ne sçay quel  
Autheur

Autheur assez commun, dit Pierre de Natalibus, lequel escrit qu'il mena vne vie solitaire dessus la Durance, auant qu'il fut esleu Euesque, à quoy semble se raporter le rocher qui est au bord de la Durāce au terroir de Beaumont, qui a retenu avec toute ceste contree le nom de S. Eucherius, ioinct qu'en ce village il y a vne famille noble des Eucheriēs, que nous auons appris estre fort ancienne, par le moyen de quelque documents publiques. Il estoit contēporain de Victorinus Marseillois. Saluianus aussi luy escrit vne lettre. Erasme aux annotations sur l'epistre à Valerianus a voulu dire que Pontius Paulinus Euesque de Nole, duquel S. Hierosme louë l'esprit, & la facilité de parler, & nostre Eucherius qui estoient familiers & amis, sont sortis de mesme partie des Gaules : mais S. Ambroise en l'epistre 36. du liu. 6. met qu'il estoit natif d'Aquitaine.

---

*De Coruinus Orateur Marseillois.*

## C H A P. LVII.

**C**Oruinus aussi au rapport de Bergomenis, estoit Marseillois, il viuoit sous les Empereurs Theodose, & Valentinian, contēporain & familier de Victorinus, il a fait plusieurs liures sur l'Ecriture sainte.

*De Saluian Docteur Marseillois.*

C H A P. LVIII.

**S**Aluian Prestre de l'Eglise de Marseille, sçauant tant aux lettres humaines que diuines, a escrit beaucoup, son stile est elegant, & net, sçauoir 3.liures à Marcellus du bien qu'apporte la virginité, quatre liures contre l'auarice, cinq liures du iugement present, vn liure à l'Euesque Salonius sur la Genese, vn liure des six iours, beaucoup d'Homelies aux Euesques: plusieurs des sacrements, comme escrit le mesme Honorius, il viuoit, l'an de nostre Seigneur 443.

*De Museus Docteur Marseillois.*

C H A P. LIX.

**M**Vseus Prestre Marseillois, bien versé en l'Ecriture sainte, a escrit sur quelques parties des Pscaumes conuenables au temps, & quelques Homelies, ainsi que dit le mesme Honorius. Au demeurant, puis que nous auons fait mention de quelques Prestres, ie diray en passant qu'on appelle *προβυτερος* en Grec, & *Seniores* en Latin, ceux qui surueillēt avec l'Euesq; sur le troupeau de Iesus Christ: & pourtāt ils sont aussi appelez *Episcopi*, c'est à dire Surueillans, & ont le soin de faire conseruer



seruer en s'entier la discipline Ecclesiastique. Autrement ce n'est qu'un titre vain. Et parce que nous auons touché cy dessus des hommes illustres, nous pouuons inferer que les lettres ont demeuré en leur entier, tant en Prouence qu'à Marseille, iusques à l'irruption des Goths & Vandales.

---

*De Fulcon Euesque de Marseille.*

## C H A P. L X.

**F**ulcon ou Fulques Euesque de Marseille, estoit natif de Genes, fils d'Alphonse, riche marchand, lequel s'allant habiter à Marseille, le mena avec luy, estant encor fort ieune, où ayant esté bien esleué, & dressé aux bonnes lettres, il s'adonna fort à la poësie Prouençale, de laquelle on faisoit lors grand estat presque par toute l'Europe qu'il mettoit bien en vers des chansons, il estoit bien venu parmi les courtisans, & principalement il pleust à Beral des Baux, seigneur de Marseille, comme veulent dire quelques vns : & mesmes à Ildefons Marquis & Conte de Prouence, & à Richard secōd Roy d'Angleterre, qui se plaisoit aussi à la poësie Prouençale. Nous auons veu ses poëmes escripts à la main sur du parchemin, que Iean de Nostradamus l'un de nos amis auoit, & disoit auoir esté trouuez dās la maison d'Agoult, où entre autres fem-

200 LES ANTIQVITEZ DE LA  
mes illustres, il chante les louanges d'Adela-  
sie femme de Beral: apres la mort d'Ildefons,  
& Beral: ennuié des sollicitudes mondaines, il  
s'alla rendre moine en l'Abbaye de Cisteaux.  
Il fut apres Abbé du Toronnet en Prouence.  
En fin il fut esleu Euesque de Marseille en l'ã  
1204. & pour ce subiect fut appellé Marseil-  
lois. Bertrand en l'histoire de Tholose dit,  
qu'ayant grande reputation, tant pour sa do-  
ctrine que pour son eloquence, il fut fait Ar-  
cheuesque de Tholose: par Raymond Comte  
de Tholose, sous la permission d'Ildefons, en  
l'an 1205. & qu'il mourut en ceste charge.  
Toutesfois il n'a rien laissé par escrit sur la  
Theologie, plustost poète que Theologien. Il  
mourut en l'an 1231. Il est fort loué par Pe-  
trarque au triomphe d'amour, & par Dante  
& autres poètes Italiens.

---

*De Guillaume Angelic Medecin Marseillois, &  
Mathematicien.*

## CHAP. LXI.

**G**Villaume Angelic estoit, aussi Marseil-  
lois, professeur en Medecine, & grand  
Mathematicien, il mesloit les obseruations  
astronomiques avec la medecine en la cure  
des malades. Il a escrit vn liure *de vrina non  
visa* Jean Canivet qui auoit vne grande con-  
noissance de la medecine, & l'astronomie,  
Moine

Moine de Vienne en fait mention en son li-  
ure qu'il appelle l'ami des Medecins, diffe-  
rence 3. chap. 6. Je ne ſçay pas en quel temps  
il eſtoit, toutesfois il eſt certain que de luy à  
nous, n'y a pas plus de trois ſiecles.

---

*De Iean D'Auron Mathematicien Marſeillois.*

C H A P. LXII.

**C**Et homme fort renommé Iean d'Auron,  
pour la cōnoiſſance qu'il auoit des mou-  
uemens celeſtes, fut fort aimé de François I.  
pere des lettres. Il demeura preſque tout le  
temps de ſa vie à Paris en homme priué. Il eſt  
beaucoup à regretter qu'il ne nous ait rien  
laiſſé par eſcrit.

---

*Des Martyrs Marſeillois, & de la pureté de doctri-  
ne de l'ancienne Eglife de Marſeille.*

C H A P. LXIII.

**B**ien que ce ſoit noſtre deſſein de faire ici  
ſeulement mention de ceux qui ont laiſ-  
ſé à la poſterité leurs eſcrits, dont les vns ſont  
paruenus iuſques à nous, & les autres ſe ſont  
perdus par l'iniure du temps, ou pour mieux  
dire des hommes: toutesfois, puis qu'on ne  
peut laiſſer aucune plus digne memoire de  
ſoy, que l'exemple de bien & heureuſement  
vivre, apres auoir paſſé cete vie en toute ſain-



eteté, sans que iamais la crainte des tormens,  
 ou de la mort aist peu retirer de la foy Chre-  
 stienne pour embrasser l'adoration abomina-  
 ble des idoles, pourtant i'estime qu'il ne sera  
 point mal à propos de discourir ici du mar-  
 tyre, & de la constance de Victor Marseillois.  
 Donques estant luy en fort bonne reputatiō  
 entre les Celtes, ou Gaulois, pour le faict de  
 la guerre, il fut bien aimé des Empereurs  
 Diocletian, & Maximian: mais aussi tost qu'il  
 ne voulut point porter les armes contre les  
 Chrestiens, ni sacrifier aux idoles, il fut pre-  
 mierement emprisonné par le Tribun Aste-  
 rius, & apres par le commandement d'Euti-  
 chius, estāt attaché de petites cordes, les bras  
 torts, & renuersez, les pieds liez d'une corde:  
 il fut trainé par toute la ville, & ayant esté ex-  
 cédé à grands coups de baston, & coups de  
 nerfs de bœuf, ainsi qu'on luy mōstra l'Autel  
 pour sacrifier à Iupiter, n'ayant pas seulement  
 daigné le regarder, voire ayant ietté à terre  
 d'un coup de pied la statue qu'un Prestre luy  
 presentoit, il eut le pied coupé, & persistant  
 constamment en la confession, & croiance de  
 Christ, en presence de Maximian, il fut mis  
 sous vne meule de moulin, & ainsi froissé &  
 brisé, il fut fait martyr avec Alexandre, Feli-  
 cian, & Longin, & autres tres-constans mar-  
 tyrs, dōt fait mentiō Regino Abbé de Pruim.  
 & particulièrement Albanus, le martyr du-  
 que

quel Vincentius In Speculo louë par dessus les autres. Le mesme Vincens rapporte au li. 13.c. 7. & Antoninus Sabellicus rapportent, que Maximian fit vn edict qui fut publié à Marseille, par lequel il estoit enioint à vn chacun de sacrifier aux dieux, & de faire mourir tous ceux qui n'y voudroient entendre, & que par ce moyë on fit mourir plusieurs pour l'honneur, & la gloire de Christ. Sous lesdits Empereurs l'Eglise de Marseille estoit en grande estime entre les estrangers pour la pureté de sa doctrine: mais peu de tēps après là cōme en tout le reste des Gaules, plusieurs Saints, & graues personnages embrasserent l'opinion de Pelagius contre S. Augustin, ainsi qu'ont escrit Prosper, & Hilaire, tous deux d'Arles, en leurs epistres au mesme S. Augustin. Toutesfois aux siecles ensuiuans, leurs opinions se sont entierement dissipées, & esuanouyes.

---

*En quel temps Marseille perdit sa gloire,  
& son lustre.*

#### C H A P. LXIV.

**I**L semble qu'il est maintenāt a propos que nous discourions, quand, & commēt Marseille, tres-fleurissante ville, oubliant ses anciennes mœurs & ordonnances, & estant la face des choses changee, perdit son honneur, & sa gloire. Donques bien que par vne lōgue

suite

204 LES ANTIQVITEZ DE LA  
suinte d'ânees elle n'eust autre droict, & n'ob-  
seruaſt autres loix que les ſiennes, cōme nous  
auons dit cy deſſus, c'eſt à dire tant que l'Em-  
pire Romain demeura en ſon entier : toutes-  
fois deſlors que l'Empire de ſes amis, & alliez  
commença à deſchoir, le luſtre auſſi, & la gloi-  
re de Marſeille vint à ſ'obſcurcir, & eclipser.  
Il eſt bien vray que les Marſeillois preſque  
dès la fondation de leur ville deſpouillerent  
aucunemēt la courtoisie, & ciuilité Grecque,  
ce qui arriue bien ſouuent par le changemēt  
d'air, & de pays. Cn. Manlius Conſul Romain  
dans Tite-Liue au liu. 38. C'eſt ce qu'entre  
plusieurs autres choſes Manlius diſoit, exhor-  
tant ſes gens au cōbat contre les Gallo-grecs,  
l'an 398. apres la fondation de Marſeille, &  
149. ans auant qu'elle fut aſſiegée par Céſar,  
lors qu'elle eſtoit encor' en ſon entiere liber-  
té: mais ceſte Cité renommee par tout le reſte  
du monde nourrice des arts, & de toute ſorte  
de vertu, perdit entierement ſa reputation, &  
ciuilité, lors que les Barbares ſe ietterent dās  
la Gaule Narbonnoise : car depuis que les  
Bourguignons vindrent en Prouēce, qui fut  
l'an de noſtre Seigneur 414. & depuis l'arri-  
uee des Goths, qui fut en l'an 471. iuſques en  
l'an 530. Marſeille, & toute la Prouēce eſtoit  
tenue tantoiſt par les Bourguignons, tantoiſt  
par les Goths, & quelquesfois par les Sarra-  
zins, comme nous dirons au liu. 8. & par ainſi  
de ville



de ville Grecque qu'elle estoit; elle fut faite peu à peu barbare, & ne se parla plus d'as icelle des bonnes lettres & la memoire de toute ciuilité en fut effacee: car laissant à part la naturelle, & ancienne maniere de viure, on y commença de viure selon les loix, & constitutions de ceux qui y cōmandoient bien qu'è ce temps là mesme elle ne fut pas du tout descheuë de sa premiere gloire, comme met Agathias au li. i. de la guerre des Goths, peu de temps apres estant sous la domination des Goths, elle fut reduite en la puissance des Bourguignons, & Estienne leur Roy fit construire à Marseille vn Monastere qu'on appelle. S. Victor, comme l'a escrit Paradin au liure de l'ancienneté de Bourgongne, bien que l'on crie communement que ce soit S. Cassian qui la fondé, comme nous auõs dit cy dessus, c. 51. estât depuis reduites en la puissance des Comtes, les habitans ne pouuans souffrir vne seruitude nouuelle, resisterent à Raymond Berenguier, & Charles Cõte d'Anjou, & ainsi ayant esté assiegee, & prise par trois diuerfes fois elle perdit presque du tout ce qui demeuroit de son ancienne splendeur, & pourtant Alphonse Roy d'Arragõ n'eust pas beaucoup de peine à la prendre, & saccager, ainsi qu'escriuent Pandulphus Collenutius, au liu. 5. de l'histoire de Naples, Gaudentius, & Antoninus Sabellicus, desquels derniers sieges

nous parlerons plus au long cy apres. Elle a esté gouuernee par plusieurs Seigneurs apres les Vandales, Gots, & Sarazins qui s'ẽ estoieẽ cmparez, & s'est souuent trouue diuisee par les seditions que cauſoit l'ambition de deux Seigneurs qui disputoient de la preſeance, & principalement ſous Childeberr, qui auoit eu la moitié de la ville de Gōtran, Duc d'Orleãs ſon oncle, & Dinan lieutenant de Gontran en icelle, qui auoit priuẽ de ſa charge le Prelat Theodore, lequel toutesſois y fũt reſtituẽ par Gondeſile eſtant venu à Marſeille avec grandes forces, dont arriua que non ſeulement ceſte citẽ renommee perdit ſon ancienne gloire, & ciuilitẽ, toutes ſes forces, & tous ſes moyens: mais qu'auffi elle attira à ſoy les mœurs agreſtes des autres peuples circonuoifins du coſtẽ de la Mer, qui pour lors eſtoient moins ciuiliſez, iuſques à ce qu'elle fut vnĩe au Royaume de France par le teſtamẽt du Roy Renẽ, l'an de noſtre Seigneur 1471. Car elle reprit ſon ancienne valeur au faiẽt de la guerre, & s'adonna du tout au faiẽt de la marine, & ſe reposant ſur ſes forces ſe gouuernoit par bonnes, & louables loix, & couſtumes: car il y eut vn ſi grand nombre de bons, & vaillans hommes qu'elle pouuoit ſe defendre contre quiconque viendroit l'afſaillir ſans appeller perſonne à ſon ſecours. Elle attendit Charles de Bourbon qui ſe preparoit pour la  
venir

venir assieger, & l'ayant desia assiegee, le repoussa courageusement des murailles, & de son terroir, & elle estonna Charles le Quint Empereur quinze milles de la ville, la voyant si bien munie d'hommes, & de toutes choses necessaires à la guerre qui s'estoit promis de la raser iusques aux fondemens, & de mettre tout à sac. Ce n'est pas de nostre dessein de rapporter ici l'infortunee venue de tous deux & du malheureux succès qu'ils eurent en Prouence, soit que cela soit arriué apres le Roy René, ou soit qu'Antonius d'Arena de Souliers grand Iurifconsulte ait escrit l'histoire de Charles Quint en vers facetieux, & que Charles de Bourbõ n'aist rié faict en Prouëce qui soit digne d'estre couché dans l'histoire.

---

*De la guerre de Berenguiet Comte de Prouence contre les Marseillois, & du siege de la ville.*

### C H A P. LXV.

Toutesfois j'ay estimé que ce ne seroit point hors de propos de discourir par ordre en ce lieu des susdits sieges de Berenguiet, & Charles Comtes de Prouence, & d'Alphonse Roy de Catalogne, ou d'Arragon. Les Marseillois se ressouuenans de leur ancienne liberté pendant qu'ils estoient sous les Empereurs Romains, & laquelle ils auoient tousiours cõseruee en son entier depuis qu'ils furent



furent subiuguez par Cesar, croyans par succession de temps leur fortune tournee, & ne pouuans souffrir la domination des Vandales Goths, Sarrazins, & en dernier lieu des Côtes de Prouence, qui les oppressoient plus qu'ils n'auoient encor esté. Ils prindrent resolution de secouër ce nouueau ioug, & s'opposerent premierement à Berenguiet III. dernier Roy de Catalongne, & Comte de Prouëce, lequel aussi tost qu'il eut acquis la Côté de Prouence, il voulut réuerfer les droicts, & priuileges des Marseillois, cōme ils estimoient, & pourtant lors que les Ambassadeurs du Comte vindrent à Marseille, pour les admonester d'obeir à leur nouueau Seigneur. Ils les eurent à mespris, le Comte n'ayant point encor bien reconnu leur humeur, dressa vne grosse & puissante armee, afin d'auoir par force qu'il ne pouuoit auoir par la raisõ, cōme il croioit, esperant que s'il les assiegeoit de premier abord ils seroient effrayez. Or le peuple de Marseille a esté de tout temps, comme nous auõs dit cy dessus belliqueux, nourri aux armes, accoustumé d'endosser le harnois, afin que leur ville qui est voisine des Barbares, & qui estoit grandement desirée des Gaulois, ne peut estre surprise. Donques le Comte assiege la ville, & fait durer le siege beaucoup plus long temps que n'auoient premieremēt creu luy & les habitãs: car il estoit mal aisé à iuger, aufquels

auxquels le siege sembloit estre plus long, & plus fascheux aux assiegez, ou à celuy qui les assiegeoit: car les Marseillois estoient presque destituez de toutes choses necessaires à la defese d'un siege, s'estās reposez sous la puissance de leur ville, & des hōmes qu'ils auoiēt appellé à leurs secours, autres que quelques Geneuois qui estoient leurs confederez. On repoussoit les gens du Comte à coups de fonde, arbalestres, & autres sortes de dards, & les habitans faisoient plusieurs faillies, où le Côte perdoit beaucoup des siens, ioinct qu'on ne pouuoit sçauoir les affaires, & les conseils d'une part, & d'autre par le moyen des espions, à cause du guet qu'on faisoit soigneusement. Il arriua de là que le Comte ne pouuoit sçauoir la necessité des viures, en laquelle ils se trouuoient. Les habitans ignoroient le dommage qu'ils faisoient au cāp de l'ennemi par le moyen de leurs arbalestres, & autres armes de ject, tellement que cela les fait condescendre à quelques conditions de paix, & principalement les Marseillois qui ayās perdu quelques vns des principaux de la ville, & n'ayans presque plus de viures, pensoient desia à rendre la ville, ce que toutesfoiſ, ils couuroient par la grandeur de leur courage, craignās qu'ils ne fussent estimez lasches d'accepter les conditions qu'on pouuoit estimer indignes d'ames genereuses. Mais cōme toutes choses tendent

à leur fin, il arriua par la prouidence de Dieu que par le moyen, & dexterité de Perceual d'Oria d'Auignon, & Hugues de Baux, il fut traitté de faire la paix, & vnir ces deux partis animés l'vn cōtre l'autre. Les Marseillois qui n'auoient rien de plus cher que l'hōneur, firēt les froids, & remonstrent qu'outre leur iuste cause, ils esperoient de deliurer à force de cōbatans la ville du siege, & qu'ils cōtraindroiēt l'armee du Comte à leuer le siege, biē qu'il y eust de gēs au double: qu'il y auoit encor dās la ville vne ieuncesse puisśate & belle, qui n'auoit point encores pris les armes: qu'ils gar-  
doiēt pour l'aduenir, & quand il en seroit be-  
soin: qu'ils n'auoiēt faute d'aucune chose qui  
peut seruir à la defense de leur ville. Que s'ils  
estoiēt destituez de toutes ces choses là, qu'ils  
aimeroient mieux mourir avec leurs femmes  
& leurs enfans ayans les armes en main, que  
par leur defect & lascheté perdre les droicts,  
libertez, & priuileges qu'ils auoiēt acquis par  
la vertu de leurs ancestres, & par la liberalité  
des Princes: & afin qu'on creust qu'ils n'auan-  
çoient rien temerairement, ou par iactance, ils  
offrent de faire voir au Comte ceste ieunesse  
armee, & telle qu'il ne se trouueroit rien d'es-  
gal en tout le pays dudit Comte, lequel ayant  
appris toutes ces choses là, par le moyen de  
ceux qui traictoiēt la paix, desira fort de voir  
ces ieunes gens: croiant qu'ayant fait la paix  
avec



avec les Marseillois, il s'en pourroit seruir en de plus grandes affaires, lors que l'occasion s'ẽ presenteroit Rossolin de Phos & Raymõd Iaufres capitaines de la ville. Pour tromper le Comte esleurent quatre cens des plus nobles & genereuses filles & femmes, belles & de riche taille, qu'ils firent sortir par la porte de la ville, armees à cru à guise d'hommes rengez comme au poinct d'aller au combat. Le Côte voyant qu'il n'y auoit point d'esperãce d'emporter la ville, tandis que ceste ieunesse seroit en estat, il ne toucha rien aux droicts & priuileges de Marseille, promet de leur oẽtroier tout ce qu'on peut esperer d'vn bõ Prince: & pour eux ils recognoissent le Côte pour leur seigneur, & luy promettent obeissance, & par ce moyen la ville fut deliuree d'vn long siege. On croit communement, & il nous a esté laissẽ comme par tradition, que ceste ieunesse parut de loing auecvne facon graue & modeste. Pendant qu'on parloit des affaires qui s'estoient passees, l'vne des principales de la troupe s'adressant au Comte: que te semble, dit-elle, de ceste ieunesse. Je croy, respondit-il que c'est l'honneur & la gloire des armes, qui s'est venue rendre de toutes les parties du monde, pour venir defendre ceste ville. Tu te trompes, dit-elle, ce sont les filles & femmes les plus nobles de la ville, & en ostant l'armet de leurs testes, se baissèrent en signe d'obeis-

212 LES ANTIQVITEZ DE LA  
sance. Le Compte voïât ces soldats sans bar-  
be, & les cheueux torts, & que les Marseillois  
l'auoient trompé avec vn stratageme admi-  
rable, il demeura estonné & admira le courage  
& le maintien de ces fêmes. Toutesfois quel-  
ques personnes qualifiees, nous ont dit auoir  
leu dans les archiues de la ville, que cete ieu-  
nesse ne sortit point armee hors de la ville:  
mais que seulemēt elle se fit voir des murail-  
les avec l'armet & la cuirasse, avec toutesfois  
cest artifice, qu'ils sembloient estre mille au  
lieu de quatre cens. Ce qui me semble auoir  
plus d'apparence, parce qu'il estoit plus seant  
& conuenable à l'honnesteté des femmes, de  
couvrir le reste du corps sous la robe, & à la  
faueur des murailles, si ce n'est qu'on vueille  
dire que la grande necessité en laquelle on se  
trouuoit, les eust poussees à faire ce qui autre-  
ment sembleroit aliené de la modestie de ce  
sexe. Plusieurs en parlent diuersement, &  
chacun en dit ce que bon lui semble: & pour-  
tant nous n'auons pas voulu inserer ici tous  
ces discours controuuez. Ce siege fut l'an de  
nostre Seigneur 1237.

---

*De la premiere guerre de Charles premier du nom,  
Comte de Prouence contre les Marseillois.*

C H A P. LXVI.

**L**ES Marseillois apres la guerre dont nous  
auons parlé ci dessus, auoient encores  
quelques

quelques restes de leur première puissance, & particulièrement le Vicomté d'Yeres, le chasteau de Bregançon, la ville & le port de Tolō, le port de Bouc, qui est en l'éboucheure du lac des Martigues, dans lesquels il y auoit toute sorte de vaisseaux, tant pour la guerre que pour le commerce : & iamais le Comte Raymond Berenguiier ni ses predecesseurs ne leur auoient mis en controuersé la possession de ces lieux-là. Charles premier, mari de Beatrix fille de Berenguiier, ayant acquis ce Côté, ialoux de la puissance des Marseillois, parce qu'il voioit qu'ils se gouernoient plustost à la façon d'une republique, que d'une ville qui estoit sous la domination d'un Chef, il se resout d'amoindrir leurs forces, & leur oster premièrement les ports de Thoulon, & de Bouc, l'an 1246. Dont il les fit adiourner pardeuant le Iuge d'Aix, disant qu'ils possédoient ces lieux-là, sans aucun iuste & valable tiltre, accuse la ville de rebelliō se plaint qu'on ne luy payoit point les rentes annuelles, qu'ils souloient payer à ses predecesseurs, pour la Cité & Comté de Marseille, & qu'on les emploioit seulement au profit de la ville, & demande encore d'autres droicts qu'ils auoient promis au Comte Berenguiier par le traité de paix entre eux passé. Les Marseillois irritez de ceste accusatiō: par un mouuement soudain, comme il arriue bien sou-



214 LES ANTIQVITEZ DE LA  
uēt aux villes lesquelles se reposans sur leur  
force & puissance. ne considerent pas meure-  
ment l'issüe des choses, prennent les armes en  
main sous la conduite d'un nōmé Brito, An-  
selme & ses freres auteurs de la seditiō, qui  
estoiēt des principaux Citoyens. De ce ayāt  
esté informé secrettemēt on les assigne à cō-  
paroir en iugement pour respondre sur ce dōt  
ils seroiēt interrogez. Le iour de l'assignatiō  
escheu, ils se laissent contumacer : & voici ce  
qui rēdit leur cause mauuaise, de bōne qu'el-  
le estoit: Ils dresserent vne armee de dix mille  
hommes, qui se disoiēt protecteurs de la Re-  
publique, au lieu qu'ils deuoient traicter cest  
affaire avec prudence & conseil, & se venger  
du tort que le Comte leur faisoit par le droit  
plustost que par les armes: ils s'en allerent par  
mer à Thoulon & Bouc, dont ils firent venir  
à Marseille plusieurs vaisseaux par force char-  
gez de bled, lesquels ils auoient là, cōme nous  
auons desia dit, & blessèrent plusieurs des gēs  
du Comte, qui s'en estoient saisis suiuant  
le secret mandement qu'ils en auoient eu de  
luy, pour preuenir les Conseils des Marseil-  
lois. Le Comte les aduertit par l'entremise du  
grand Seneschal de Prouence, & autres du  
conseil, qu'ils remettent toutes choses en leur  
premier estat, & qu'ils renuoiēt les criminels  
au lieu où ils auoient commis le delict. En fin  
iugement s'ensuit contre les defaillans, par  
lequel

lequel ils sont condamnez en cinquante mille liures tournois d'amende, & tous les biens & droicts que la ville possedoit, tant par terre que par mer, sont declarez acquis au Prince par Commis & Caducité, & les Magistrats de Marseille sont priuez de la troisieme partie de leurs reuenus, hōneurs & dignitez, & sont declarez acquis au domaine du Prince. Le Côte, afin que ce que le conseil auoit ordonné fut executé, fait leuer de gens par tout le pays, & appelle à son secours son frere le Roy de France: dont les Marseillois furent grandement estonnez, qui iugeoiēt assez qu'ils ne pouuoient pas long temps resister à vn siege. Bref, ils perdent courage: les amis communs des deux partis les admonestent à penser à eux, & au bien de la ville. Ils reçoient les articles de paix qui leur estoient presentez, & mettent les armes bas. Ils deputerent Rolin Drapier l'un des principaux de la ville, hōme bien entendu aux affaires d'Estat, pour traiter de la paix au nom de la ville avec le Comte. Voici ce qui fut depuis entr'eux arresté, le Conseil assemblé. Les Marseillois cedent & transportent au Comte la haute iurisdiction du Vicomté, qui consistoit en certaine partie de la ville. Cedent encores le Vicomté d'Yeres, & le chasteau de Bregançon: & touchant Brito & Anselme l'aisné, & autres Citoiens fugitifs, qui auoiēt esté Chefs & autheurs de

de ceste conspiration, pour le cas par eux commis, il leur est defendu d'approcher iamais la ville de neuf milles: & en cas de contrauentiō est permis à vn chacun de les offencer impunement: & pour les autres fugitifs, qui auoient plustost failli par ignorance que par malice, & qui ne se sont point trouuez à la meslee du port de Tolon & de Bouc, parce qu'elle a esté cōmencee par les officiers du Roy, il leur sera pardonné. La paix ainsi faicte, les Marseillois presterent de rechef hommage au Côte, avec serment de fidelité, & promettent de demeurer sous sa foy & vassellage. Cependant il n'est point hors de propos de remarquer ici, qu'aux lettres de procuration, que les Marseillois baillerent à Rolin, pendoit vn seau de plomb, au milieu duquel la ville estoit representee, assise sur les flots de la mer, & à l'entour il y auoit ce distiche.

*Actibus immensis fulget vrbs Massiliensis  
Massiliam vere Victor, ciuésque tuere.*

La ville de Marseille reluit par ses faicts glorieux, ayant esté defendue par saint Victor, & les Citoyens d'icelle.

Et au reuers il y auoit vne image de S. Victor à cheual, tenant vne espee nuë à la main droite, & foulant vne coleure des pieds du cheual. Donques par ce moien Marseille perdit vne bonne partie de ce qui restoit de sa premiere puissance. Toutesfois elle auoit de-



lia vn peu auparauāt perdu la iurisdiction de la ville, que l'Euesque auoit acquise apres de longues & grandes contentions, & pour laquelle l'Euesque & tout le Clergé de Marseille auoit beaucoup souffert des habitans. En la mesme annee le Comte qui ne se contentoit pas d'auoir extorqué tous les droicts du Vicomté de Marseille au commencement de Septembre, demande à l'Euesque qui luy transporte sans delay aucun le pouuoir & la iurisdiction qu'il auoit sur la ville, & la Cité (car Marseille estoit diuisee en ville & Cité.) L'Euesque & les Chanoines estimans qu'en vain ils mespriseroient les mandemens du Comte, & se remettant encorès deuant les yeux les maux & dangers qu'auoit encouru l'Eglise de Marseille, par la furie du peuple, pour raison de ces droicts, font entendre au Comte, qu'ils changeroient les droicts, qu'il demandoit pour d'autres choses, s'il l'auoit agreable. Ils cedent donques au Comte par forme d'eschange la haute iurisdiction & tous les droicts qu'ils auoiēt sur la ville & la Cité: & au contraire le Comte leur ceda tous les droicts & domaine qu'il auoit sur les places suiuanes: Sçauoir Chasteau vieil, la Roque, Buissane, Neufes, Signe, Aubagne, Merindol, Malernoit, Vaulbonete, S. Canat, le Pui, Meirarguetes, Ornes, Mēne, Aurōs, & le Baussier.

Le Comte apres cela, & auant que quitter

218 LES ANTIQVITEZ DE LA  
les armes, s'en va trouuer Raymond des Baux  
qui luy ceda tout ce qu'il auoit sur le Royau-  
me de Prouence, d'Arles, & de Vienne. Et  
moyenna encore par l'entremise de Geraldus  
de Socera general de son armee, que tous les  
droicts que Guillaume fils d'autre Guillaume  
Comte de Vintamille auoit sur ladite Comté  
de Vintamille, & en la vallee de . . . . . luy  
fut baillé en eschange moiennant la rente an-  
nuelle de cinq cens mille sols.

---

*De la seconde guerre de Charles premier contre les  
Marseillois.*

## CHAP. LXVII.

CINQ ans après que la paix fut faite, c'est à  
dire en l'an 1252. & le 16. Nouemb. les  
Marseillois encores s'esleuent cōtre les Gou-  
uerneurs de la ville, & les exacteurs des daces  
qui oppressoient fort les habitans, & esbre-  
cherent les susdits articles de paix, ce qu'ils  
firent temerairement, & à la volée: car au lieu  
de se retirer aux Iuges qui auroient pris con-  
noissance de cause. Ils s'emparent du Cha-  
steau S. Marcel, qui est à six milles de la ville,  
& chassent de la ville ces exacteurs, exigent  
eux mesmes les droicts qui estoient deus au  
Comte par le traicté de paix, & les employēt  
à vne nouuelle forteresse pour defendre la  
ville contre le Comte: car ils estimoient que  
toutes

toutes ces iniustes vexations venoient de sa  
 part , & que c'estoit luy qui les commandoit  
 secrettement , afin que par ce moyen les for-  
 ces de la ville estant espuisces. Il en remplit  
 les coffres, & encore pour dompter plus aise-  
 ment les esprits remuans de la ville. Charles  
 voulât auoir raison de ceste iniure dresse vne  
 puissante armee , & vient assieger la ville , se  
 campe au Monastere S. Victor, qui est delà le  
 port , & se resout de forcer les habitans qui  
 ne pensoient rien moins qu'à ce siege , & qui  
 mesprisans les preparatifs de Charles , n'a-  
 uoient point fait prouisions de viures, à se ré-  
 dre à sa merci. Eux qui n'auoient point de se-  
 cours d'ailleurs, lassez en fin d'un long siege,  
 sont conseillez par des personnages de mar-  
 que, & d'autorité, & amis commus qui trai-  
 ctoient la paix de penser à leur conseruation,  
 & par ce moyen consentent à vne bonne , &  
 iuste paix. Charles demãde qu'on luy enuoye  
 quelqu'un des principaux de la ville, avec le-  
 quel il puisse traiter des cōditions de la paix,  
 ce qu'ayant esté fait, ces articles furent dres-  
 sez. Que tous les droicts que le Comte sou-  
 loit auoir à Marseille , & à S. Marcel , luy se-  
 roient rendus , & restituez avec les perogati-  
 ues, dont ils iouyroient à la façon qu'ils auoient  
 accoustumé auant la guerre. Les conditions  
 de la paix dernièrement accordees avec Ro-  
 lin , député de la ville , demeureront en leur  
 estat.



estat. Les habitans mettront à bas les tours, & fortresses faites contre les murailles, & sur les fossés. Les estoifes, & les materiaux seront emploiez à réfaire les fontaines, & aqueducs. Les Marseillois remettrōt entre les mains du Cōte les arbalestres, & autres sortes de traictz qu'ils auoient en la ville, & luy rēdoient tous les meubles, qui estoient au Chasteau S. Marcel, lors qu'il fut pris. Qu'on rembourcera des deniers du public, la perte, & les dommages qu'ont souffert en leurs biēs Philippe, Anselme, & ses freres, Raymond Genteaume, & autres fugitifs de Marseille, à cause de cēte guerre. Pour le tort, & iniures faite au Comte par les Marseillois, elles leur seront pardonnees. Il sera permis à Guigon Anselme de demeurer à Marseille, & dans toutes les terres du Comte. Tous les fugitifs qui ont suiui le parti de Brito, & sont encores absens depuis la premiere guerre seront rappellez, & demeureront en la ville avec les mesmes droicts, & priuileges que tous les autres habitans. Le Pape sera supplié au nom de l'un, & de l'autre parti, d'auoir agreable, & authoriser, tant la premiere conuention, que la dernière, & au moyen de ce, les Marseillois iurēt de demeurer sous la protection, & vassellage de Charles, tant pour raison du Vicomté que pour la ville haute qui appartenoit anciennement à l'Euesque, & aux Chanoines, comme il a esté

dit cy dessus, & recognoissent sa iurisdiction temporelle en la mesme année 1252. Charles vainquit aussi à force d'armes ceux de Nice, & prit la ville d'Arles qui estoit comme vne Republique. Cinq ans apres ceste paix, Charles estant à Naples fit de grands dons au Monastaire S. Victor pour reparer les dommages qu'il auoit souffert, lors qu'il s'y estoit campé en ceste derniere guerre.

---

*Que les Marseillois n'ont enduré les sieges susdits que pour maintenir leur foy, & les traictez de paix, & conseruer leurs droicts, & priuileges, & la louange de la ville, pour sa fidelité.*

## CHAP. LXVIII.

**M**Ais afin que quelque medisant ne nous vienne ici obiecter que ceste petite Cité Grecque à demi, comme il l'appellera à l'exēple de Velleius Paterculus, n'a rien souffert qu'elle ne se soit pourchassée, nous dirōs en passant que Marseille qui n'a iamais mesuré sa foy par les euenemens de la fortune, n'a point eu de secousse, & n'a point encouru de trauaux, & mes- aise que pour auoir esté fidelle, & bien affectionnée à ses alliez, lors qu'elle estoit ville libre, & lors qu'elle a esté sous la domination d'un seigneur pour auoir tasché de conseruer ses droicts, & priuileges : Car pourquoy Iules Cesar l'a-il ruinee autresfois de fonds

de fonds en comble que pour ne s'estre voulu rengier de son parti contre Pompee? cōme il a esté desia dit plusieurs fois. De mesme pour tenir, & garder sa foy qu'elle auoit promise au bon Theodoric Roy des Goths, qui auoit enuahy l'Empire d'Occident fut cruellement traictee, & en ville ennemie, par qui, & commēt, il ne s'en trouue rien qu'il en soit. Theodoric l'a voulu aucunement recompenser pour les dommages qu'elle auoit receu pour sa fidelité en son endroit, ce que nous apprenons d'une sienne epistre inseree au liure second des epistres de Cassiodore, laquelle nous auons ici mise.

---

*Theodoric Roy aux Marseillois.*

**N**OUS maintenons volontiers nos anciēns bien-faits en vostre endroit, & desirons encor que vous en receuiez de nouveaux: car la munificence ne reçoit point de bornes, & il faut rafraischir les anciēns plaisirs par de nouveaux, & pourtant nous vous declàrons exempts, sçachans biē que le droit d'immunité vous a esté concedé par les Princes, & ne permettrons point qu'il vous soit imposé aucun nouveau subside, ains voulons vous affranchir de toutes charges. Je ne veux point aussi que vous payez le cens, ou taille de ceste annee, afin que vous obteniez mesme ce que vous n'avez pas demandé: car c'est là parfaite pitié,



pitié, lors qu'on sçait cognoistre les oppres-  
 sez, & les secourir auant qu'en estre requis. Il  
 enuoya pour la garde, & seureté de la ville, &  
 pour y rendre la iustice. Le Comte Marad,  
 pour auoir receu de grands benefices de leur  
 part, cōme dit le mesme Cassiodore, & quand  
 aux autres Prouençaux, le mesme Theodoric  
 ayant destruit, & gasté hostilemēt la Prouen-  
 ce. Il leur remit tous les tributs, & tailles du-  
 rant l'espace de quatre ans, ainsi qu'il apert de  
 la lettre qu'il leur escriuit dās le mesme Cas-  
 siodore, & encor pour fournir, & pouruoir la  
 Prouēce de bled, le mesme escriuit à Gemel-  
 lus Senateur, qu'il auoit laissé pour gouuer-  
 neur de la Prouence, qu'il fit porter du bled  
 des greniers de Marseille aux Chasteaux qui  
 estoient sur la Durance. Les Marseillois ne  
 iouysoient pas encore de ce priuilege, qu'il  
 n'est point loisible à personne de transporter  
 le bled hors de la ville. Mais pour reprendre  
 la suite de nostre discours, pourquoy est-ce  
 qu'Alphonse mit cesteville presque aux der-  
 niers abois? Ce fut parce que Ieanne seconde  
 fille de Charles de Duras auoit adopté, cōme  
 nous auons desia dit. Louys III. d'Anjou, Cō-  
 te de Prouence, que les Marseillois n'aimoiēt  
 pas seulement comme Prince: mais aussi par-  
 ce qu'il estoit biē né, & comblé de toute sorte  
 de vertu, que si elle n'eust point voulu de-  
 meurer sous son obeyssance, aussi n'eust-elle  
 point

224 LES ANTIQVITEZ DE LA  
point esté ruinee. Maintenant si nous la con-  
siderons apres qu'elle fut reduite sous la do-  
mination de Brenguier, Charles, & autres  
Comtes. Nous rapporterons quand & quand  
la cause des maux qu'elle a soufferts au desir  
qu'elle auoit de conseruer ses droicts, & pri-  
uileges anciens acquis par sa propre vertu, &  
par la grace, & liberalité des Princes. Qu'est-  
ce qui esment encores les Marseillois à se re-  
bellér contre les agents du Prince, que leur  
mauuaise administration? qui commādoient  
absolumēt en la ville, laquelle ils opprimoiēt,  
comme si tel eust esté le plaisir, & la volonté  
du Prince. Leur dessein estoit que la sedition  
faite, on peut dire qu'à bon droict les Citoyēs  
auoient esté priuez de leurs biens, & de leur  
liberté, bien que sçeuſt esté plus sagement fait  
aux Marseillois d'obuier aux accusations  
qu'ils auoient descouuert qu'on leur brassoit  
secrettement. La Republique de Rome, & les  
Empereurs ont aimé ceste ville-là pour son  
exacte fidelité, bonnes mœurs, & louables or-  
donnances, dont elle sembloit estre proposee  
comme vn exemple d'une Republique bien  
ordonnee, non seulement aux Romains, qui  
commādoient à vne infinité de peuples: mais  
aussi à presque toutes les nations estrangeres.  
Il appert encores de la susdite epistre de  
Theodoric, combien il l'estimoit pour sa fide-  
lité, Ceux qui viendront apres nous sçauront  
aussi

aussi qu'elle s'est volōtiers soubmise sous l'obeyssance du Roy de France: Marseille nous pourroit encore fournir de plus signalez exemples de sa fidelité, si le temps ne nous auoit enuié les liures qu'Aristote, & autres anciens Autheurs auoient fait de la Republique des Marseillois. Mais d'autant plus Marseille a esté illustre pour ses hauts faicts, & sa fidelité, d'autant plus est elle infortunee de voir presque sa memoire esteinte avec les Historiens.

---

*Du saccagement, qu'Alphonse Roy d'Arragon, fit de la ville de Marseille.*

## C H A P. LIX.

**I**Oannelle, ou Ieanne, seconde Royne de Naples, & de Sicile, fille de Charles de Duras, qui s'apelloit Charles de la Paix, auoit adopté Alphonse Roy d'Arragon. Mais ayant descouuert qu'Alphōse pourchassoit sa mort pour gouverner seul, elle reuoqua ceste adoption, & adopta Louys troisieme d'Anjou, fils de Louys second frere de Charles, & de René, Roy de Sicile, & Comte de Prouence, l'an de nostre Seigneur 1423. Alphonse irrité de cela, ayant pris l'occasion d'enuahir le Royaume de Naples: se saisit de plusieurs places, & premierement de Naples, & pensant en soy-mesme comme il pourroit vexer, & en-



226 LES ANTIQVITEZ DE LA  
dommager les subietz de Louys , il se porte à  
l'entiere ruine de Marseille , & pource il se  
resoult à son retour en Espagne de l'assiéger,  
ayant pris Naples , & l'Isle d'Ischia. Il fut ap-  
pellé en Espagne pour le different qu'auoiét  
Iean Roy d'Espagne, & ses freres, ce qui vint  
tres à propos pour le dessein qu'il auoit. Ioint  
qu'en ce temps là Louys estoit à Rome Don-  
ques il desmâra , ayant dixhuiét galleres qui  
auoient l'esperon, & bec de la prouë, armé de  
fer, & douze nauires de charge, & donne or-  
dre au demeurant de la flotte de se rendre  
aux Isles d'Yeres, enioint à Iean Cardona, ge-  
neral des nauires de charge de s'y aller ren-  
dre , où il l'attendroit , s'il y arriuoit premier  
que luy, ou bien que s'il partoist de là sans l'at-  
tendre , qu'il attacheroit des lettres à vn ro-  
seau en quelque endroit de l'Isle, dâs lesquel-  
les il trouueroit sa volenté, que si au contrai-  
re ayant bon vent, il arriuoit le premier, qu'il  
iettaist l'ancre & l'attendist , & ne descourrit  
point qu'il vouloit assiéger Marseille , afin  
que les Marsellois n'en eussent le vent. Al-  
phonse n'ayant point trouué les nauires de  
charge, se douâta que la mer pleine de tour-  
mente les auoit contraintes à s'aller rendre à  
Barcelone : & neantmoins pour ne differer  
son dessein, il delibera de passer outre : & ayât  
assemblé tous les capitaines des galleres , il  
leur descourrit son entreprise : ce qu'il n'auoit  
point

point encor fait, & les exhorta de s'y biẽ porter, pour l'honneur & le butin qu'ils en rapporteroient, & qu'ils ne se craignissent point, biẽ que les nauires de charge n'y fussent pas: car il seroit bien aisẽ d'emporter les Marseillois, surpris de sa venue inopinee, que si d'auanture l'affaire ne succedoit à souhait, qu'on pourroit se retirer sans danger: alors tous luy promirent de faire leur deuoir, & s'y porter vaillamment: & le lendemain il leuẽ l'ancre, ayant la faueur du temps, & arriueẽ enuiron les quatre heures de matin à la petite Isle qui est en veuẽ de Marseille, appelée Did. Et là il commença de traicter des moyens qu'il falloit tenir ce siege. L'affaire n'estoit pas sans difficulté, tant pour la situation naturelle du lieu, qui estoit fort de soy, que pour les fortifications qu'on y auoit faictes: car les trois parts presque de Marseille sont enuironnees de mer, cõme nous auons desia dit, & la quatrieme est ceinte de fort hautes murailles. Du costé de Midy la montagne au sommet de laquelle est la forteresse qu'on appelle la Garde, la rend inexpugnable. Le goulphe s'aduãce en dedans, & fait le port qui a l'entree fort estroite. Il y auoit deux temples alors fort hauts, qui fermoient le port avec deux tours d'un costé & d'autre. On appelle l'un S. Iean, & l'autre S. Nicolas: au milieu desquels il y auoit vne terre ou rocher, qui rendoit encore

l'entree du port plus estroite : & au dessus de ce rocher vne tour d'où l'on faisoit le guet sur la mer , qui venoit à se ioindre par le moyen d'une chaine de fer à l'autre costé. Les Marseillois se faisans forts de ceste naturelle situation du lieu , comme ils virent la flotte d'Alphonse(car ceux de Nice les auoient aduertis ) semblerent mespriser son entreprise : & pource ils n'auoient appellé aucuns des circonuoisins à leur aide:mais la nonchalance a bien souuent perdu beaucoup de villes, & on s'est veu porter par terre par l'ennemy qu'on mesprisoit. Il y auoit par cas fortuit vn nauire de charge à l'entree du port , que les mariniers attacherent par le mast à l'une des tours. Les Arragonois l'attaquerēt avec quatre galleres,& nela pouuans desioindre de là, Alphonse se delibera de combattre par terre, la tour à laquelle estoit attachee vne chaine de fer,comme il a esté desia dit , & pour cest effect il commande que tous les soldats des quatre galleres descendent en terre , & combattent la tour , & luy-mesme vint peu apres accompagné de peu de gens. Ceste entreprise estoit hazardeuse , à cause des pierres que iettoient ceux qui estoient dedans dru cōme gresse , & toute autre sorte d'armes de ject. Alors Alphōse fit tout aussi tost mettre le feu à l'une des portes. Delà fut suiuy d'un faict miraculeux : car on vit assoupir & esteindre ce feu



ce feu là, par vne pluye soudaine iusques à la deuxieme fois. Plusieurs estimēt cela du tour extraordinaire & miraculeux : & pourtant se voulurent retirer & leuer le siege. Toutesfois il commanda qu'on y mist le feu pour la troisieme fois, assleurāt que s'il étoit encor éteint il ne permettroit plus qu'on l'y remist. Donques ceste derniere fois, le feu embrasant furieusement la porte, sans aucū empeschemēt de pluye, les soldats qui estoient dans la tour fort estonnez, promettent qu'ils ne feroient point de defense de ce costé-là, s'il ne vouloit point aussi toucher à la tour, & s'il arriuoit qu'il prist la ville, que volontairement ils se soufmettroient à lui. Alphonse là dessus, pour ne perdre là d'auantage le temps, & croyant que c'estoit beaucoup fait pour luy de ne les auoir point pour ennemis, leur respōdit qu'il leueroit de là le siege, s'ils iettoient en bas le bouleuart de la tour : ce qu'ils executerent promptement. Et ainsi Alphonse s'en retourna en sa gallere, & commanda à Jean Cornier de s'en aller sur vne gallere couuerte à la seconde chaine avec des haches, où estant promptement porté, il commença de couper la chaine qu'ils auoient tiree dans de petits bateaux. Ce que les Marseillois raschoient fort d'empescher, ruants tant du costé de l'autre tour que de la ville, de grosses pierres sur la gallere, & lançans des traiets du dedans de

230 LES ANTIQVITEZ DE LA  
plusieurs fregates, où ils s'estoient mis, contre  
les Arragonois, & des autres galleres qui s'e-  
stoient approchees de la tour le plus seure-  
ment qu'on auoit peu, à coups de traiçts on  
deslogeoit ceux qui estoient sur la muraille.  
Cependant quelqu'un vint dire à Alphonse  
qu'il y auoit dans le port vn brigatin, qui n'e-  
stoit point gardé, qu'on pourroit prendre ai-  
sément, qui neantmoins n'auoit point de ra-  
mes, lequel estant pris & armé pourroit don-  
ner de l'estonnement aux habitans. Alphonse  
commanda qu'il fust tout incontinent pris  
armé & esquippé. Ce qu'ayant esté fait, ils at-  
taquent deux fregates des Marseillois qui ve-  
noient roide à eux, lesquelles ils prirent, &  
mirent bien dedans quarante des meilleurs  
hommes de guerre: & entrans plus auant dās  
le port, prindrēt encore vn petit nauire, qu'ils  
armerent, & par ce moien se rendirent mai-  
stres de tous les autres nauires de charge. Cēt  
heureux succez donna de l'espperance à Al-  
phonse. Que si bien on ne pouuoit couper la  
chaine, neantmoins qu'ils pourroient prédre  
la ville par cest endroit avec les nauires qu'il  
auoit: toutesfois la meslee estoit grande du  
costé de la chaine, & les Marseillois se for-  
çoient de tout leur pouuoir d'empeschier ce  
coup là, qui neantmoins cederēt au plus fort,  
& la chaine fut coupee, il fut lors mis en de-  
liberation, car il estoit desia enuiron les neuf  
heures

heures du soir, s'ils donneroient tout droit dans le port, & battoient la ville, où s'ils différeroient au iour ensuiuant. Jean Cardona estoit d'aduis de differer pour ne se trouuer de nuit en armes dās vne ville qui leur estoit incogneue, que le danger n'en estoit pas petit, que les habitans les offensoient plus seurement, & que les Arragonois portans de flambeaux par la ville nuiroient grandement à ceux qui les suiuroient: au contraire Corue-ry disoit qu'il ne falloit point laisser reconnoistre pendant que la nuit redoubloit, la crainte & la terreur, qu'il eust esté plus expedient de ne briser point la chaine, que l'ayant fait, en demeurer là, qu'il ne seroit point malaisé aux habitans d'empescher le iour suiuant, par le moyen du secours qu'ils pourroient auoir des villes prochaines, qu'ils n'entraissent dans la ville. Ce conseil ayant esté trouué bõ, les galleres furent commandees de donner furieusement dans le port, & de ietter des ponts volans sur la terre ferme. Alphonse mesme s'y porta des premiers, laissant là ceux qui se battoient du dessus de la tour, & desia les habitans s'estoient venus rendre là, pour empescher qu'on ne prist terre: & estoit d'autant plus difficile de leur resister, que le lieu estoit petit, & ne receuoit pas grand nombre de combatans: alors Alphonse fait environner celieu-là de quatre galleres à bec de fer,



& metten terre les soldats, & leur commande de ietter de grands cris: dequoy les habitans s'estans espouuantez soudain, & estimans que la ville fust prise, ils deslogerent de là, & s'en allerent deuers la ville. Les Arragonois forrans à la foule des galleres, les poursuiuirent viuement. Et parce que plusieurs combatoient du haut des maisous, on mit le feu aux plus prochaines, que le vent alluma petit à petit, si bien qu'il se prit soudain à ceste ruë: car presque toutes les maisons estoient couuertes de bois par dehors; & le vent ayant porté le feu à vne autre cartier de la ville, on leuit soudainement tout engloutir: & de là se changeant & tournât vers vne autre ruë, qui ne fut point sans vne grande admiration, il fit encore les mesmes effects. Et ainsi par la varieté du vent on vit presque toute la ville ruinee & destruite par feu. Cependant les Marseillois se trouuans desperdus, abandonnoient la ville: & pour les maisons auxquelles le feu n'auoit point touché, tout y alloit au pillage, & plusieurs de ceux qui fuiuient estoient tuez emmi les ruës. On n'y entendoit rien que les cris & les pleurs des femmes & petits enfãs, qui fuioient par la ville, & s'en alloient couräs aux portes. Dõques les Marseillois en ce desastre fuioient tous chargez & empeschez du bagage: & par ainsi la ville fut tout en vn instât reduite sous la puissãce d'Alphonse. Barthelemi Facius

Montoroix,

Montoroix, au liu. 3 des faicts & gestes d'Alphonse, rapporte qu'il n'y fut rien attenté cōtre l'honneur des femmes, & qu'il voulust qu'on pardonnast à celles qui s'estoient refugiees aux Eglises, & qu'il les donna en garde a quelques hommes de singuliere integrité, afin que les soldats ne leur fissent point de tort, lesquelles desireuses de conseruer leur honneur, lui voulurent donner tout l'or, perles, & tout ce qu'elles auoient emporté de plus precieux, que neantmoins il ne voulut rien accepter, & dit qu'outre la liberté il leur donnoit tout cela, & leur permit de faire venir des gens de leur parti, pour les accompagner là où elles voudroiēt avec tout ce qu'elles auoient conserué du sac & du feu. Le iour suuant on fit curieuse recherche du corps de S. Louys, & de la chasse où il estoit: & ayāt esté trouué, il fut emporté par Alphonse. l'ay appris d'un homme fort vieil, que certain personnage qui viuoit avec integrité de vie, auoit predict aux Marseillois ceste route & desastre cinq ans auant qu'il arriuaist. Trois iours apres tous furent d'aduis de quitter la ville: parce qu'il n'y falloit point employer l'armee qu'on reseruoit pour la guerre d'Espagne. Qu'ausurplus il n'estoit point necessaire d'y laisser de soldats: & par ainsi Alphonse deslogeant, personne ne demeura: & de là il s'en alla en Espagne: où la necessité des affaires l'appel-

234 LES ANTIQVITEZ DE LA  
loit. l'ay leu dans les registres publiques à Aix  
qu'il auroit arresté d'auantage à Marseille,  
pour refaire ses soldats, qui se trouuoient las  
& recrues de la mer, n'eust esté qui fut aduerti  
qu'il venoit d'Aix vne armee composee tous  
des gēs choisis, ramassée tant de la ville d'Aix  
que de peuples d'autour d'eux, sous la con-  
duite du Comte de Reillanne. En memoire  
duquel seruice & fidelité. de ceux de la ville  
d'Aix : & en signe de Noblesse ledit Roy  
Louys leur donna cete prerogatiue, que d'or-  
senauāt en leurs armoiries ils trāsposeroiēt en  
chef les paux qu'ils portoiēt aubas de l'escusō.

---

*Du Terroir de Marseille.*

C H A P. L X X.

C'EST que dit Iustin apres Trogus n'est pas  
Cesloigné de la verité, que les Phocenses  
furent esmeus de la beauté du lieu, où ils edi-  
fierent apres la ville, & que lors qu'ils retour-  
nerent chez eux faisans recit de ce qu'ils y  
auoient veu, les autres furent induits à s'y ve-  
nir habiter: car le terroir de Marseille produit  
en abondance tout ce qui peut estre necessai-  
re à la vie des hōmes. Car outre qu'il est ferti-  
le, l'air y est doux, & presque tousiours clair  
& serain, toutes les plaines sont environnees  
& enceintes de colines. Mais la multitude  
des arbres fructiers rend les terres ombrageux



geux, où l'on entend vn doux gazouillix d'oiseaux, principalement au printemps. Les principaux fruiçts sont toute sorte de poïres, & premieremēt celles qu'on appelle musquées, qui sont meures long temps auant la saison, auberges, abricots. En l'equinoxe du Printēps on v cueille la figue deux fois l'an au solstice d'Esté, & à l'equinoxe d'Autōne qu'vn mesme arbre produit. Il y en a beaucoup plus en esté qu'en l'equinoxe d'Automne, & on y a de pesches iaunes, rouges, musquées, & de toute sorte, des noisettes, amandes, noix de Pin: mais ils ont plus de figues blanches que d'autres fruiçts, qu'ils ne cueillēt point qu'elles ne soient à my-seiches, & pour les faire du tout seicher on les met sur des clayes de roseaux liez l'vn contre l'autre avec d'osier, & on le laisse là iusques à ce qu'ils cognoissent qu'elles ne se peuuent point pourrir, & qu'on les peut confire, & prennent garde sur tout qu'elles ne tirēt rien de l'humidité de la nuit & pource ils couurent les clayes qu'ils appellent canisses d'autres clayes, & les ayans ainsi preparees ils les remettent dās des coffins de genest, qu'ils appellent sportins, si bien que dans peu de iours, elles sont couuertes d'vne poudre semblable au sucre, ou plustost à la manne, tant pour la ressemblance que pour le goust: ceux des habitans qui ont le moins de figues en vendent 100. ou 150. quintaux, & ceux

236 LES ANTIQVITEZ DE LA  
& ceux qui en recueillent d'auantage en auront  
200. ou 250. quintaux, le quintal est 100. li-  
ures pesant, & chacun en particulier tirera ce  
fruct en si grande abondance d'une seule vi-  
gne : car les Marseillois ont accoustumé en  
leurs vignobles de diuiser le terroir en peti-  
tes portions avec des rayons, chacune des-  
quelles a trois, ou quatre pas où l'on sème du  
bled, & plante la vigne l'un apres l'autre, sca-  
uoir à la premiere la vigne, & à la seconde du  
bled, & encore à la troisieme la vigne, & ainsi  
de suite on y obserue cest ordre. Il ne laisse  
pas neantmoins d'y auoir parmi des autres  
arbres, toutesfois ils ont moins du bled que  
tout autre chose, ils entrelaissent les berceaux  
de leurs iardins, & vignobles de vignes de  
Candie, & plans de Maluoisie, & mettēt par-  
mi de roses musquées, ou de Damas qu'ils  
appellent aussi roses de Barbarie, & du iaus-  
semin, le raisin de maluoisie est fort doux, &  
en conseruent aussi pour toute l'annee, le  
muscat toutesfois ne luy cede en rien. De l'un  
à l'autre on fait du vin qui est plus excellent  
que le Nectar des Poëtes, les raisins qui ren-  
dent le plus, & qui encore font le vin plus fort  
sont ceux qu'ils appellent mornede, ribier,  
pendoulan, rondillat, caillan, argnan, grand-  
guillaume, & autres qui sont fort beaux à voir.  
Chasque vignoble, & iardin a sa metairie a-  
uec tant de gens qui les cultiuent, que si on  
vouloit

vouloit les considerer assemblees , il s'en feroit vne ville trois fois aussi grande que Marseille , soit qu'on le vueille prendre pour les personnes, soit qu'on le vueille prendre pour les personnes qui s'y tiennent , soit que l'on parle des bastimens. Ce petit arbrisseau que les Apotiquaires appellent Sumach, nuit grandement aux vignes , & principalement à celles qui sont sous la forteresse qui defend la ville, on l'appelle ordinairement Fauuil. Les iuiubiers , ou linjoliers y sont fort frequents, de l'un & l'autre, Cistus qu'on appelle Messuguo, dont les femmes se seruent pour escurer la vaisselle d'estain , & de bronze , y est aussi fort commun, du liset piquant, qui s'entrelasse communement dans les hayes qui entourent des vignes : mais principalement s'attache aux murailles, du Dragant, qu'on appelle Barbe-renard : il y en a presque par tout , & principalement à l'enfermerie. J'ay veu dans la ville du pauot cornu: i'y ay cueilli de la sarrazine en abondance , dans la plaine qu'ils appellent du Veanne, & dans le iardin de l'Isledu Chasteau Dif, que les soldats vouloient extirper tout à fait sans mes remonstrances. Il y a du tragodum en abondance à la porte Rcale. Quelques vns veulent dire que c'est l'oignon marin , ou squille , il y en a dans les prez entre Aubaigne, & Roquenaire , Chasteaux qui sont neuf milles de Marseille , où  
se



238 LES ANTIQVITEZ DE LA  
se trouue aussi grande quantité de cethisi, du  
fenouil marin (ie l'aimerois mieux appeller  
Rosmarin) qu'on nomme Bacille, il y en a en  
abondance.

---

*Des Rubis de Marseille, & d'une coupe faite  
de bois de vigne.*

## C H A P. LXXI.

**P**Line au liu. 37. chap. 7. fait grand cas des  
gros rubis de Marseille, aucuns veulent  
dire que le mesme pline, au liu. 10. ch. 8. louë  
les autours de Marseille, & toutesfois il parle  
là de Marseille d'Afrique. Il met encore au  
chap. 1. du liu. 14. qu'à Marseille on gardoit de  
son temps: comme chose precieuse, vne cou-  
pe faite de bois de vigne, & en Populonie la  
statue de Iupiter, & qui semble n'auoir point  
d'apparence qu'il y auoit vn escalier au tem-  
ple de Diane d'Ephese qui estoit fait d'un sep-  
de vigne qui fut apporté de Cypre, parce que  
dit-il, les vignes y deuenoient fort grosses, &  
qu'à Vlisbonne toutes les colonnes du tem-  
ple de Iunon estoient de bois de vigne: car  
en duree elle ne cede à point d'arbre.

---

*De l'ancienne bonté des vins de Marseille.*

## C H A P. LXXII.

**P**Vis que nous auons parlé de l'excellen-  
ce de quelques sortes, & especes de vi-  
gne.

gne. Nous auõs estimé qu'il seroit mal à propos de ne parler de l'excellence des vins de Marseille. Au tēps d'Athence entre les meilleurs vins, celuy de Marseille estoit fort loué des peuples estrangers, comme il escrit au ch. 24 du liu. premier, parlant des vins d'Italie, les vins de Marseille, dit il, sont bons gros & couuerts, il est vray qu'il y en a peu. Nous apprenons de Martial que les Romains en faisoient grand cas en ce qu'il dit,

*Cum tua centenos expugnet sportula ciues  
Tu me Massilia ponere vina putas?*

L'interpretation est cy dessous.

C'est chose vulgaire, selon le tesmoignage de Pline, que les vins de Marseille, & Besiers estoient tres-excellens: car en la Toscane, dit-il, les vins de Sarzana sont les plus renomméz, en la Ligurie ceux de Gennes, entre les monts Pyrenees, & les Alpes. Il y a des vins à Marseille qui sont gros, qu'on appelle pleins de suc, & liqueur, & ont double goust, puis qu'on s'en sert pour donner goust aux autres, les Gaulois font cas de ceux de Besiers, des autres de la Gaule Narbonnoise, on n'en scauroit parler au vray: car ils y employent mesme du fumier pour les faire hauts en couleur, & n'y meslent-ils point encore des drogues, & des herbes qui sont dommageables: car ils y meslent d'aloës, au moyen dequoy ils en changent, & corrompent le goust. Il nous

appert

240 LES ANTIQVITLZ DE LA  
appert par ces paroles de Pline, qu'à Marseil-  
le, & au reste de la Gaule Narbonnoise on  
auoit accoustumé de mesler, & gaster les vins  
comme on fait aussi auourd'huy en plusieurs  
parts. Martial parle ainsi des vins corrompus  
de Marseille.

*Improba Massilia quicquid fumarum cogunt  
Accipit etatem quisquis ab igne cadus.*

C'est à dire,

Tous les vins qui ne sont produits qu'à  
force de fumier, & ceux qui ne vieillissent  
que par la chaleur.

Car par le moien du fumier. Les vins sont  
plustost meurs, & vieillissent plustost, comme  
dit Columella. Le mesme Martial, liu. 13. epi-  
gram. 123.

*Cum tua centenos expugnet sportula ciues  
Fumea Massilia ponere vina potes.*

C'est à dire,

Voyant que tu as beaucoup de cliens, tu  
leur peux donner du vin de Marseille.

Le mesme au liu. 14. epigram. 118.

*Massilia fumos miscere niualibus undis*

*Parce puer constet ne tibi pluris aqua.*

Garçon ne trempe point les vins de Mar-  
seille avec d'eau de neige, de peur que l'eau  
ne te couste plus que le vin.

Il y a donques encor' auourd'huy beau-  
coup de vins à Marseille: mais vn peu gros, &  
tirans sur le noir, pleins de suc, comme dit

Pline



Plin, pluſtoſt par la faute des habitans que par le naturel du terroir: car pluſieurs d'entre eux, & principalement ceux qui font eſtat de le vendre, engraiſſent ſi fort leur terroir, que le ſuc qu'on tire des raiſins ne peut qu'eſtre gros, & mauuris: Mais quant à ceux qui gardent le vin pour leur uſage. Ils en ont de meilleur qu'anciennement pour eſtre la plus grand partie vignes de Cypre, & autres lieux d'Orient, qui ont eſté apportez en ces quartiers avec beaucoup de ſoin, & ne cedent à point des vins de Prouence, qu'à ceux d'Arles, qui ſont ſans doute les meilleurs. Il y a beaucoup du vin muſquat que le vulgaire aime fort, on y fait auſſi d'une ſorte de vin qu'on appelle vin cuit, qui ſe diminue juſques à la troiſieſme partie. On fait grand cas de l'un, & l'autre par toute la Prouence. Au demeurant par un ſtatut, & règlement particulier de la ville. Il eſt defendu de porter à Marſeille de vins eſtrangers, à peine de conſiſcation, & d'autre amende arbitraire.

*Des inſcriptions, & autres monumens anciens.*

## C H A P. LXXIII.

**O**N ne voit point d'autres antiquitez à Marſeille, que les Temples, dont nous

242 LES ANTIQVITEZ DE LA  
auons parlé cy dessus. Il est vray que hors  
de la ville il y a quelques vieilles masures,  
qui nous font croire que c'estoiēt là les faux-  
bourgs d'une grosse ville. Il y a dix ans qu'on  
trouua dans les ruines d'une fort vieille Tour  
grand nombre d'anciennes medailles, aus-  
quelles estoit gravé le nom de Marseille,  
plusieurs estoient de fin or de l'Empereur Ju-  
stinian. Il y a deux bastimens en façon de  
Tours, qui sont encor en leur entier, d'une  
profondeur effroyable, tous de pierre carree,  
pleins d'eau iusques en haut, & ne paroissent  
point par dessus la terre, dont deriuent les  
tuyaux, & canaux des fontaines, & on ne sçait  
point qui est l'auteur d'une si admirable  
structure. Pour d'anciennes inscriptions, il y  
en a fort peu parce que les pierres ont esté  
employées à refaire les murailles qui ont esté  
souuent ruinees, & abbatues, voici celles  
qui y sont.

D. M.

*Vol Eutiche  
Euthicus Filie  
Dulcissima.*

Flauo.

Luciano.

....Aniæ.

Defunctis.

Celle-cy est à la rue Saint Iulien.

D. M.

*Quartia Irua  
Tilla.*

Il n'y

Il n'y a pas long temps qu'on trouua.celle-cy  
qu'on appelle Farot.

D. M.

*L. Lucilio*

*Crispo*

*Mar. Opt.* marito optimo.

*Fil. L. Luc. Gra-* filio Lucei Lucio grata.

*Tofil. Pÿssi.* filio pijsſimo.

*Iul. Grata.*

En l'Eglise ſainct Victor il y en a vne eſcrit-  
te trop concifément,& en vers qu'on appelle  
Bernardins,que nous auons inferée ici parce  
qu'elle contient vne hiſtoire.

*Verbi incarnati de Virgine mille peractis.*

*Annis his centum his ſeptem connumeratis.*

*Vincere Maioricas Chriſti ſamulis inimicas.*

*Temptant Piſani Mahometi regna profani.*

*Marte neci Dantur multi tamen his ſociantur.*

*Angelica turba cœlique locantur in vrbe.*

*Terra deſtructa claſſis redit e quo reducta.*

*Et vi diuina redeunt victrice carina.*

*O pia victorum bonitas! deſuncta ſuorum.*

*Corpora claſſe gerunt, Piſamque reducere querũt.*

*Sed ſimul adductus ne turbet gaudia luctus.*

*Ceſi pro Chriſto tumulto clauduntur in iſto.*

Mais d'autant qu'elle eſt difficile à lire, à cau-  
ſe des mots ſyncopez & racourcis, ie l'ay ici  
miſe comme il la faut lire.

Ce qui ſe trouue de ceſte hiſtoire, nous l'a-  
uons icy tranſcrit du ſupplément hiſtorique



244 LES ANTIQVITEZ DE LA  
de Bergomensis , & de la Cosmographie de  
Sebastien Munster. Ceux de Pise, ce dit Ber-  
gomensis, en ce temps là fort puissants & re-  
doutez sur la mer par le conseil de Pascal se-  
cond, partent des isles Baleaires, (maintenant  
appellées Maiorque & Minorque ) qu'ils  
auoient auparauant enuahies, & s'en vont  
auec vne grosse & puissante armee contre les  
Sarrazins, parce qu'ils couroient sur les ports  
des Chrestiens, qui furent du tout rompus &  
desfaits, où se mirent en fuite : mais comme  
ils estoient à Volterre, attendans le vent pro-  
pre pour desloger, les Lucquois s'emparerent  
tout incontinent de leur ville où ils ne trou-  
uerent point de resistance, lesquels apres , les  
Florentins à la requeste de ceux de Pize chas-  
serent de là , & l'ont tousiours depuis bien  
defendue. En memoire duquel plaisir & bien-  
faict ceux de Pize à leur retour firent present  
aux Florentins de deux colonnes de Por-  
phyre, qui sont encore auourd'huy à la por-  
te de l'Eglise S. Iean Baptiste. Bergomensis  
neantmoins & Munster errent tous deux en  
cela que l'vn le rapporte sous l'an 1112. &  
l'autre sous l'an 1108. Ceux de Pize , dit  
Munster, ont chassé deux ou trois fois les  
Sarrazins de l'Isle de Sardaigne , & l'ont re-  
due sous leur domination , comme l'an de  
nostre Seigneur 1108. ils auoient enuahi les  
Isles de Maiorque & Minorque, & apres auoir  
tué leur

tué leur Roy, qui estoit Mahometan, ils amenerent sa femme & son fils, qui estoit encor en fort bas aage: & l'ayant fait nourrir & eslever à la foy de Iesus Christ, ils le creerent en fin Roy à Maiorque. Au reste nous apprenons de ceste inscription, que le combat fut sanglant d'une part & d'autre: car ayant nettoyé des corps morts les Isles Sarrazj Luquoises, qu'on appelloit iadis Baleaires & Gymnesies, plusieurs corps de ceux de Pize, qui auoient esté tuez, furent portez sur des bateaux à Marseilie, & là enseuelis, pour ne mesler point la douleur avec le triomphe de ceux, qui s'en retournoient par terre à Pize, & ne troubler point les congratulations qu'on faisoit aux vainqueurs par le dueil & les larmes. D'auantage ceux qui labourent les champs trouvent d'anciennes medailles de cuiure, d'or, & d'argent, qui ont vne Diane d'un costé, & au reuers vn Lyon, vn Autour, & vn Taureau, qui ploye tant soit peu les pieds du deuant. Au dessus de leurs testes il y a en grosse lettre  $M A \Sigma \Sigma A$  seulement: car le nom entier de  $M A \Sigma \Sigma A \Delta I A$  n'y peut point demeurer: & au dessous il y a quelques nombres en Grec. Nous dirons au chap. suivant pourquoy les Marseillois ont mis en leur monnoye l'Autour, le Lyon, & le Taureau.

*D'une Forest de Pins en laquelle on adoroit la  
Deesse Berecynthe.*

## C H A P. LXXIV.

**A**V demeurant le promontoire de Mar-  
seille, duquel nous parlerons cy apres,  
estoit anciennement planté de Pins, comme  
on peut encores iuger par les Pins, qui sont  
demeurez sur les terres du terroir de Mar-  
seille. Au bas de ce promontoire du costé de  
Septentrion, neuf milles de la ville, il y a vn  
chasteau qu'on appelle les Pennes, où on voit  
vn tableau de marbre au dessus de la porte  
d'une Eglise, tel qu'il est ici representé, dont  
il se peut dire qu'il y auoit là vn temple de la  
Deesse Cybele femme de Saturne. On peut  
prendre l'interpretation de cest enigme, ou  
plustost marques hieroglyphiques de Ma-  
crobe, liu. premier, chap. 21. de ses Saturnales.  
Ceste Deesse estoit portee sur des Lyons  
forts & robustes, qui est la nature du Ciel,  
autour duquel l'air est contenu, qui porte la  
terre: on donne au soleil sous le nom d'Atys  
vne fleute & vne verge. Par la fleute est si-  
gnifié vn mouuement inegal, parce que les  
vents auxquels il n'y a point d'esgalité, pre-  
nent leur substance du Soleil. La verge signi-  
fie la



fie la puissance du Soleil, qui gouuerne toutes  
 choses. Quelques vns veulent dire que le  
 Lyon signifie plusieurs Lyons, qui trainent le  
 char de ceste Deesse: & nous enseignent qu'il  
 n'y a terre si agreste & sauuage, que le labeur  
 & industrie ne rende fertile. Par les deux  
 Cymbales est denotee la rondeur de la terre.  
 Quelques vns estiment que ces Cymbales  
 signifient le vent enclos dans le creux de la  
 terre. Les sept roseaux joints ensemble &  
 inegaux denotent la vertu differente, que les  
 sept planetes influent sur la terre, engendrans  
 diuerfes pierreries, minieres & metaux. Var-  
 ron dit que les tours qu'elle porte sur la teste  
 signifient les Citez & villes, dont la terre est  
 embellie. Les autres veulent dire, que par les  
 Cymbales, la fleute & le flageolet sont deno-  
 tez les instrumens que l'on sonnoit aux iours  
 solemnels de la feste de Cybele, celebree par  
 certains Prestres chastez, & nommez Cory-  
 bantes. Et par le chapeau & baston Pastoral  
 les bergers qui parmi leurs brebis sont ass-  
 duels gardiens de la terre, dont les Poetes au-  
 roient escrit qu'un Berger nomme Atys fut  
 l'ami de Cybele, lequel elle changea à un Pin  
 que l'on trouue tousiours graue parmi les  
 marbres antiques: combien que ce Pin signi-  
 fie plustost la grande quantite de tels arbres  
 desquels sont remplis la forest & mont d'Ide  
 en Phrygie, où iadis Cybele souloit auoir son.

248 LES ANTIQVITEZ DE LA  
principal Temple, dont elle fut appellee Idee,  
comme apres Palatine, lors que Iunius Bru-  
tus luy dedia vne Chapelle dans le Palais des  
Senateurs, sur le mont Palatin : en la dedica-  
tion de laquelle il publia les ieux appelez  
Megalesia, selon ce qu'en escrit Tite-Liue, au  
liure second, qui ont esté aussi appelez Me-  
galensia. On a trouué à Rome vn marbre de-  
dié à la mere des dieux, dont la pourtraicture  
n'est pas semblable à celle-cy, bien qu'on y  
puisse rapporter le mesme sens: car il y a vne  
femme trainee par des Lyons sur vn chariot  
qui porte sur la teste vne tour comme vne  
couronne, & à la main droite des espics de  
bled: elle regarde son ami Atys. Virgile fait  
mention des Lyons de la Deesse Cybele, au  
troisiesme liure de l'Eneide.

*Hinc mater cultrix Cybele Corybantiâque ara  
Idæumque nemus, hinc fida silentia sacra  
Et iuncti currum domina subiere leones.*

C'est à dire,

La Deesse Cybele en est, & l'airain des Co-  
rybantes, & la forest d'Idee, & le silence se-  
cret aux sacrifices, & les Lyons furent attelez  
au char de leur Dame,

Et des Pommes de Pin Martial en l'epig.  
25. du liu 13.

*Poma sumus Cybeles procul hinc discede viator  
Ne cadat in miserum nostra ruina caput.*

Nous sommes les pommes de Cybelle pas-  
sant

sant desloge d'ici , afin que nostre ruine ne tombe sur ton Chef.

Au dessous du marbre qui est à Rome ces lettres sont grauees,

*M. D. M. Et Attinis* matris Deum magnæ

*L. Cornelius Scipio Orfius*

*V. C. Augur Taurobolium*

*Siue Criobolium fecit*

*Die IIII. Kal. Mart.*

quintum Con-

sul, vel vir Cla-

rissimus.

*Tusco & Anulio coss.*

Et de là il appert que ceste sorte de sacrifice qu'on appelloit Taurobolium ne se faisoit pas seulement à l'honneur de Diane, bien que ce fust son particulier sacrifice, mais aussi à Cybelle appelée la mere des dieux grande & immortelle, comme nous dirons au traicté des Antiquitez de Freius. Ceste mere des Dieux fut aussi nommée Opis en premier lieu & Terre, parce qu'elle est la Deesse de la Terre, qui est aussi appelée Vesta : & pource les Poëtes ont escrit qu'elle estoit portee sur vn chariot , parce que la terre est suspendue en l'air , & que le chariot estoit soustenu sur des rouës , parce que le monde tourne incessamment. Elles s'appelle aussi Proserpine. Suidas met qu'on l'appelloit aussi Deesse Montaignere , & s'appelle mere des Dieux , parce qu'elle engendre toutes choses , & *Mater Alma ab alendo*, c'est à dire mere nourrice, pource qu'elle nourrit : mere Phrygienne de la



250 LES ANTIQVITEZ DE LA  
montagne de Phrygie. Berecynthe, d'une  
ville qui est en Phrygie. Pales, parce qu'elle  
est mere des pasturages. Rhea, du verbe Grec  
ῥέω, c'est à dire couler & fluer, parce que d'elle  
naissent toutes choses en affluence. Elle a  
esté aussi appelée Pessinuntia, & selon Apulee  
Bellona & Isis. Et Deesse porte tours, parce  
que la terre soustient les villes, & Diane. Vir-  
gile au l. 6. de l'Eneide.

---qualis Berecynthia mater

*Inuehitur curru Phrygia turrita per vrbes*

*Lata Deūm partu centum complexa nepotes.*

Telle que la mere Berecynthe ayant des  
tours sur la teste est portee sur vn chariot par  
les villes de Phrygie. Ioyeuse d'auoir porté  
des Dieux, & d'auoir embrassé cent neveux.

Am demeurant nous auons veu à Aix chez  
Anthoine Lambert notaire Royal, homme  
qui est fort curieux de l'antiquité, vne teste  
de marbre d'une femme qui a les cheueux  
entortillez à l'entour de la teste, & vne cou-  
ronne en façon de tour, qui a esté trouuee au  
chasteau d'Ansonis, que ie crois estre de Be-  
recynthia.

Donques pour reprendre la suite de no-  
stre discours, nous apprenons par là qu'il y  
auoit anciennement vne forest de Pins, dont  
le Chasteau retient encor aujourd'huy son  
nom, où Cybelle, ou Diane, sous le nom de  
Cybelle estoit adorce, comme en la monta-  
gne

gne de Phrygie. Ida peuplée de Pins, semblable à la forêt, dont parle Virgile au liu. 9. de l'Æneide.

*Pinea sylua m'hi multum dilecta per annos  
Lucus in arce fuit summa quo sacra ferebant  
Nigranti picea, trabibusque obscurus aceruus.*

J'ay aimé l'espace de plusieurs années une forêt de Pins, qui estoit au plus haut du mont, où l'on portoit des dons, & offrandes, sombre, & vénérable pour les Pins noirs, & arbres hauts.

Car ce fut par un iuste iugement de Dieu, que les esprits des hommes, qui ayans abandonné son seruice, adoroient des Dieux faits de main d'homme, deceus, & aueuglez par les tromperies des demons, estimoient (comme nous auons desia dit ailleurs) que les sacrifices estoient plus agreables qui se faisoient dans les forêts, & autres lieux vastes, & sombres. Au reste pour reprendre nostre discours ces dernières années on trouua une pomme de Pin, faite de pierre fort artistement, longue de trois pans, qu'un payfan ietta dans un four de chaux. D'auantage hors du Chasteau, dans une vallée fort scabreuse, appelée vulgairement Vallerai: il y a une pierre d'une excessiue grandeur avec une inscription de lettres antiques.

*D'un Triton qu'on a veu autresfois à Marseille,  
& des Nereides.*

C H A P. L X X V.

**I**L ne faut pas estimer que ce soit chose controuuee, & fabuleuse, ce qu'on lit dans Aristote, Spartian : & Pline qui a curieusement entre les autres recherché les choses naturelles des Tritons, c'est à dire monstres marins qui ont figure humaine, & des Nereides, Syrenes, leurs femmes. Car Pline escrit au chapitre cinquiesme du 9. liure que ceux d'Vlisbonne enuoyerent leurs deputez expres à Tibere pour l'aduerir qu'on auoit descouuert en Espagne vn Triton, faisant sonner vne coquille, du temps du mesme Tybere furent veuës des Nereides, ou Nymphes de Mer, qui retiroient à la figure humaine, horsmis qu'elles auoient la peau semblable à celles des anguilles, que la Mer se retirant auoit laissees sur la Greneës costes de Xainctonge. Sous l'Empereur Phocas furent veuës aux Isles qu'on appelle aujourd'huy d'Archipelago, qui auoient presque du tout la figure humaine, & cela s'est trouué confirmé, mesme de nostre siecle : Car Alexandre d'Alexandre met au liure troisiéme chapitre huit




huiſt, qu'il fut pris de ſon temps en Epire, maintenant Albanie, vn Triton qui auoit enleué pluſieurs filles qui alloient querir de l'eau à vne fontaine proche du bord de la Mer, & que Theodore de Gaze, homme bien verſé aux bonnes lettres, dit auoir veu autresfois en Grece vne Nereide, qui depuis le nombril en haut, reſſembloit à vne belle femme, & pour le reſte du corps qu'elle eſtoit comme couſtumierement on les peint, & que la voyant faſcher de ce qu'elle eſtoit à ſec, il la remit petit à petit dans l'eau. George de Trapezonde, dont l'autorité n'eſt pas de moindre poids que celle de Gaze, dit auoir veu au bord de la Mer vn poiſſon qui auoit la partie ſuperieure du corps comme vne belle femme, & Baptiſte Fulgoze au liure premier, chapitre dernier, eſcrit que ſous le Pape Eugene IV. on prit vn homme marin en vne ville de l'Illyrie, que nous appellons aujourd'huy Eſclauonie, qui emportoit dans la Mer, dit-il, vn ieune enfant, que ceux qui s'en eſtoient apperceus mirent à ſec. à coups de pierres, & coups de baſton: il reſſembloit preſque à vne perſonne, fors qu'il auoit la peau comme les anguilles, & auoit deux cornichons en la teſte, & n'auoit que deux doigts aux mains, les pieds auoient aux extremitéz comme des queuës, & d'iceux iuſques aux bras s'eſtendoient des ailles comme en vne

chaue

254 LES ANTIQVITEZ DE LA  
chauue-fouris, de tout ce que dessus peut fai-  
re foy ce que i'ay appris de mon ayeul Iean  
de Solier, qu'il fut pris vn Triton à Marseille  
au bord de la Mer, qu'on porta à René Com-  
te de Prouence, qui est aussi rapportee par  
Pierre Messie, liu. 1. ch. 24. de ses diuerses le-  
çons, apres Pierre Giles, qui met au lieu des  
animaux l'auoir ouy dire à certain qui l'auoit  
appris de son Pere, tefmoin oculaire, bien que  
Hierosme Cardan escriue au liu de ses sub-  
tilitez que ce n'est qu'un conte fait à plaisir  
que tout ce qu'on dit des Syrenes, & toutes-  
fois luy mesme, au traicté de la varieté des  
choses, semble croire ce que les susdits Au-  
theurs ont escrit des Nereides. Le mesme  
Giles qui est rapporté par Pierre de Launay  
en ses histoires prodigieuses, dit que l'Archid-  
uc d'Austriche, troisiéme fils de l'Empereur  
Ferdinand, fit porter à Genes vne Sirene,  
dont il fit present aux Geneuois l'an de no-  
stre Seigneur 1500. & que plusieurs doctes  
hommes d'Italie y furent pour la voir. Nous  
eussions ici descrit les figures de ces ani-  
maux, telles qu'on les lit dans les annales de  
Constantinople, & dans Pausanias qui est  
rapporté par Nicolaus Leonicus, au ch. 84. du  
liure second de son histoire diuerse, si on n'a-  
uoit les histoires de Launay qu'on recouue  
bien plus aisément.







# Table

## Des Chapitres

Chap. <sup>s</sup>	
1	Des Commoriens et de la Situation de la Ville de Marseille Selon Jules Cesar - - - pag. 5.
2	Du nom des Marseillois et de l'Étymologie du mot de Marseille - - - - - 9.
3	De l'origine des Marsillois et des fondateurs de leur ville - - - - - 10.
4	Du Temps et cause de la transmigration des Phocéens du pays d'Ionie - - - - - 14.
5	De l'Exécration, ou imprecation des Phocéens fondateurs de la Ville de Marseille et du proverbe tiré d'eux. <u>Phocensium Execratio.</u> - - 17.
6	De la venue des Phocéens de l'état et condition de la Ville de Marseille, et de ce qu'Aristote <sup>on</sup> a écrit touchant leur République - - 20.
7	Description de la ville de Marseille prise de Strabon - - - - - 24.
8	L'opinion de quelques autres touchant le fondateur de Marseille, et Étymologie de son nom - - - - - 28.
	Que Lyon n'a pas été bâti par les Phocéens. Et de l'Académie de Lyon, ou jeux qui se faisoient devant le Temple, et quel dédié à l'honneur d'Auguste - - - - - 32.

Des Villes fondées en Espagne par les Phocenses  
ou Marseillois, et des Mœurs et Ordonnances  
d'icelles - - - - - 36.

D'une autre transmigration des Phocenses qui  
furent repoussés par les Marseillois, et de la  
ville d'Elée, qu'ils bâtirent en Lucanie, et de  
ses forces - - - - - 41.

De l'agrandissement des Marseillois et des  
guerres qu'ils ont eues avec leurs voisins . . . 43.

De la rançon que payèrent les Marseillois  
pour les Romains, et que les Marseillois avant  
ce bienfait ne perdirent jamais leur liberté,  
contre ce qu'en écrit Trogue Pompée - - 48.

Que les Marseillois ont enseigné aux Gaulois  
leurs voisins, de planter la vigne avant l'Empe-  
reur Probus, contre ce qu'en ont écrit Eutropi  
et Vopiscus, et qu'il y a eu des Oliviers à  
Marseille premier qu'en Italie . . . 53.

De la ville de Calari bâtie par les Phocenses  
en l'isle de Corse . . . 54.

De la vaillance des Marseillois au fait de la  
guerre, et des Villes par eux bâties, tant au  
long de la coste de la Province Narbonnoise  
qu'en Italie, et de leur affection aux choses Mari-  
times, et combien leur puissance s'est étendue  
tant par mer que par terre . . . 56.



De l'alliance, et reciproque amitié des Mar-  
seillois avec les Romains, et de l'aide et secours  
qu'ils se sont souvent prestez les uns aux autres.  
Que les Marseillois ont été les auteurs des  
victoires que les Romains ont rapporté sur les  
Gaulois de ce a les Mons, et que les Romains  
ont appris des Marseillois a dresser des  
Trophées . . . . . 60.

D'un autre bienfait des Marseillois envers  
la Republique Romaine, du temps de la Seconde  
guerre Punique, et du passage d'Annibal par  
la Province Narbonnoise . . . . . 71.

Des Magistrats de Marseille, et du change-  
ment de l'Etat de leur Republique . . . 81.

Quelle étoit la peine et punition des Magistrats  
qui se laissoient corrompre en leurs jugemens  
parmi les Marseillais . . . . . 83.

De leur Espargne & Frugalité . . . . 84.

De la Discipline et façon de vivre des Mar-  
seillois, et de leur justice, et Coustumes . . 86.

Que les Femmes de Marseillois ne beuvoient  
point de vin . . . . . 95.

<sup>24</sup>  
Que ce Proverbe, Navigue vers Marseille,  
ne s'entend point des noeurs de nos Marseillois,  
des Massiliens, et Massilie en Afrique, et qu'il  
Aristote a fait un livre de la Republique des  
Marseillois . . . . . 98.

<sup>25</sup>  
Des Sacrifices execrables que les Marseillois  
faisoient dans un petit ois consacré a leurs  
Dieux . . . . . 101.

<sup>26</sup>  
D'un Present que les Marseillois firent à  
Apollon de Delphes . . . . . 110.

<sup>27</sup>  
De l'Academie des Marseillois . . . . 112.

<sup>28</sup>  
De l'Ancien langage des Marseillois, et autres  
Provençaux, et lesquels ont premierement  
parlé Grec, les Marseillois, ou les autres Nations  
des Gaules, et à quels Galois les Marseillois  
enseignerent la langue Grecque et la  
Philosophie . . . . . 114.

<sup>29</sup>  
La Conciliation des lieux vixez de Strabon et Cesar,  
touchant le langage des anciens Marseillois, et  
autres Gaulois . . . . . 121.

<sup>30</sup>  
Comment et en quel tems la langue Grecque s'est  
abastardie entre les Marseillois, et leurs  
voisins . . . . . 126.

<sup>31</sup>  
Du Decroissement des Marseillois, et pourquoi  
Cesar les assiegea contre ce qu'en ont escrit  
Paterculus et Florus . . . . . 128.

32  
Pourquoi les Marseillois fermerent les portes  
à Cesar, et de la reponce que firent les Deputer  
de Marseille . . . . . 132.

33  
De l'appareil des Marseillois pour la defense  
de leur Ville contre Cesar, et de la perte de leur  
flotte . . . . . 135.

34  
Du discours qui fut envoyè aux Marseillois,  
de leur valeur, et de leur seconde infortunée  
bataille Navale . . . . . 145.

35  
De l'assaut donné aux murailles de la Ville. 151.

36  
Du Stratageme, dont userent les Marseillois  
contre les Cesariciens, en l'extremité de leurs  
affaires, et de leur coutume en cas de Suppli-  
cation . . . . . 157.

37  
De la Reddition de Marseille . . . . . 165.

38  
Des forces qui demurerent aux Marseillois  
après leur ville prise . . . . . 169.

39  
Quelle partie des Gaües les Deputer des Mar-  
seillois ont voulu dire que Cesar leur avoit  
attribuée . . . . . 177.

40  
Des hommes Illustres Marseillois et premiere-  
ment de Crinas le Medecin . . . . . 179.

41  
De Carmidas Physicien Marseillois . . 183.



De Pythias, ou Pytheas Philosophe, et Cosmo- graphe Marseillois . . . . .	42 184.
De Demosthene Medecin Marseillois . . . . .	43 185.
Du Cosmographe Eudimenes Marseillois . . . . .	44 185
De Paratus et Oscius Rhetoriciens Marseillois . . . . .	45 186
De Telon Astrologue et Gyareus Marseillois . . . . .	46 187.
De Menocrates, Juge des Marseillois, et Zenotemus . . . . .	47 187.
De St. Lazare premier Evêque de Marseille . . . . .	48 188.
De St. Honoré Evêque de Marseille . . . . .	49 189.
De Grecus Evêque de Marseille . . . . .	50 190.
De Cassian Docteur Marseillois . . . . .	51 191.
De Polycarpus Evêque de Marseille . . . . .	52 192.
De Petronius Arbitr, Marseillois . . . . .	53 193.
De Gennadius Orateur et Theologien Marseillois . . . . .	54 193.

De Claudius Marinus Victorinus Rhetoricien  
Marseillois . . . . . 194.

De S.<sup>t</sup> Eucherius Docteur Marseillois, et Evêque  
de Lyon, et de Pontius Paulinus Evêque de  
Nole . . . . . 195.

De Corvinus Orateur Marseillois . . . . 197.

De Salvian Docteur Marseillois . . . . 198.

De Muscus Docteur Marseillois . . . . 198.

De Fulcon Evêque de Marseille . . . . 199.

De Guillaume Angelic Medecin Marseillois,  
et Mathématicien . . . . . 200.

De Jean D'Auron Mathématicien  
Marseillois . . . . . 201.

Des Martyrs Marseillois, et de la pureté  
de Doctrine de l'ancienne Eglise de  
Marseille . . . . . 201.

En quel tems Marseille perdit sa gloire, et  
son lustre . . . . . 203.

De la Guerre de Berenguer Comte de Provence  
contre les Marseillois, et du Siége de  
la ville . . . . . 207.

66

De la premiere Guerre de Charles premier  
du nom, Comte de Provence contre les  
Marseillois . . . . . 212.

67

De la Seconde Guerre de Charles premier  
contre les Marseillois . . . . . 218.

68

Que les Marseillois n'ont endure les Sieges  
sussdits que pour maintenir leur foy, et les  
traiter de paix, et conserver leurs droicts,  
et privileges, et la louange de la ville, pour  
sa fidelite . . . . . 221

69

Theodoric Roi aux Marseillois . . . 222.

70

Du Saccagement, qu'Alphonse Roi d'Arra-  
gon fit de la ville de Marseille. . . 225.

71

Du Terroir de Marseille . . . . . 234.

72

Des Rubis de Marseille, et d'une Coupe faite  
de bois de Vigne . . . . . 238.

73

De l'ancienne bonte des vins de Marseille 238.

74

Des Inscriptions, et autres Monumens  
anciens, . . . . . 241

75


D'une Forest de Pins en laquelle on ado-  
roit la Déesse Berecynthe . . . 246.



D'un Triton qu'on a vû autrefois à Mar-  
seille, et des Nereïdes . . . . . 252.


*Fin*

1000













SPECIAL

93-B

3609

